

中華民國
新修豐順縣志
第二冊

ex 330.181

42

印 212

中國農民銀行
經濟研究所
藏

92291

政治一

邑人李唐介承甫編纂

(一) 戶口

征政附

乾隆六年編戶一萬一百二十三戶編丁七萬二千五十四口

乾隆九年編戶一萬四百九十九戶編丁七萬五千二百七十六口

案清初人丁有報戶之例以戶內田畝之多寡定丁口之多寡編入黃冊民間田有買賣則田去丁存貽累無窮故人多匿報康熙五十二年詔嗣後續立人口永不加賦五十三年又准廣東所屬丁銀就地畝攤自是滋生人丁無賦民丁遂突增乾隆初雖數次編審所報仍未核實舊志所載數目可見迨乾隆三十七年起奉行停止編審令遞年列冊造報五十八年以巡撫陳輝祖長鑒奏稱冊報民數不實諭曰戶口繁庶卽細加查造亦斷不能一無舛漏且恐胥吏藉端滋擾更非安輯閭閻之道蓋當時州縣冊報亦祇奉行故事大抵皆少開而無多報並未詳查也道咸以後滋生人丁遂不復可考宣統元年廣東設統計調查局令各縣設置統計調查員知縣單夢祥委李唐主其事當時適往調查戶口各鄉村均不敢實報經多方抽查勾稽統計約五萬戶男女二十四萬餘名口三年秋奉令編釘門牌按戶查報人口鄉民咸疑將按人口抽稅湯坑各處尤爲紛擾致有毆逐編釘員差之事旋將門牌發交各紳耆自行編釘仍照元年統計戶口數造冊具報然比乾隆九年之數已增加倍蓰於無算矣版

豐順縣志

卷七

建置

一

汕頭鑄字局梅縣分局承印

圖依舊生齒日繁迄民國十七八年共匪擾亂殺人如麻各被匪鄉村人口死亡率之大爲三百年來所僅見地方治安與戶口增減關係至大司民牧者所當加之意也

民國二十三年奉令清查戶口編釘門牌合計三萬六千二百六十戶男女二十一萬零八千六百名口

民國二十九年奉令複查戶口合計四萬四千六百零五戶男十二萬六千七百五十六名女十萬五千一百三十一口

分區複查戶口數

附松鄉戶數一千一百六十八號男四千一百三十八名女三千四百二十三口

豐良鄉戶數九百五十七號男二千三百七十名女一千八百一十一口

建大鄉戶數一千四百五十九號男三千一百零七名女二千八百一十六口

璫溪鄉戶數九百五十九號男二千五百七十九名女二千一百五十七口

環清鄉戶數一千三百五十五號男三千七百八十二名女三千二百一十五口

紫湯鄉戶數一千七百零八號男四千一百二十三名女三千三百五十口

大龍華鄉戶數一千四百四十號男四千零二十三名女三千三百三十三口

產溪鄉戶數二千六百五十八號男六千六百一十三名女五千一百七十一口

潘田鄉戶數一千七百零五號男四千五百八十二名女三千三百七十八口

潘仙鄉戶數一千四百九十六號男三千八百七十九名女三千零三十九口
馬圖鄉戶數五百九十四號男一千三百八十六名女一千一百六十八口
徑心鄉戶數三百五十四號男九百二十名女七百一十七口

以上屬第一區合計一萬五千八百一十三戶男四萬二千一百零二名女三萬三千六百七十八口

東隴鄉戶數二千二百七十五號男六千九百一十八名女五千一百三十一口

西隴鄉戶數一千七百四十一號男五千八百六十九名女三千零二十八口

錦江鄉戶數一千六百八十九號男四千三百九十一名女三千八百九十七口

蔗溪鄉戶數一千三百六十九號男三千三百八十九名女二千九百零六口

潭江鄉戶數一千六百號男四千四百五十五名女三千二百四十口

沙田鄉戶數一千六百三十六號男四千三百零三名女三千九百一十口

小勝鄉戶數一千四百號男三千八百三十四名女三千八百一十口

以上屬第二區合計一萬一仟七百一十戶男三萬三千三百五十九名女二萬五千四百二十一

口

金鎮鄉戶數一千一百九十六號男二千七百八十三名女二千六百八十三口

豐順縣志

卷七

政治

一一

汕頭鑄字局梅縣分局承印

五權鄉戶數一千二百七十三號男三千三百一十八名女二千七百六十口

穎川鄉戶數一千五百三十二號男四千三百七十九名女四千二百六十一口

埔頭鄉戶數二千三百六十六號男七千八百七十五名女七千三百八十一口

四美鄉戶數一千四百九十八號男四千四百一十八名女三千四百六十三口

大同鄉戶數一千三百五十六號男四千零三十名女三千八百零五口

揭嶺鄉戶數一千零六十八號男二千六百零八名女二千六百四十七口

新樓鄉戶數一千二百七十號男三千七百六十九名女三千零八十九口

新鋪鄉戶數一千六百三十六號男四千零零四名女三千八百八十口

埔寨鄉戶數一千四百四十三號男四千四百四十四名女四千零三十五口

三友鄉戶數一千五百一十五號男三千七百零九名女三千三百三十四口

八鄉戶數九百二十九號男二千九百七十九名女二千三百四十七口

以上共計四萬四千六百零五戶男十二萬八千七百五十六名女十萬五千一百三十一口

役政

役法莫備於周代有兵役徒役胥役鄉役各殊其名有司徒族師鄉大夫等官司其政令猶今之有軍管區師管區團管區司令縣兵役科執行徵役政令也宋代以差役害民改爲僱役義役明代計里分

甲其應役者有均徭有雜汎厥後屢更則有銀差力差聽差然糧長里長名罷實存規制漸紊亦不能盡便於民清初役法悉載賦役全書大抵每里百有十戶推丁多者十人爲甲長餘百戶爲十甲屆期坊廂里長造冊送州縣由是而府而司而達於部凡載籍之丁六十以上開除十六以上添註孟子所謂力役之征也自雍正初丁歸地糧丁徭與地賦合併兵皆招募役由僱傭舊制遂廢民忘其役久矣民國邑屬興築公路皆用徵工法抗戰軍興厲行徵兵制於是有國民兵担架兵伕役之別令鄉保甲長按壯丁名冊抽籤徵送歸縣府彙解團管區遞解分撥此雖仿列邦民兵之制蓋猶行古之道也茲將邑屬連年征送兵役名額總數列表如下：

二十四年度起歷年征兵人數一覽表

年 度	徵 送 人 數	備 考
二十四年	一百二十名	自民國二十四年九月起至三十年十月止合計共征兵役八千零一十一名
二十五年	永 征	
二十六年	七百五十二名	
二十七年	一千四百三十九名	
二十八年	二千一百八十四名	
二十九年	一千六百二十名	

豐順縣志 卷七

政治

三

汕頭鑄字局梅縣分局承印

三十年 一千八百九十六名

合 計 八千零一十一名

(二) 財政

(甲) 田賦

乾隆四年海陽揭陽嘉應大埔四邑割撥田地山塘埔共一千四百三十一畝二分五厘六絲二忽八微一釐六沙科官民夏農桑米五千六百一石八斗六升二合五勺內除建造衙署及先農壇籍田共稅六畝一分無徵實編徵餉銀五千五百六十二兩五錢九分九厘六毫二絲三忽六微五沙九塵遇閏加徵本色米二千二百二石九升五合乾隆三年奉文將米一百四石七斗九升四合折價徵銀七十三兩三錢五分五厘八毫歸入地丁項下實改徵本色米二千九十七石三升一合除銀一千八百四十五兩五錢九分五厘四毫外共徵銀三千七百一十七兩四厘二毫二絲三忽六微五沙九塵遇閏加銀六十三兩八錢四分三厘九毫

又額外升科田埔稅七頃六十三畝七分五厘七毫二絲五忽征銀九兩八錢三分六厘八毫八絲三忽

又南工匠價連水脚派人民糧征解共編征銀一十八兩九錢四厘二毫遇閏加征一兩五錢七分四厘

又征本折物料溢價銀五十七兩二錢六分五厘五毫雕漆衣裝銀一兩六錢四分四厘九毫遇閏加銀一錢三分五厘一毫二絲五忽

又四邑分撥丁口七千六百二十七丁四分一厘一毫一絲八忽八纖除優免丁一百七十六丁免征銀二十七兩五錢一分四厘七毫九絲七忽五微二纖外實在全編男子成丁二千四百四十二丁三分三毫六絲八忽二纖實編男婦課口五千二口七分二厘一毫五忽六微二纖征銀四百六十五兩九錢八分八厘六毫六絲三纖九沙九塵九埃八渺六漠又免不盡人丁六丁三分八厘六毫四絲四忽四微四纖征銀一兩九錢四分九厘一毫二絲七忽八微八纖五沙八塵八埃八渺遇閏加銀十四兩二錢四分七厘五毫一絲三忽七纖二沙五塵五埃二渺四漠

一上則田七十四頃六十畝六分二厘三毫三絲四忽七微五纖內分

海陽十二頃二十九畝一分五毫九絲九忽七微五纖每畝科官正耗米二升一勺派糧料四差銀一分一毫七絲三忽六微五纖科民正耗米三升一合七勺派糧料四差銀三分八毫八絲一忽六微四纖

揭陽二十六頃七十一畝五分四厘八毫四絲三忽每畝科官正耗米一升八合五勺派糧料四差銀九厘二毫六忽科止耗米三升二合五勺派糧料四差銀三分一厘六絲四忽

豐順縣志

卷七

政治

四

汕頭錦字局梅縣分局承印

嘉應三十五頃五十九畝九分六厘八毫九絲二忽每畝科官正耗米三合五勺派糧料四差銀九毫五絲六微六纖六沙七塵科民正耗米三升四合二勺派糧料四差銀四分二毫九絲八微四纖九沙一中則田七百九十八頃十八畝五厘九毫八絲六忽九微六纖六沙內分

海陽五百二十九頃五十五畝九分六厘四絲八忽九微六纖六沙每畝科官正耗米二升派糧料四差銀一分一毫二絲三忽四纖科民正耗米三升六勺派糧料四差銀二分九厘八毫一絲

揭陽二百二十三頃六十二畝二分四厘七毫六絲三忽每畝科官正耗米一升三合五勺派糧料四差銀六厘七毫一絲八忽科民正耗米二升三合五勺派糧料四差銀二分二厘四毫六絲二忽

嘉應五十四頃九十九畝八分五厘一毫七絲五忽每畝科官正耗米三合六勺八秒派糧料四差銀一厘一毫四絲七忽三纖四沙科民正耗米二升五合一勺二秒派糧料四差銀二分九厘五毫九絲三忽七微五纖

一下則田四百八十二頃三十八畝三分五毫六絲二忽五微內分

海陽二十二頃九十七畝四分四毫五絲二忽五微每畝科官正耗米一升九合六勺派糧料四差銀九厘九毫三絲五微六纖科民正耗米二升九合二勺派糧料四差銀二分八厘四毫四絲六忽一微八纖

揭陽三百六十頃八十四畝六分三厘七毫五絲四忽每畝科官正耗米九合五勺派糧料四差銀四

厘七毫二絲七忽科民政耗米一升六合五勺科糧料四差銀一分九厘二毫二絲六忽七微
大埔二十五頃八十畝三分六厘八毫五忽每畝科官正耗米二升五合二勺五秒六拵派糧料四差
銀二分二厘三毫三忽一微八纖三沙

一夏稅地十九頃十四畝九分三厘四毫八絲七忽內計

海陽每畝科夏稅米二升九合四勺五秒派倉料三差銀二分六厘一毫二絲一忽三微五纖

揭陽每畝科夏稅米三升五勺四秒派糧料四差銀二分六厘五毫三忽

嘉應每畝科夏稅米二升派糧料三差銀二分四毫六絲九忽二微

一農桑地十三畝四分九厘七毫八絲六忽內計

海陽一則農桑地每畝科絲米一斗八勺八抄八拵六圭派倉糧三差銀八分九厘四毫八絲五忽四

微七纖

海陽二則農桑地每畝科絲米六升三合五秒五拵派糧倉三差銀五分五厘九毫二絲八忽

揭陽每畝科絲米二升二合六秒派糧料四差銀二分四毫六絲七忽

嘉應每畝科桑米二升派糧料三差銀二分四毫六絲九忽二微

一塘山埔六十一頃六十五畝八分二厘九毫五忽六微內計

海陽塘山埔每畝科官正耗米一升八合五勺一抄三拵派糧料四差銀九厘三毫七絲三微九纖科

豐順縣志

卷七

政治

五

汕頭錦字局梅縣分局承印

民正耗米二升四合六勺九秒八拵派糧料四差銀二分四厘六絲四微

海陽二則埔每畝科官五耗米四合二勺八抄四拵三圭二粟七粒派糧料四差銀一厘一毫六絲八

忽五微科民正耗米六合四勺一抄五拵六圭七粟三粒派糧料四差銀六厘二毫五絲

嘉應山每畝科官正耗米三合六勺八抄派糧料四差銀一厘一毫四絲七忽三纖四沙科民正耗米

二升八合四勺二抄派糧料四差銀三分三厘四毫八絲一忽四微六纖

一海陽首墾田埔七頃六十三畝七分五厘七毫二絲五忽例不科米每畝征糧銀一分二厘八毫七絲

九忽六微六纖八沙六塵五埃三渺八漠四末七邊一巡

乾隆十年報墾額外山埔起征稅銀一錢七分四厘三毫

又十三年奉文征復起造衙署地基稅銀五分八厘八毫

又十六年報墾額外水田起征稅銀一兩二錢六分三厘六毫

又十七年報墾額外水田起征稅銀一兩三錢八分九釐四毫

又六十年報墾額外水田起征稅銀一兩三錢八分九厘四毫

嘉慶元年報墾額外下田起征稅銀一兩四錢零三釐三毫

以上六項共加征稅額銀四兩四錢七分四釐四毫

合計額征田地山塘埔稅丁口匠價物料溢價雕漆衣裝車丁銀四千二百九十兩六錢三分六釐遇閏

加征銀八十兩零三錢四分五釐

帶征一六九耗銀七百二十五兩一錢一分八釐遇閏加征銀一十三兩五錢七分八釐

額征民米一千九百零七石六斗六升二合四勺

(乙) 屯田

乾隆四年海陽揭陽二縣分撥裁衛歸縣屯田三十六頃二十九畝三分四毫八絲九忽七微八纖七沙九塵除海陽荒缺稅四頃二十二畝三分八厘一毫三絲二忽七微八纖七沙九塵無征外實共熟稅三十二頃四十六畝九分二釐三毫五絲七忽征米七百四十石五斗六升一勺三抄七撮八圭五粟五粒二截一糊五糠內海陽折價米三石三斗二升八合二勺四抄三撮五圭

又海陽縣移撥首墾荒稅一畝一分三釐三絲於乾隆七年起征折價米一斗三勺八抄一撮九圭四粟三粒

一海陽縣原額熟稅三十一頃四十六畝一分二釐三毫五絲七忽內計

上則稅十六頃八十七畝三分一釐八毫二絲一忽每畝征米三斗

中則稅一頃四分六釐二毫八絲五忽四微六纖三沙五塵一埃三渺二漠每畝征米二斗五升

下則稅十頃六十九畝四分八釐六毫七絲五忽二微一纖一沙三塵七埃八渺六漠每畝征米一斗五升

豐順縣志

卷七

政治

六

汕頭鑄字局梅縣分局承印

又下則稅八十畝二分七厘四毫三絲六忽每畝征米一斗二升

下下則稅四十六畝六分四厘八毫九絲六忽七微四纖九沙六塵九埃六渺四漠每畝征米五升六合五勺二撮九圭九粟六粒五截二糊

減則稅一頃二十五畝五分八厘二毫四絲二忽五微七纖五沙四塵一埃一渺八漠每畝征米八升八合八勺一抄

又升科減則稅三十六畝三分五厘每畝征米八升八合八勺一抄

以上田畝均坐址潘田墾墮小產葛布石狗等屯

一揭陽縣原額中則熟稅一頃八分每畝征米二斗二升俱坐址客峒屯

額征屯米共七百四十石零五斗六升一合

內除嘉慶間奉文減則屯米一百三十四石二斗四升六合三勺由司領價買解又奉文改撥折米二十一石二斗二升八合二勺外實徵屯米五百八十五石零八升六合五勺

額征民屯折米二百一十石零九斗六升七合三勺

以上共徵民屯本折米二千八百三十七石九斗六升二合五勺每石帶徵耗米一斗六升

(丙) 雜租

豐順籍田四畝九分額徵租穀一十三石

每歲收穫穀石除糯種穀一石外留祀先農桑盛之用乾隆四十八年定額收穀一十三石內除桑盛糯種穀一石四斗外實征穀一十一石陸斗五十八年奉文變價提解司庫按年核支

額征低窪埔租銀二百一十七兩三錢四分二釐

額征產溪驛地租銀一兩二錢一分九厘

額征武寧驛地租銀二兩陸錢八分陸釐

案邑屬屯田驛地原屬官有民國九年廣東清理官產處派員蒞縣准民間繳價承領概變爲民有照舊科稅廣東民政廳二十二年刊布全省地方紀要內載豐順錢糧額征地丁正銀四千二百九十兩零六錢三分陸釐民米一千九百零七石陸斗陸升二合合折米一百八十九石七斗三升九合於二十年奉令改征新稅率以換征二十二年份錢糧每地方正銀一兩統征毫銀四元民米一石統收毫銀十元折米一石統收毫銀三元合共全年額征毫銀三萬陸千八百零八元叁毫八仙一文比舊額已增加二倍有餘二十二年五月縣參議會商承縣政府清丈田畝改征臨時地稅將各鄉田畝繪圖編號從新評定地價征稅依照地價值百抽一二十四年實行征收比二十二年錢糧額數參萬陸千餘元已增加叁倍以下茲將二十四年度起征收各鄉臨時地稅畝數稅額列表如下：

豐順全縣自民國廿四年度起征收各鄉臨時地稅數目一覽表

鄉別	畝	數	稅	額	備	考
豐順縣志 卷七 政治 七 汕頭鑄字局梅縣分局承印						
附松鄉	畝	三千七百九十三		二千零七元二角	以征起總額留縣五成解省庫五成	
豐良鄉	畝	四千二百七十二		一千六百九十五元一角一分		
紫湯鄉	畝	四千玖百一十三		二千四百五十八元八角		
建大鄉	畝	六千三百七十七		六千三百七十七元		
環清鄉	畝	三千三百二十七		一千七百四十五元五角七分		
璜溪鄉	畝	五千四百零七		二千五百一十六元八角四分		
大龍鄉	畝	四千四百五十七		二千零五十七元七角		
馬圖鄉	畝	一千零四		一千零四元		
潘仙鄉	畝	四千零五十二		一千八百二十三元二角		
東隴鄉	畝	三千四百五十二		一千七百九十一元三角		
西隴鄉	畝	四千八百二十		二千三百一十四元七角三分		
錦江鄉	畝	五千一百五十二		二千七百一十三元八角六分		
潘田鄉	畝	五千一百五十二		二千三百零四元五角九分		
產溪鄉	畝	一千一百四十一		三千二百一十三元五角四分		
金鎮鄉	畝	六百五十二		四百三十一元三角四分		

穎川鄉	五千五百九十九畝	二千九百三十八元三角六分
埔頭鄉	六千四百零五畝	三千六百五十九元五角三分
新樓鄉	一千九百六十一畝	一千一百九十元三角七分
新舖鄉	一千八百九十四畝	一千一百五十八元六角六分
埔寨鄉	五千一百八十六畝	二千六百九十六元五角五分
三友鄉	七千六百五十二畝	三千九百八十八元二角
五權鄉	四千二百一十三畝	二千四百一十一元六角
大同鄉	六千零九十五畝	三千四百零三元一角五分
揭嶺鄉	四千一百二十四畝	二千零四十元零七分
八鄉	未丈量畝數	一百一十三元四角一分
潭江鄉	三千六百六十七畝	一千四百六十四元三角一分
沙田鄉	六千一百零六畝	二千四百五十七元八角七分
小勝鄉	三千九百四十一畝	一千五百五十三元三角二分
合計	一十一萬五千一百四十八畝九分六厘	六萬一千八百五十一元五角九分七厘

豐順縣志

卷七

政治

八

汕頭鑄字局梅縣分局承印

民國二十九年十月一日奉令實施新縣制自卅年度起將地稅加倍征收計額計稅銀一十二萬叁千七百叁十七元九角七分九釐但自卅年七月又奉令依照二十九年原額稅每元改計實物二市斗所有加倍征收部分仍舊照收國幣年額陸萬餘元

(丁) 徭鹽鈔

海陽每丁派徭差民壯均平銀一錢三分二厘二毫八絲又派鹽鈔銀一分四毫二絲八忽遇閏加銀四厘一毫七絲二忽

揭陽每丁派徭差民壯均平銀一錢六分七厘八毫四絲七忽又派鹽鈔銀一分五毫三絲六忽遇閏加銀六厘七絲一忽

嘉應每丁派徭差鹽鈔銀二錢四分二毫一絲六忽三微四纖又征不准鹽利代納虛糧銀三厘六毫九絲五忽三微五纖遇閏加銀一分一厘七毫八絲八忽

大埔每丁派差銀二錢六分二厘七毫五絲三忽二微五纖遇閏加銀一分一厘九毫六絲二忽一優免人丁

海陽例全免差鈔

揭陽例全免差鈔

嘉應每丁止派差平鄉兵鹽鈔銀二分七厘五忽三微四纖又征不准鹽利代納虛糧銀三厘六毫九

絲五忽三微五纖

大埔免不盡丁每丁止征三差銀二錢四分二厘五毫六絲五忽

一婦女課口

海陽每口派鹽鈔銀一分四毫二絲八忽

揭陽每口派鹽鈔銀一分五毫三絲六忽

嘉應每口派鹽鈔銀一分六厘二毫六絲三忽三微四纖又徵不准鹽利代納虛糧銀三厘六毫九絲五忽三微五纖

大埔每口派鹽鈔銀二分一毫八絲八忽二微五纖

案大清會典皇朝通考康熙十一年浙江鹽鈔銀均入地丁五十五年准廣東所屬丁銀就各州縣地畝攤征每地銀一兩攤丁銀一錢陸釐四毫不等熙朝政紀謂丁隨地起見於明文者自廣東始攷鹽鈔銀均入地丁亦自浙江始參十陸年浙江又將匠班銀派入地丁厥後湖北山東各省均先後照浙粵兩省先例前列徭差鹽鈔銀兩均經歸入地丁征收統計田賦額征之內自民國二十年清丈田畝履畝科稅按畝稽征所有官民耗米糧料差銀丁口工匠帶征火耗一切稅銀皆歸納地稅內征收尤爲簡便惟當時縣參議會諸人對於清丈田畝不免上下其手營私舞弊諸多不實不盡卒至不公不平仍非重行丈量不足以昭核實

(戊) 解留

豐順縣志

卷七

政治

九

汕頭鑄字局梅縣分局承印

清代解額項下

一解省藩司餉銀三十一百四十一兩一錢九分七厘二毫六絲

一解地丁耗羨銀七百二十五兩一錢一分八厘

一解潮州各營兵米一千七八百石

案舊志原解給潮州各營本色米二千陸百肆十肆石九斗九升叁合二勺緣同治九年奉文將各營兵裁汰叁成即以所裁曠米爲加餉練兵之需自是各營兵米每年候奉糧道行文撥解某營若干照數批解計潮州中左右三營約撥八百肆十五石城守營約撥肆百八十九石澄海營約撥肆百肆五十石每年共解給潮州各營兵米約一千七八百石

一解回疆案內澄海協裁兵米九十三石六斗遇閏解一百零一石四斗

道光丁二年奉文裁澄海營兵米九十三石六斗以補回疆兵額將所裁米石折價解司聽候部撥嗣奉文按照次年最貴米價月分變解

一解省倉折米一百六十四石三斗五升八合六勺

一解惠州協左營折米一十三石七斗二升六合一勺

一解永安營折米一十五石零二升遇閏解十六石一斗

案舊志原解省倉折價米一百四十六石三斗五升八合六勺自奉文將屯米二十一石二斗二升八

合二勺改撥折米共解省倉折米一百六十四石三斗五升八合六勺惠州協左右二營原解折價兵米四十六石六斗零八合六勺自奉文裁兵三成後僅解惠州協左營一十三石七斗二升六合一勺永安營一十三石零二升

一解裁兵參成節存米肆百肆五十石

同治十一年奉文將裁兵參成曠米除減則屯米一百叁十肆石二斗肆升叁勺存司毋庸領解外其餘米石仿照天津回疆成案折價解司充餉如係征收十成者以七成搭放各營兵米餘存參成全數折解司庫征九成者折解二成征捌成者折解一成豐順每年除解給各營本折米外約節存在四百四五十石之間遵奉文行按照同治十年五月分十米價值每石二兩零二分七厘折實銀一兩四錢一分四厘批解

一解糧道養廉銀三十五兩七錢七分

一解支剩折米耗銀一十一兩三錢六分

一解支存囚糧二十四兩六錢四分

一解耗米盈餘銀三百零三兩二錢七分

縣屬額征民屯本折米二千八百三十七石九斗六升二合五勺每石帶征耗米一斗六升以一斗爲解營水陸運脚以三升爲糧道養廉及鼠耗墊筴之費以三升爲本監囚犯口糧及修補倉廩之費除

豐順縣志

卷七

政治

十

汕頭鑄字局梅縣分局承印

開銷外所餘耗米每石以一兩七錢折價解司

一解藉田變價穀一十一石六斗折銀九兩六錢八分六厘三毫四絲八忽

一解省充公低窪埔租銀一百五十一兩三錢九分

一解扣存核減役食二成銀一百四十兩

應解捐款項下

一解時憲書三成銀七兩二錢一分二厘

一解小書工食銀四十六兩六錢八分三厘

一解塘兵餉銀一十四兩二錢七分二厘

一解搖目口糧銀一十三兩四錢三分八厘

一解高錫費銀五兩六錢四分一厘

一解香蠟差費銀一十三兩九錢零九厘

一解不敷藥價銀一十八兩零九分六厘

一解運銅差費銀一十二兩六錢四分一厘

一解銅色工火銀六十七兩七錢八分六厘

一解文職公捐銀二十五兩零一分四厘

一解臬署贓贖銀八十兩

一解臬署秋番冊費銀三十兩零二錢六分

一解臬署傳供役食銀五兩零五錢九分九厘

一解臬署監藥餌銀一錢五分

一解廣府發審局審案委員薪水銀二十四兩遇閏加銀二兩

一解廣府客案修金銀一十八兩

一解本道轅役工食銀三十一兩三錢二分四厘遇閏加銀二兩六錢一分五厘

一解本府坐省抄報工墨銀十二兩遇閏加銀一兩

一解本府監經費銀五十六兩七錢五分八厘

一解本府監獄燈油銀二十八兩

一解本府千里馬工食銀二十九兩三錢五分八厘遇閏加銀二兩四錢四分六厘

一解院府考棚經費銀六百六十四兩九錢二分

歲試院考文武場經費銀五百七十三兩六錢二分四厘府考文武場經費銀五百五十兩科試院考

文場經費銀五百二十一兩一錢三分六厘府考文場經費銀三百五十兩合共應解銀一千九百九

十四兩七錢六分無論止署任作三年攤捐每日應攤銀一兩八錢四分七厘每年該銀六百六十四

豐順縣志

卷七

政治

十一

汕頭錦字局梅村分局承印

兩九錢二分

一攤解糧道新添塘兵餉銀遞年一兩二錢遇閏加銀一錢

一解驛傳銀二兩

應解攤款項下

一攤解海陽縣審理客案委員修金一百四十兩零八錢四分四厘

一攤解海陽縣添審客案委員薪水銀二十五兩三錢五分二厘

一攤解每年新春製換道府轅門執式等項銀一十七兩二錢五分五厘

一攤解每年夏季製換道府署製執式等項銀八兩四錢五分一厘

一攤解本府新任修理衙署製造執式等項銀六十四兩零八分五厘

一攤解府考文章歲科試考院內外搭蓋蓬廠棚欄并備辦需用物件銀一十兩五錢

一攤解府考武童歲試修理較場演武亭箭道及備辦物件銀五兩六錢

以上攤解款項向章由八縣作七十股分攤除大埔不攤外豐順共攤五股此外尚有道府署每年修葺需用工價俟臨時估定銀若干亦照股攤繳

留支額款項下

一留縣備支銀一千一百四十九兩四錢三分八厘七毫四絲

支知縣俸薪銀四十五兩

支皂隸民壯門役禁卒件作一應公費銀共四百一十四兩遇閏加二十四兩五錢

支舖役五十一名工食銀三百零六兩遇閏加二十五兩五錢

支典史俸薪銀三十一兩五錢二分

支典史署門子馬伕皂隸工食銀共三十六兩遇閏加銀二兩五錢

支儒學訓導俸薪銀四十兩

支門斗齋夫各一名工食銀十九兩二錢遇閏加銀一兩六錢

支廩生二十名餽糧銀四十八兩

支膳夫二名工食銀十三兩三錢三分三厘三毫四絲遇閏加銀一兩一錢一分

支春秋祭先師廟銀四十兩啓聖祠及鄉賢名宦祠共銀十兩九錢九分原定銀六十二兩一錢四分

乾隆八年奉文核減十一兩一錢四分二厘

支春秋祭文昌廟銀四十兩

支春秋祭關帝廟銀四十兩

支春秋祭山川社稷風雲雷雨二壇銀十八兩五錢八分三厘二毫

原定銀三十二兩二錢乾隆八年奉文核減十三兩六錢一分六厘八毫

豐順縣志

卷七

政治

十二

汕頭鑄字局梅縣分局承印

支祭無祀鬼神銀十四兩八錢零三厘二毫

道光十四年奉文裁全數扣解司庫

支拜牌銀五錢

支迎春品物銀七兩

此項於道光二十三年奉文裁汰全數扣解司庫由縣捐辦

支鄉飲酒禮銀六兩五錢

此項已裁汰全數扣解司庫

支孤貧五名口糧銀一十八兩遇閏加一兩五錢

案舊志載留縣歲支銀項經乾隆八年核減後又於嘉慶七年奉文致祭文昌廟銀四十兩實留支銀

共一千一百四十九兩四錢三分八厘七毫四絲

支典史養廉銀六十兩署任半支

支湯坑巡檢司養廉銀六十兩署任半支

支先農壇祭品銀五兩四錢四分內扣領費銀八錢零五厘

以上捕司養廉奉文以四分公用火耗銀兩內由縣就近支給俟奏銷時出具批領赴司抵兌作正

收支

一領知縣辦公米一百五十石折銀一百零五兩每石領銀七錢每兩扣領費銀八分扣平銀六分

應解扣存正款項下

一解扣存祭無祀鬼神銀一十四兩八錢零三厘二毫

一解扣存迎春物品銀七兩

一解扣存鄉飲酒禮銀六兩五錢

一解扣存知縣典史俸銀七十六兩五錢二分

一解扣存各項小建銀一十一兩四錢有奇

一解扣存各項六分庫平銀四十餘兩

一解扣存訓導廩生膳夫曠缺俸薪餼糧歲無定數以上俱據舊志修

案清代度支留解有一定之額俸工有一定之例成法相沿俱載舊志入民國後百度更新舊例盡廢攤解隨廢官而革除俸給因組織而變更增減不常收支異數近年來因縣制組織擴大經費增加兼以省縣財政劃分收支有一定之標準每年度編製預算書呈核施行茲將三十年度縣地方收支概算數目表列如下

(巳) 歲入經常部

縣稅課收入年額二十九萬五千七百二十九元

豐順縣志

卷七

政治

十三

汕頭鑄字局梅縣分局承印

財產收入三萬一千七百八十九元

行政事業規費收入三萬八千九百元

國省庫補助民教費收入一萬九千六百四十八元

省庫補助無線電台費收入四千二百六十四元

歲入除臨時額數外合計三十八萬九千四百六十五元

(庚) 歲出經常部

行政支出年額六萬六千四百四十九元

自治支出一十三萬五千二百三十四元

保安費額支出三萬九千零八十九元

財務費額支出一萬四千九百八十一元

教育文化費額支八萬九千零七十三元

建設費額支七千九百五十六元

衛生及治療費支出一萬一千七百三十三元

保育及救濟支出一千三百零三元

歲出除臨時額數外合計三十四萬五千八百八十九元

(三) 雜稅

額征稅契銀五十兩每歲隨地丁起解內海陽移割額銀三十兩揭陽移割二十兩

額征鐵爐五座每座征銀五十兩共額餉二百五十兩每歲隨地丁起解內揭陽移割四座應移割一座

額征鹽餉銀二千二百三兩六錢三分三厘九毫一忽七微八纖二沙七塵二埃六漠三末六遂埔商承

批解內海陽分撥餉銀五百九十八兩八厘三絲八忽七微八纖八沙三塵五埃二渺四漠揭陽縣分

撥餉銀一千三百四十五兩五錢一分八厘八絲五微六纖七塵七埃一渺八漠七末五遂嘉應州分

分撥餉銀二百三十六兩八錢一分一厘一毫八絲三忽二微七纖四沙九塵八渺大埔縣分撥餉銀

二十三兩二錢九分六厘五毫九絲九忽一微五纖八沙六塵八埃八渺三漠六末一遂

額征當舖四座每座征銀五兩共額餉二十兩

海陽縣移撥額內低窪稅二頃八十八畝三分額解省充公米一百石五斗七升六合五勺八抄四撮

九圭六粟七截二糊七糠每石照部價折銀七錢共解銀七十兩四錢三厘六毫九忽四微七纖二沙

五塵

海陽又移撥原額熟埔五頃九十八畝一分九厘五毫五絲額征解省充公租銀八十一兩七錢三分四

厘八毫五絲 以上據舊志修

豐順縣志

卷七

政治

十四

汕頭鎮字局梅縣分局承印

額征稅科耗羨銀三百八十三兩三錢二分三厘七毫六絲

案溢羨銀兩原無定額儘征儘解自道光二十五年奉文酌定每年應征解銀六百八十八兩六錢零

四厘嗣因豐順瘠苦征不足額又於同治六年奉文在額定比較羨銀六百二十一兩九錢三分七厘

內酌減銀三百一十六兩四錢四分五厘自是每年額征羨銀三百零五兩四錢九分二厘又帶征火

耗銀九兩一錢六分四厘七毫六絲合正額稅科火耗銀六十八兩六錢六分七厘遞年應征解耗羨

銀三百八十三兩三錢二分三厘七毫六絲倘有短征由縣按照額數賠解清楚征長仍儘數解司聽

候撥用

額征當舖十八座每座銀五兩每年共征銀九十兩

額征鐵爐一座每年餘銀五十兩另吉林新設鍋爐一座每年餉銀五兩三錢現存鐵爐僅前山廠一座

餘俱停燭已久 以上據許志修

案國家向以田賦爲正供雜稅至清季始多因興辦警察學堂諸新政皆非財不舉官民上下皆就地

抽捐名目繁多皆稱之爲地方稅迨入民國苛細雜稅益多如牛毛邇乃逐漸芟除地方應需經費歸

縣府統籌統支雜稅如入於正軌茲就三十年度縣庫經征地方稅各款列表如下

契稅留縣額款三千二百一十四元

又附加半數款四千六百一十三元

自治戶捐額征一十三萬二千元

屠宰稅額征六萬四千四百八十元

店戶警費額征四千元

筵席捐額征三千八百二十元

特產出口稅額征五萬一千八百二十三元

車輛牌照費額征三百元

市場租額征一十三萬九千六百六十八元

以上除自治戶捐外俱屬縣稅捐共計每年額征二十六萬三千一百九十一元

總計自治戶捐二共額征三十九萬五千一百九十一元

此外尚有菸酒稅印花稅營業稅糖捐多項概歸省國稅俱不列入

案民國以來因地方貧瘠縣財政甚爲支絀以前縣公署經費除坐支錢糧稅契留縣款以外無其他正當收入民十年始抽收黃金市出口柴炭捐每年約一千餘元以爲縣游擊隊〔即今縣政警隊〕經費民十一年縣行政經費支出每月祇六百一十二元合併教育財政等項經費全年總計僅一萬餘元至民十七年以後縣組織逐漸擴大經費隨之增加民二十一年各段公路開築完成通車始有路租收入并抽收韓江輪船保護費等項是時縣地方款全年度收支預算已增至四萬八千餘元民二十四年奉辦田畝陳報評定地價將錢糧改征臨時地稅設立縣地稅督征處征收全縣稅額合計六萬一千餘元奉令以一半解省一半留縣支銷縣府經費比前稍較充裕惟所屬各區警察所及各鄉公所各中小學校等機關經費均屬自籌自給各自抽收捐費附加等項以充經費名目繁多苛細尤甚縣財務行政未能統一辦理至民二十六年奉 省政府財政廳令飭整理縣地方稅捐廢除苛雜嚴厲禁止擅自抽收并奉 令設立縣稅捐征收處縣會計室縣金庫縣地方財務委員會使縣財政機構成爲分權制度聯綜組織但因所屬機關學校經費來源一時無法籌補祇先設立縣財務委員會其餘縣稅捐處縣會計室縣金庫仍未成立廢除苛雜遲未實行民二十八年三月劉縣長禹輪到任銳意整理旋因潮汕淪陷各段公路破壞路租無收其他縣款收入亦隨減少且地處戰區前線軍運頻繁地方負擔費用更鉅縣地方財政幾至無法維持是時奉派縣政府會計室主任兼代第二科長張玉文秉承劉縣長之命悉心規劃成立縣稅捐征收處并催請廣東省銀行派員設立縣金庫即着手整理縣稅捐將所屬機關學校抽收捐費有奉 廳令審定保留者概交稅捐處統一征收如奉令裁撤者概行佈告取銷同時以閩省連經墮湯坑出口草紙甚爲大宗全屬港商採購出洋營利在當地市場躉批買賣應有收租可能縣財務委員會及地方人士對此抽捐亦均審議贊同與本縣農村經濟絕無影響隨擬具征收市場租辦法呈奉 廣東省政府提交省務會議議決准予試辦以後并續奉准征收特產出口捐等項以裕收入各中小學校教育經費能大量撥助新縣制能早日實

行皆整理稅捐之成效也

四) 金融

廣東省銀行豐順辦事處民國二十八年十月一日設於槿舖巫家祠二十九年五月遷設湯坑墟西門街中國銀行辦事處三十年六月設立於湯坑農民銀行辦事處於三十一年一月設立於湯坑

廣東省銀行臨隍辦事處民國三十年二月十五日成立

案邑屬國外匯兌以南洋僑批為大宗向由汕頭批館轉駁各墟商店交收尤以湯坑臨隍兩處最多每月少則五六幫多則八九幫皆源源匯駁自汕頭淪陷廣東省銀行分設辦事處所有批匯改由香港轉匯省行辦事處直接交收亦有由外洋逕行匯駁者各商店購辦貨物亦多由辦事處匯寄商民稱便營業日盛

豐順縣金庫民國三十年十月二十日成立

貨幣

清代官廳稅收商民交易皆銀元制錢並用惟用銀元仍以兩為本位因銀元重量不一有七錢二分五厘及六錢八分之異有吉林奉天湖北造之別成色有差制錢亦有寶源局鑄通寶及夷錢多種通寶與夷錢厚薄懸殊精粗輕重尤異皆夾雜行使邑屬向以每元法價七錢二分五折合制錢千文為率自夷錢與私鑄流行因其攬人之多寡而銀元價值找換亦漲落無定往往一元折換至一千一百五十文或

豐順縣志

卷七

政治

十六

汕頭鑄字局梅縣分局承印

一千二百文不等光緒二十六年粵總督李鴻章奏准廣東開鑄制錢名曰銅仙每枚當制錢十文以百枚當一元積久制錢遂為銅仙驅逐而盡旋又開鑄銀毫每雙毫一枚法價當銅仙二十枚惟商民行使往往找至二十六枚之多光緒三十二年督撫奏准行用紙幣潮汕一隅市商銀莊林立相率效尤印發十元五元七兌直平票行用市面與日本龍銀英墨洋元夾雜行使邑屬市鄉皆習用之然因濫行印發銀莊時有倒閉成為廢紙政府又不加取締貨幣混亂至宣統間而極民國袁世凱執政改鑄大洋以七錢二分為法價因成色較高全國通用與英日洋元價值相等後省政府設立廣東省銀行發行紙幣以十毫為一元邑屬雖向用大洋硬幣而省毫銀紙幣亦逐漸行用既而銀毫濫鑄成色日低潮汕市價每日英洋元一枚折合毫幣及七兌直平票實價漲至七錢六七分之多民國十二三年陳炯明濫發省行幣充塞市面低折至五六成旋奉

國民政府廢除改發行大洋券官民普遍行使二十五年推行國幣統一金融改省行大洋券為輔幣每元折合國幣七角幣制始昭劃一市鄉一律通用而向來幣價漲落無常之積弊一掃而空並於國幣本位之外發行一角二角五角一角半輔幣與省大洋券並用商民稱便二十八九年廣東省銀行分設辦事處於湯坑臨隍皆用中央中國交通農民四行所發國幣以省行券相輔而行尤為便利惟銅仙行用舊日充斥市面者因銅斤漲價奸商收買偷運出口迄三十年已絕迹於市場間有收買銅仙者竟以國幣一元買十枚為餌各市場零星交易均以一角輔幣割裂行使以代銅仙此貨幣變遷之大概也

政治二

邑人李唐介承甫編纂

(五) 交通

(甲) 驛站

縣屬額設舖兵五十一名縣前總舖舊名犁頭舖建縣後改今名兵四名以一名專司收發三名分遞上
下公文

上路自總舖十里至蔣坑舖兵三名十里至建橋舖兵三名十里至環清舖兵二名又十里至言嶺舖兵
二名十五里至高坡舖兵二名十里至徑心舖兵二名自徑心舖分二路一嘉應州界十里一至興甯
縣十里

下路自總舖十里至仙洞舖兵三名十里至藍塘舖兵三名又十里至曾子舖兵三名十里至潘田舖兵
三名十里至冷水舖兵三名十里至白墳舖兵三名十里至隘隍舖兵三名十里至坡頭舖兵三名十里
至產溪舖兵三名又至葛布塘舖兵三名十里至海陽縣屬礮溪過渡

又自產溪舖二十里至山荒舖兵一名又二十里至鹽坪舖兵一名又二十里至鷓鴣舖兵二名又三十
里至大埔縣屬高陂舖交界 參潮州府志舊志修

案明代於徑心舖設武甯驛康熙三十五年裁去站口設產溪驛雍正四年裁舊各置驛丞一員建縣

豐順縣志 卷八

政治

一

汕頭鑄字局梅縣分局承印

後割海陽縣十五舖割嘉應州五舖共設舖遞二十所兵五十一名舊制陸路稱舖水路稱塘凡塘舖
所在地均植榕樹今猶有存者

(乙) 公路

豐興公路自縣城西經言嶺關至徑心鄉長五十里又至縣境樟樹凹八里上通興甯縣城是爲省道民
二十二年通車

豐梅公路由徑心鄉經畚坑直通梅縣城自徑心至畚坑二十九里是爲縣道民國二十二年通車

豐揭公路自縣城南經湯坑至揭陽縣城在縣境六十里又至揭陽城五十五里西接豐興公路同爲省

道民國二十一年通車

豐隴公路自縣城東至隴隍長八十里爲縣道民國二十二年通車

隴金公路自隴隍至黃金市長三十里此爲鄉道民國二十二年築迄未行車

豐饒公路自隴隍對岸東經縣境分水凹至鳳凰通饒平縣城由隴隍至分水凹一縣境長三十里此爲

縣道民國二十年築尚未行車

豐埔軍路由縣城北經沙田墟至縣境寒凹止長一百一十里直接大埔縣城是爲軍路民國二十四年
築未行車

案興築各路均就沿路綫左右三十里內鄉村徵工開築凡三十里以外鄉村一律攤繳涵洞橋梁費

共計攤收十六萬元豐順公路處原規定割用沿路田地及攤款應將行車路租收入分別派息惟車行數年路租收入甚鉅均歸入縣地方款迄未照派并割用民田亦未清理至縣屬各段公路及各街市園亭等項建設工程多出縣政府建設科長張雲祥秉承歷任縣長之命策劃辦理

(丙) 電信

豐順縣電報局民國二十二年設于縣城

豐順縣無線電台民國三十年設于縣政府附近

豐順縣電話創設于民國十七年縣城隍隍二處各置總機一架大別爲東西南北潭隨五線東線爲潘田隍隍九河東隍有電話機四處西線爲新坡建橋環清置電話機凡三處南線通湯坑北線分上林坑大田龍溪黃花村沙田占頭新渡潭江小勝官溪各置電機凡十處又由龍溪通黃金埠白土黃洞隍隍電機二處共二十二處民國二十八年防軍增設出新渡沙田通大埔境龍頸凹一線上通梅縣內村旋又增設潘田通潮安田東墟一線全縣已漸架成電話線網矣近年各線毀廢未修尤以抗戰軍興電話器材來源短絀價格飛漲以致各路電線多無法修復

(丁) 郵政

豐順郵政作始於光緒三十一年由汕頭郵政總局於新渡設代辦所因潮梅郵路必取新渡捷徑也宣統二年復於縣城湯坑分設代辦所民國初隍隍潭江亦先後設置二十五年縣城代辦所改設三等郵

豐順縣志 卷八

政治

一一

汕頭郵政局梅縣分局承印

局東西南北四路均設郵差按日來往遞信東自潘田至隍隍西經建橋環清徑心至興梅南經瑤坑湯坑至揭陽北經龍崗墟上林坑大田徑門川窰沙田小勝黃金埠各鄉村一律設置信箱潭江則歸大埔高陂桃源郵差專遞三日來往一次新渡則歸梅縣郵差與西陽內村白宮隍隍直接傳遞郵政交通至此頗臻普及矣

(戊) 電船

韓江行駛電輪肇自宣統三年春由商辦捷安輪船自高陂駛泊潭江新渡隍隍三站下至潮州府城每日來往一次嗣是接踵繼起多至二十餘艘上通松口大埔下達潮城絡繹不絕縣境潭江新渡朱坑隍隍均設置駁艇接客上下民國二十一年有單行隍隍潮城電輪及專行高陂潭江隍隍電輪均每日各來往一次交通益臻便利二十七年夏潮汕淪陷上游各電輪均航至隍隍止最近以電油奇貴各電船公司相率罷業其航行者僅存一二艘至如黃金埠通行韓江之蓬溪渡船尚有百餘艘縣境沿岸之蓬船四肚船五肚船開尾船爲數尤多與夫湯坑來往揭陽之蓬船同爲運輸土產商貨者自抗戰後均日減少矣

(六) 教育

光緒二十九年知縣朱益洪奉文設立學堂設籌辦學堂總局委吳其瀚陳期昌諸紳董其事將鵬湖書院改建由四鄉攤繳三萬元爲學堂經費三十年總督岑春煊設兩廣學務處開辦學務練習所師範館

令各州縣官紳合選舉貢廩生才優學博者二人賞送入所練習畢業後派回辦學三十一年練習畢業員李唐吳伯穀改考棚爲學舍先辦師範班知縣萬雲翹招考員生八十名限一年畢業同時李唐創設自助兩等小學堂於沙田鄉吳伯穀創設湯田兩等小學於城北迨師範班畢業始開辦縣立高等小學堂各師範生相繼設良鄉東海藍田各學堂全縣四鄉小學至宣統末已經普遍入民國後內戰頻仍教育因以退步民國七年吳桂芳倡設縣立中學堂學風稍振十五六年縣中學黨派分裂演成共匪之亂縣城與四鄉道途荆棘十七年湯坑墮陷相繼設立中學惟是四鄉小學廢壞益甚及匪亂肅清廳縣雖從事整頓迄未恢復光宣間朝氣蓬勃之舊觀二十九年縣長劉禹輪奉令實施新縣制推行國民教育邑人張道任教育科長主其事規守每鄉設中心學校一所每保設國民學校一所分期實施復設師資訓練班劉縣長兼所長縣中學校長王乃宣兼教育長招收學生一百七十九人結業後分派各鄉保學校服務全縣教育經費概由縣庫補助學制始昭劃一茲就三十年教育現況詳列之其就原有學校改辦或代用者亦分別註明

(甲) 中等教育

豐順縣立第一中學 王城內原縣立高等小學校舍民國七年邑紳吳桂芳創辦舊制中學二十二年校長吳桂芳商同邑紳吳錫祺倡設高級中學部增購圖書儀器二十七平校舍被敵機炸毀遷下湯後遷一度水三十年遷回原校

豐順縣立第二初級中學 原二四五區立球山中學十六年邑紳李介承等創立於墮墮山三區柴炭口木捐爲學費旋奉令裁去捐款改由縣府撥助二十元二十七年遷屆修改爲縣立三十年遷小勝以經費不敷無法籌措縣長劉禹輪乃聘李介承黃國馨劉得隆爲經濟委員李介承乃就潭江小勝沙山三鄉籌捐二萬元添建教室三座並由三鄉籌捐六萬元從新建設砂田遷橋陳政良捐建圖書館一座

豐順縣志 卷八

政治

二

汕頭歸字局梅縣分局承印

豐順縣立第三初級中學 原湯坑區立中學邑紳陳晉祺張禮亭等倡設二十八年校舍被敵機炸壞遷賴川小學三十年縣長劉禹輪兼校長改爲縣立遷回市區

豐順私立龍山初級中學 羅氏族立經費概由族嘗撥助校址在羅家約民國二十八年成立

埔寨鄉私立龍泉初級中學 在埔寨鄉新建校舍經費由鄉張氏族嘗撥助民國三十年成立

(乙) 初等教育

豐順縣聯立中心學校 原縣立高等小學改辦校址在縣學宮近已奉令停辦

附松鄉中心學校 原柏峯小學校改辦

第一保國民學校

第二保國民學校

第六保國民學校

豐良鄉中心學校 原雙溪小學校改辦

第一二保聯立國民學校

第三保國民學校

第四保國民學校

第六保國民學校

第七保國民學校

第八保國民學校

第九保國民學校

建大鄉中心學校

第一保國民學校

第三保國民學校

第四保國民學校

第五保國民學校

第六保國民學校

第八十九保聯立國民學校

第十二保國民學校

第十三保國民學校

璜溪鄉中心學校

第一保國民學校

第四保國民學校

第五保國民學校

豐順縣志

卷八

政治

四

汕頭鐫字局梅縣分局承印

第六保國民學校

第七保國民學校

第九保國民學校

紫湯鄉順德中心學校（原下湯鄉立小學校改辦）

第一保國民學校

第四保國民學校

第五保國民學校

第八保國民學校

第十一保國民學校

第十二保國民學校

第十三保國民學校

大龍華鄉中心學校 暫借用大田湘田學校設立

第二保國民學校

第四保國民學校

第五保國民學校

第六保國民學校

第七保國民學校

第九保國民學校

第十保國民學校 在嶺頂下新築校舍創立

第十一保國民學校

第十二保國民學校

產溪鄉中心學校 原三溪學校改辦

第二保國民學校

第三保國民學校

第四保國民學校

第五保國民學校

第六保國民學校

第七保國民學校

第八保國民學校

第九保國民學校

豐順縣志

卷八

政治

五

汕頭鐫字局梅縣分局承印

第十一保國民學校

第十二保國民學校

潘田鄉中心學校 原縣立松柏小學改辦

第四保國民學校

第五保國民學校

第六保國民學校

第七保國民學校

第八保國民學校

第九保國民學校

第十一保國民學校

第十二保國民學校

第十三保國民學校

第十四保國民學校

潘仙鄉中心學校

第一保國民學校

第二保國民學校

第三保國民學校

第四
第五保國民學校

第六保國民學校

第七保國民學校

第八保國民學校

第九保國民學校

第十一保國民學校

第十二保國民學校

第十三保國民學校

環清鄉中心學校 原屬民小學改辦

第二保國民學校

第三保國民學校

第四保國民學校

第七保國民學校

豐順縣志

卷八

政治

六

汕頭鐫字局梅縣分局承印

第八保國民學校

第九保國民學校

第十保國民學校

馬圖鄉中心學校

第四保國民學校

第五保國民學校

第七保國民學校

徑心鄉中心學校

第三保國民學校

第四保國民學校

第五
第六保國民學校

東陽鄉中心學校 新設建築校舍

第三保國民學校

第四保國民學校

第五保國民學校

第六保國民學校

第七保國民學校

第八保國民學校

第十一保國民學校

第十二保國民學校

第十三保國民學校

第十四保國民學校

第十五保國民學校

西隴鄉中心學校 原兩隴崇正小學校改辦

第三保國民學校

第八保國民學校

第九保國民學校

第十保國民學校

第十一保國民學校

第十二保國民學校

豐順縣志

卷八

政治

七

汕頭鑄字局梅縣分局承印

錦江鄉中心學校 (原區立成德小學校改辦)

第一二保國民學校

第三保國民學校

第四保國民學校

第五保國民學校

第六保國民學校

第九保國民學校

第十保國民學校

第十一保國民學校

第十二保國民學校

蔗溪鄉中心學校

第一保國民學校

第二保國民學校

第三保國民學校

第四保國民學校

第五保國民學校

第六保國民學校

第八保國民學校

第十保國民學校

潭江鄉中心學校 原萃霖兩等小學校改辦

第一保國民學校

第二保國民學校

第三保國民學校

第四保國民學校

第五保國民學校

第七保國民學校

第十保國民學校

小勝鄉中心學校 原區立小勝兩等小學校改辦

第四保國民學校

第五保國民學校

豐順縣志

卷八

政治

八

汕頭鐫字局梅縣分局承印

第六保國民學校

第七保國民學校

第八保國民學校

第九保國民學校

第十保國民學校

第十一保國民學校

砂田鄉中心學校 原自助兩等小學校改辦

第二保國民學校

第五保國民學校 原占頭中村養中初級小學改辦

第六保國民學校

第七保國民學校 原橋頭啓明初級小學改辦

第八保國民學校 現在南溪橋畔新築校舍創立

第九保國民學校 在黃花村原啟元初級小學校改辦

第十保國民學校

第十一保國民學校

第十二保國民學校

第十三保國民學校

第十五保國民學校

金鎮鄉中心學校 原金湯小學改辦

第一保國民學校

第五保國民學校

第八保國民學校

五權鄉中心學校

第一二三保國民學校

第十保國民學校

第五六保國民學校

第七八保國民學校

第九十一保國民學校

穎川鄉中心學校 原穎川小學校改設

第一保國民學校

豐順縣志

卷八

政治

九

汕頭鑄字局梅縣分局承印

第二保國民學校

第四保國民學校

第五保國民學校

第六保國民學校

第七保國民學校

第十保國民學校

第十二保國民學校

第十三十四保國民學校

第十五保國民學校

埔頭鄉中心學校 原東海小學校改辦

第一保國民學校

第二保國民學校

第三保國民學校

第四保國民學校

第八保國民學校

第十一保國民學校

第十二保國民學校

第十三保國民學校

第十四保國民學校

四美鄉中心學校

第二保國民學校

第三保國民學校

第六保國民學校

第七保國民學校

第九保國民學校

第十保國民學校

大同鄉中心學校

第六保國民學校

第八九保國民學校

第十一保國民學校

豐順縣志

卷八

政治

十

汕頭鑄字局梅縣分局承印

第十二保國民學校

第十三保國民學校

第十四保國民學校

揭嶺鄉中心學校

第一保國民學校

第六保國民學校

第八保國民學校

新樓鄉中心學校

第七保國民學校

第九保國民學校

第十一保國民學校

第十二保國民學校

新鋪鄉中心學校

第一二三保國民學校

第七八保國民學校

第十一保國民學校

第十三保國民學校

第十五保國民學校

埔寨鄉中心學校

第七保國民學校

三友鄉大羅中心學校 在大羅鄉

宮下中心學校 在宮下埠

第一保國民學校

第四保國民學校

第五六保國民學校

第七八保國民學校

第九保國民學校

第十保國民學校

第十一保國民學校

八鄉中心學校

豐順縣志

卷八

政治

十一

汕頭鑄字局梅縣分局承印

第五保國民學校

第三區聯立中心學校 在湯坑墟原藍田兩等小學校改辦

合計中心學校三十四所國民學校二百零八所

案本縣教育經費二十九年年度縣立中學校原八千一百元本年已增至三萬八千八百元鄉鎮中心小學補助費本年增至三萬四千一百六十元保國民學校經費增至七萬零五百七十五元其保國民學校未設者督促增設中

(丙) 社會教育

豐順縣立民衆教育館設于安墩嶺

案民衆教育館創始于民國二十四年三月藏書三千餘冊原假縣城何家祠二十九年被敵機炸燬縣長劉禹輪擇安墩嶺舊鵬湖書院側從新建築業于三十年十二月遷入

湯坑民衆圖書館設於湯坑圩

案民衆圖書館由駐防軍符營長海清倡建邑人張君禮亭董其成旋得華僑詹采卿徐啓榮徐稼植暨丁培綸諸君捐增書籍蔚有可觀

(七) 典禮

(甲) 祀典

文廟 每歲春秋仲月上丁日致祭行大禮

案民國廢跪拜儀禮三鞠躬爲隆二三年北京名流謁

聖曾用四鞠躬以表特尊并有請定孔教爲國教者卒以孔子非宗教家應由人民自由崇信而止惟

政府明令尙沿夏曆春秋兩上丁爲祀 聖日在文廟舉行十二年停止丁祀並 聖誕改用國曆八

月二十七日由學校師生紀念而已

崇聖祠 每歲春秋仲月上丁致祭行小禮

社稷壇 每歲春秋仲月上戊日致祭行三跪九叩禮

先農壇 每歲仲春亥日致祭行禮同上

風雲雷雨山川壇城隍廟 每歲春秋仲月致祭

案大清會典風雲雷雨山川城隍均爲羣祀

邑厲壇 每歲清明日七月望日十月朔日祭無祀鬼神

文昌廟 每歲三月初三八月十八致祭

關帝廟 每歲春秋上戊日五月十三日致祭

龍王廟 每歲春秋仲月辰日致祭

火神廟 每歲春秋丙日致祭

豐順縣志

卷八

政治

十二

汕頭鑄字局梅縣分局承印

土地廟 每歲二月初二日致祭朔望行香

祀門 到任時致祭

祀竈 每歲年終致祭朔望行香

名宦鄉賢二祠每歲春秋仲月上丁釋奠後紳衿分祭二祠儀同兩廡民國三年北京內務部令各縣設

關岳廟仿文廟設兩廡選漢唐以下名將二十四人從祀以春秋仲月中戊日致祭十六年以後並廢除

民國十七年十月南京國民政府內務部頒佈神祠存廢標準一冊除先哲名賢及宗教等祠寺類在保

存外或目爲古神或視爲淫神概下廢止之列

風雲雷雨山川壇

城隍廟

文昌廟

龍王廟

火神廟

天后廟

真武廟

土地祠

祀門

祀竈

以上諸神祠廟令行地方不得復祀

(乙) 儀禮

宣講 康熙九年頒發上諭十六條令各州縣於城廂內外通衢設立各鄉約所選舉約正每月朔望縣令率同官屬前往齊集耆老里民恭請上諭供奉香案上各官排立班次文左武右行三拜九叩禮畢由

約正於十六條內按次宣讀四條講解諦聽雍正三年御製聖諭廣訓萬言頒行講讀建縣初知縣葛曙建約亭於北門外爲遵行講約之所每月朔望躬詣各廟行香畢即往約亭集衆宣講聖諭約正耆老里民皆至行禮如儀宣講畢事衆必揖而退歷任官皆奉行之各鄉亦多行之最著者如大田村監生譚宏詞每逢朔望必衣冠虔祀天地神祇詣祖祠拜跪畢向族衆宣講聖諭或引古今果報事實以勸化鄉人建橋堡授衛千總張爲樑每朔望必祀祖先神明畢集族長幼宣講聖諭引古今孝弟忠信因果報應之事以訓導之並勸以知禮義廉恥力誠比匪之行知縣如秦泰張邦泰諸邑令先後均於朔望詣各神廟行香畢或赴約亭或親往書院傳集城鄉士庶聽講聖諭并勸小子誦習孝經及朱子小學光緒十七年頒發世祖勸善要言一書每月朔望同上諭十六條一體宣講如儀時邑令於文昌廟考棚爲宣講所委諸生吳玉堂宣講聖諭善猶有教化之遺意也

迎春 每歲先期塑造芒神土牛於立春前一日縣正官率同在城文武各公服迎春於東郊以芒神土牛入陳於縣門外立春之黎明吏設案於芒神土牛前陳牲果酒醴案前布拜席執事皆左右立立春時至知縣官率同文武公服行一跪三叩禮並列綵仗擊鼓者三環鞭土牛者三本邑則先期糊紙爲犁並塑小土牛及期往城東郊鞭春牛並撒豆穀禮成各退以示農民春及蓋明農教稼之禮儀也

祈晴 凡遇祈晴必齋戒禁止屠宰各官懸齋戒牌在城隍廟設香案行一跪九叩禮宣讀疏文畢再行一跪三叩禮焚疏文俟天色晴明酬神

豐順縣志

卷八

政治

十三

汕頭編字局梅縣分局承印

禱雨 儀祀與祈晴同惟禱雨則注水盈缸內插柳枝拜必用草席俟雨霽足酬神

蒞任 凡縣正官蒞任定例未到城一舍而止比至城外齋宿本縣備仗皂隸出城伺迎至黎明官屬率父老人等祇迎入城先詣城隍廟祭告如儀然後詣本衙門行謝恩禮祀門祀灶像屬吏卒以次參謁後延見官屬父老諭以法條

朔望行香 每逢朔望縣正官率屬具禮服分詣文廟關帝廟文昌廟城隍廟神位前上香三炷跪叩如常儀

鄉飲酒禮 歲以孟春望日孟冬望日舉行先期縣官及教官訪紳士之年高德邵者舉一人爲正賓士人中舉一人爲介賓耆庶中舉數人爲衆賓詳報督撫藩核定舉行縣官爲主人教官爲司正諸生習禮者二人司爵二人贊禮二人引禮一人讀律令僚佐及鄉大夫爲僎者皆與司正先一日習儀至日黎明令坊廂里老依圖式設席於學之明倫堂設賓席於堂西北南嚮主人席於堂東北南嚮介席於堂西南東嚮衆賓席於堂西東嚮僚佐席於堂東西嚮皆北上司正席於主人之東北嚮僎席於堂之東北三品以上南嚮五品西嚮無則闕設律令案於主介間正中設尊案於堂之東南隅設樂於西階下執事者舉杯具饌主人及僚屬司正先詣學遣人速賓介及僎既至主人率屬出迎於庠門外揖賓介衆人皆答揖賓入介衆賓從入主居東賓居西贊禮者立階前贊揖主及賓三揖三讓而後升堂東西相嚮立賓兩拜交拜畢賓即席乃延介一讓升介升拜如賓禮介即席乃延衆賓以次皆升主人揖皆答拜即席饌至如

賓禮卽席主人率僚早皆卽席咸坐贊司正揚觶引禮者引司正由西階升詣堂中北嚮立贊起立賓僎以下皆立贊揖司正賓僎以下皆揖執事者以觶酌酒授司正司正舉酒曰恭維朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉黨無或廢墮以忝所生讀畢贊司正飲酒飲畢以觶授執事贊揖司正揖贊僎以下皆揖司正復位賓僎以下皆坐贊讀律令執事者舉律令案於堂中引禮引讀律令者詣案前北面立贊賓僎以下皆立行揖禮如前讀畢復位贊供饌執事斟酒以授主主受酌詣賓前置於席少退復位執事者斟酒授賓賓受爵詣主前置於席少退復位執事者詣衆賓以下以次斟酒於席訖贊飲酒二三行贊奏樂工升歌周詩鹿鳴之章卒歌笙奏御製補南陔白華華黍詩間歌周詩魚麗南有嘉魚南山有臺三章笙奏御製補由庚崇邱由儀詩執事者以次酌酒供饌者三乃合樂歌周詩關雎之章卒歌工告備出執事者行酒主賓以下飲無算爵贊撤饌撤訖賓主以下以次下堂分東西行出庠門一揖退大清會典

高宗御補笙詩

南陔

我逝南陔言陟其岵昔我行役瞻望有父欲養無由風木何補

我逝南陔言陟其妃今我行役瞻望有母母也倚閭歸則寧止

南陔有兮擢實勺之孺孺孩提孰咻噢之愼爾溫清潔爾旨肴今爾不養日月其愴

豐順縣志

卷八

政治

十四

汕頭鑄字局梅縣分局承印

白華

有白華者不污纖塵咨爾士兮宜修其身不修其身乃貽羞於二人

有白華者婉容靜好咨爾女兮宜修婦道不修婦道乃貽羞於二老

白華匪玉潔而不緇白華匪蘭芬乃勝之我擷白華載詠載思

白華匪玉質玉之令白華匪蘭臭蘭之淨我擷白華載思載詠

華黍

瞻彼阪田厥黍始華胝足胼手嗟我農夫

瞻彼阪田華黍以秀胼手胝足惟勤斯茂

華有不秀矣秀有不實矣其雨其雨矣杲杲日出矣怒予愁之恤矣

由庚

王庚便便東西朔南六符調燮八風節宣

王庚容容朔南西東惟敬惟勤百王道同

王庚廓廓東西南朔先憂而憂後樂而樂

王庚恢恢南朔東西皇極旣建惟德之依

崇邱

澗松童童蛙黽鄰兮邱草萋萋蕩青雲兮凡百君子慎乃託身兮
澗松童童澗則卑兮邱草萋萋邱則崎兮凡百君子慎乃所依兮

有崇者邱無物不遂有卓者道愚無不智資生有德永植毋替

由儀

在上曰天在下曰地君君臣臣父父子子

在下曰地在上曰大父父子子君君臣臣

由其儀矣物則熙矣

儀其由矣物則休矣

案鄉飲酒禮載在禮經所以申明朝廷之法敦勸孝弟整齊風俗之道所舉賓僎務擇齒德兼優允協鄉評之人實於教化有絕大關係故額鄉飲酒禮銀兩列於留支正款自道光二十三年將款解司充餉改歸地方官捐廉備辦仍將舉充鄉飲各賓姓名年歲彙冊報部遂多廢而不舉有清一代國運自此日漸衰替終而不振故詳記之以告後世之留意風教者

(丙) 民國典禮

民國肇造共和政體趨於平等社會交際會盟聘燕之儀禮制度雖尙有未備然各邦使節覲見皆依照世界通禮行之蓋以黨治國一切皆以黨化官民間會結社必推尊者一人爲主席恭讀總理遺囑每週必舉行紀念週每朝必舉行朝會并召集軍政法學各界人員在黨部行聯合紀念週報告一週內黨務軍事政治現況在職人員不得無故不到視爲最大典禮舉行時必向國黨旗總理遺像行三鞠躬禮唱黨歌默念三分鐘亦現時一般集會必備之儀禮也

國歌

三民主義吾黨所宗以建民國以進大同咨爾多士爲民前鋒夙夜匪懈主義是從矢勤矢勇必信必忠一心一德貫徹始終

宣誓 凡文官自委任職以上自治職員縣自鄉鎮長以上須宣誓後始得任事如因特別事項先行任事者須於一個月內補行宣誓凡宣誓必先派員蒞場監誓民國以宣誓爲重要之典禮焉

例定文官誓詞

余敬宣誓余恪遵總理遺囑服從黨義奉行法令忠心及努力於本職決不妄費一錢妄用一人並決不營私舞弊及授受賄賂如違背誓言願受最嚴厲之處罰此誓

自治職員誓詞

余敬宣誓余恪遵總理遺囑服從黨義奉行中央及上級機關之法令尊重地方人民公意忠心及努力於本職如違背誓言願受最嚴厲之處罰此誓

宣誓儀式

凡宣誓必向國黨旗總理遺像舉右手宣讀誓詞並由宣誓者簽名蓋章於宣誓詞後呈送上級機關備案

紀念日

民國三十年中央黨部以各項紀念日期未盡適用經專行決定五項通飭遵行並請政府明令公佈如下

中華民國國慶紀念日定一月一日

革命先烈紀念日三月二十九日

孔子誕辰八月二十七日

國慶日十月十日 案即雙十節國慶

國父誕辰十一月十二日

政治三

邑人李唐介承甫編纂

(八) 倉儲

(甲) 官倉

清代倉儲官設者曰常平倉曰屯倉民設者曰義倉社倉邑常平倉始于乾隆六年巡撫王公疏稂豐順新設並無倉貯積谷請將揭陽海陽嘉應碾解過乾隆五六兩年兵米共二千六百四十四石九斗九升二合應於民屯額米倍征谷五千二百八十九石九斗八升四合即撥歸豐順征收貯倉以便平糶碾解之用部覆照行縣倉六間原在縣署東乾隆七年建即今縣立中學校後半部及進德堂地址原儲穀五千二百八十九石九斗八升二合定例春夏借碾兵米秋冬征谷還倉參舊倉修

乾隆三十五年將各營歷年支剩米一千五百石倍穀三千石報貯存倉共儲穀八千二百八十九石九斗八升二合

乾隆五十九年清費歷年支剩各營米一千一百三十五石一斗四合三勺倍穀二千六百八十四石零九升五合六勺共儲穀一萬零九百七十四石零七升九合六勺又附儲存乾隆五十九年至光緒七年止支剩各營本色米倍借谷五千四百六十六石七斗九升六合二勺兩共存倉穀一萬六千四百四十石零八斗七升五合八勺除歷任陸續報碾借碾盤缺穀一萬二千一百九十二石六斗八升一合一勺

豐順縣志

卷九

政治

汕頭籌字局梅縣分局承印

在潮屬征收舊糧清理各營餉撥補交代案內于光緒四年奉發清冊將各前任借碾盤缺穀價在方營經費及清查籌補項下指抵解藩司庫及喬劉張完李各任盤缺穀價銀批解藩庫在案外實存穀四千二百四十八石一斗九升七合五勺許志

民國初以倉內儲穀積欠蠹蝕且節經碾糶之後將所餘概行糶變得價銀存貯生息倉廩久曠且圯嗣後縣立學校拓建校舍乃將倉址改建宿舍遷僑堂教室民國十七年奉民政廳令積極整頓倉儲為救濟災歉之備並抄發部頒建復管理規則章程凡所有倉政已經廢弛省分亟應督飭各縣市地方迅速籌辦無論整頓舊倉或籌設新倉均應由民廳認真考察督飭進行總以各地方倉儲足供當地貧民三個月食糧呈報民政廳備案由地方組織管理委員會隨時辦理貸與平糶散放諸方法本縣因將倉款銀糶谷借地存儲二十九年以洋米斷絕入口米價奇貴縣長劉禹輪召集各團體紳耆開會決議將倉儲穀盤出設立公賣處舉行平糶仍將谷價存儲截至三十年六月份止合計歷奉撥烟賭罰款按月存儲在內結存倉款國幣一萬一千五百六十元八角五分發縣倉保管委員會買穀存儲壹佰貳拾捌市石陸斗陸升

(乙) 社倉

社倉始干乾隆四年因揭陽海陽嘉應大埔移撥各社社倉穀共一千一百三十五石一斗四合三勺各社先後捐穀共二千五百六十七石一斗八升二合三勺又屯社倉穀二十三石五升八合各設社正社

副司之乾隆五十六年知縣秦泰于縣署左便建倉廩爲存儲社倉穀之所

縣城社倉穀四十五石五升

逕心社倉穀三十七石三升七合

環清堡社倉穀八十九石七斗

小溪壩堡社倉穀五十六石一斗六升

大田社倉穀九十九石八斗八升

大隴隍社倉穀三十石三斗九升

小隴隍社倉穀二十八石五斗三升

北勝社社倉穀一百七十四石三斗

潘田社社倉穀六十八石三斗九升三合

仙洞坑社倉穀二十石一斗四升七合

大棋社倉谷三十八石一斗七升

布心社倉谷二十七石八升

橫坑社倉谷二十四石二斗七升

馬頭社倉谷三十九石四斗一升

豐順縣志

卷九

政治

一一

汕頭鑄字局梅縣分局承印

葉聿社倉谷二十二石八斗五升

下湯社社倉谷七十八石四斗八升

產溪社倉谷九十五石七斗

九圖社倉穀三十八石五斗五升五合

大羅社倉穀二十七石五斗五合

十圖社倉穀二十八石一斗

太平約社倉穀二十二石八斗

羅家約社倉穀三十八石五斗五合

白芒社倉穀四石

隴隍屯社倉谷三石三斗五升

潘田屯社倉谷十二石五斗

小產屯社倉谷五石七斗四升八合

葛布屯社倉穀一石五斗六升

案葛志載原儲社倉穀共一千一百三十五石二斗七升二合三勺許志載乾隆四年以後各社捐穀五百二十七石三斗乾隆五十四年續捐谷九百零四石七斗一升三共社谷二千五百六十七石二

斗八升二合三勺又乾隆二十六年迄四十九年貯存息谷三千零三石九斗七升四合四勺合共原儲社倉谷五千五百七十一石二斗五升六合七勺內計在城社倉儲谷三千二百零六石二斗七升六合二勺隴隍社倉儲谷六百零二石二斗三升零五勺湯坑社倉儲谷一千七百六十二石七斗五升各社設正副社司之嗣因屢選社正副均不得其人權交地保看管出借收息易滋流弊遂于嘉慶九年清查案內每石折銀七錢二分共折銀四千零一十一兩三錢零五厘奉文解儲藩庫銀一千三百四十一兩九錢六分九厘歸入彌補穀價銀二千六百六十九兩三錢三分六厘事後並未買補還倉以致三處倉廩均倒塌無存

(丙) 屯倉

隴隍屯倉在慈祥菴上畔建自乾隆七年專收儲屯田穀石亦官倉也咸豐四年土匪古聲揚倡亂劫掠儲穀倉廩被焚僅存廢址每年征收屯穀皆借朱姓舖屋暫貯同治七年鹽運司借倉址建廠屯鹽光緒元年知縣李洪毓乃申請分司交還倉地以附近柑園官地換借另建鹽廠並諭潘隴產葛四屯紳耆募捐建復屯倉先捐廉爲之倡計建倉廩堂室共十一間即將收穀之淋尖踢斛諸積弊革除勒石示禁屯戶德之

潘隴產葛四屯歲征屯米五百八十五石零八升六合五勺征谷倍之歷歸縣署派員駐倉經征管理

案潘隴葛產四屯田二十六頃六十九畝有奇民國九年廣東省政府清理官產處派員將屯田變賣

豐順縣志

卷九

政治

二

汕頭鑄字局梅縣分局承印

令屯戶繳價承領歸爲民田倉廩全座亦同時拍賣變爲民業今屯田屯倉均爲歷史上之名詞而已

(丁) 義倉

義倉始于光緒八年知縣許善濟奉文勸捐義谷先捐廉五十石爲之倡分諭各鄉紳董勸捐並擇地建倉以備收儲分埔湯隴三屬同時各建義倉一所共捐儲倉穀五千五百一十三石五斗規制甚具迨光緒間各屬紳董先後將倉穀變價所有價銀或移作別用或由紳董朋分俱歸烏有倉屋亦有變賣者今已無從稽考矣

埔屬義倉原借常平倉餘廩三間增修改建爲屋二楹左右爲倉廩中一廳爲賑房兩廊一大門城鄉紳耆十八人由吳全吳永瀾張楷鄒清華駐局籌辦共捐集穀二千二百石撥出四百四十餘石變價建倉及生息爲管倉役食實存儲倉穀一千八百伍十三石五斗

湯坑司屬義倉建于湯坑汛署後隙地由紳士丁順捐池塘之米而成爲屋七間中爲公所左右各三間爲倉廩共捐儲義倉穀二千一百六十石

隴隍司屬義倉原撥隴隍巡檢司舊署前柑園官地建倉屋三間爲樓樓上儲倉穀樓下設義學延師課蒙童以養寓教由紳耆鄧毓埕廖烘等董其成共捐儲義倉穀一千五百石

(戊) 鄉倉

民國廿七年縣長張際清奉令籌辦抗敵自衛團委邑紳吳式均李介丞等主其事設立統率辦事處組

織委員會議定每鄉編練自衛團一中隊或一小隊并令各鄉攤儲倉穀一百石歸鄉公所保管爲各該鄉團隊動員抗戰時糧食之備出辦事處派員分往各鄉督同攤儲查核備案全縣各鄉共儲穀三千四百石有奇

(九) 水利墾殖

淮南子曰同陂溉田其受水則均芸芸千畝下流受潤葛許兩舊志均未有陂塘之載潮州府志載豐順陂塘多至二百五十三座廣東通志載二百三十二座而近年新築者亦多水利爲農田所資即民生國計所賴尤不可不詳也

(甲) 舊有陂塘

縣南豐溪有陂十二曰徑尾陂桐樹壩陂灌田百餘畝矮陂灌田百餘畝陂角陂溉田三百餘畝長南陂山下角陂石壁陂徐屋陂龍潭陂火燒陂溉田百餘畝佛祖陂灌田二百餘畝

縣西環清一水有陂十六曰花陂圳家陂陶下陂青潭陂谷瑞陂青潭陂鶴陽陂鄧屋陂劉家陂灌田百餘畝渡水陂黃鶯潭陂埔陂棕樹下陂湯陂潭陂溉田百餘畝新陂溉田二百餘畝

縣西大橋水有陂十曰翠子陂庵卜陂石岩陂山下陂溉田百餘畝社下陂矮陂灌田三百餘畝樟樹陂陂牛溉田二百餘畝

縣西北布心水有陂七曰公王陂河潭陂大井陂卜洋陂石壁杉樹陂楓林陂溉田百數十畝不等

豐順縣志

卷九

政治

四

汕頭鑄字局梅縣分局承印

縣東北康坑水有陂六曰山下陂泥湖陂塘埔陂陳徑塘陂溉田百餘畝洋前陂交牛陂溉田三百餘畝

縣東北大田水有陂十五曰東葉洋陂合圳陂石奇頭陂楓樹陂洽溪陂發壩陂溉田百數十畝大陂五娘陂新陂坪圓陂溉田百畝甲溪陂長埔陂大陂陂劉家邦陂溉田二百畝

縣北北溪水有陂三曰賴公陂將軍陂官田陂溉田百數十畝不等

縣北泥溪水有陂三曰屋後陂上角陂造福陂溉田百數十畝

縣東關內溪有衆家陂溉田二百餘畝

縣東仙洞溪水有陂四曰神宮陂雞栖陂葉屋陂磔角陂溉田百數十畝不等

縣東潘田溪水有陂十四曰石鼓陂黃泥陂楊柳陂各溉田百畝天井湖陂前頭陂鵝公陂均溉田三百畝簡頭陂壩下陂大陂角陂柵子陂潭坑陂上沙陂溉田百數十畝不等瓦陶陂大塘陂各溉田二百餘畝

縣東九河溪有陂七曰黃勝角陂黃沙陂坡角陂又十里陂蔗溪水有金剛陂南坑陂均溉田百畝徑口陂溉田七百餘畝

縣東小墮隍水有陂九曰陂肚陂溉田二百畝深村陂許厝陂牛頭弄陂各溉田四百畝高堤陂三車陂各溉田五百畝過路陂溉田三百畝樺口陂尾車陂各溉田一百畝

縣東北韻溪水有陂十四曰甲水陂溪尾陂隍溪陂滑石陂各溉田百畝紙寮陂庵角陂新築陂赤溜陂

送牛坑陂龍磔陂烏石陂各溉田百畝李屋陂兩人潭陂赤柳陂溪東陂溉田百數十畝不等

縣東北白土水有石碯頭陂寬四丈溉田四百畝

縣東北湟洞水有紫衣陂溉田二百五十餘畝

縣東北黃花村水有陂七曰苦竹陂磔磔陂磔下角陂水口陂水子坑上下陂山口陂溉田百畝或數十畝不等

縣東北沙田水有陂四曰連城陂坎下陂大陂磔下陂溉田百餘畝

縣東北岳坑水有陂二曰鹿檀陂坡子裡陂溉田各百餘畝

縣東北小勝水有陂十曰楓樹窩陂黃覲陂社背陂禾倉石陂石徑宮陂磔下陂營上陂伯公前陂朱坑陂高磔陂溉田二三百畝不等

小勝三坑水有石坑陂溉田五百餘畝

縣東北大勝水有陂九曰陂尾陂龍潭陂老宮陂陳八廬陂葭東段陂直坑陂風吹磔陂烏陂箭竹洋陂各溉田一二百畝不等

縣東北湯沙水有陂二曰凹下陂上窩陂溉田百餘畝

又中央段有長蘆陂溉田百餘畝

縣西逕心水有逕心陂溉田百餘畝

豐順縣志

卷九

政治

五

汕頭鑄字局梅縣分局承印

縣西南湯溪有陂十八曰磔子陂福寧陂庵前陂百公陂各溉田百畝堅潭陂鄧公陂石子陂和尚陂壩

心陂各溉田二百畝下屋陂審前陂黃泥陂姑山陂老陂各溉田百畝糧陂李廣陂各溉田二千畝湖公

陂溉田二千一百餘畝木杓陂溉田四百餘畝又湯陂溉田百餘畝

縣東南茜坑水有陂四曰蕉子潭陂曹寨陂新寨陂鶴老陂各溉田一二百餘畝不等

縣南石坑水有陂二十曰排下陂飯碗陂牛溫陂腔口陂尾陂新陂老陂下陂南山陂黃屋陂王屋陂黃

驚楊屋陂沙坑陂叮嚙陂竹子陂范屋陂豬姆陂壩角陂分水凹新陂各溉田一百畝或二百餘畝

縣東南精水溪有陂五曰黃竹陂榕樹陂圓墩陂貴田陂溉田百餘畝汶水陂溉田七百餘畝

縣東南銅盤水有陂四曰宮前陂牛溫陂下陂各溉田百畝橄欖陂溉田四百餘畝

縣南大羅水有陂十二曰酒缸陂香車陂崩坎潭陂鶴老陂汶圍陂頭車陂均在赤毛嶺溉田一二百畝不等又二車陂圍車陂擔水陂老車陂尾車陂各溉田數十畝

縣南埔寨東坑水有陂二鑣子隴陂溉田二百餘畝河子壩陂溉田百餘畝又八鄉小溪水有塘鋪排陂

溉田數十畝

縣南長坑水有陂二曰宮子角陂溉田二百餘畝塗陂溉田百餘畝

縣南倉下水有陂二曰胡蘆陂曰背頭陂各溉田百餘畝

縣南羅家約有八角塘八派泉源同注於塘橫袤三四里灌田千餘畝

縣南下湯有塘三曰高隴塘小圓塘蓮塘瀦水灌田案蓮塘現已成田

隴隍市西有軍塘面積里許近多淤積大半廢爲田東隴有蓮塘均受江水漲浸

產溪鄉有朱公塘面積數十畝加以填築可成田十餘畝但時受漲浸

隴隍有苦練溝道洩西北兩洞官田洋等處可灌田數百畝

縣南湖下村有塘二曰湖下塘灌田百餘畝連下塘灌田百餘畝

湯坑有塘三曰頭凹塘二曰凹塘三曰凹塘各溉田百數十畝

縣南埔子寨有埔岡塘溉田百畝

縣南曹寨有紅塘可溉出百餘畝

縣北黃花村有塘三曰新塘曰大塘曰長塘向皆瀦水溉出各數十畝近均廢爲稻田又三十六峯迤南有湖渚面積里許近山麓湖邊已成田二十餘畝又刷牛坑有灌蔭塘瀦山水溉田十畝

縣東南潘田鄉有官蕉湖面積百餘畝中有小山兩邊皆已成田

東隴鄉有蓮花池面積可百畝因低窪受韓江漲浸乏灌漑之利

(乙) 新築陂塘及墾殖

縣南湖坡廣湖石湖三鄉農田水利所繫于民國三十年七月一日大水爲災冲决堤口達七十餘丈水勢滔滔四百餘畝之田園變成湖泊後經陳臨芝君而倡築需款十餘萬元工乃告竣

豐順縣志

卷九

政治

六

汕頭鑄字局梅縣分局承印

縣北黃花村有丹竹葦山塘民國二十九年三月李介丞倡築堤長六十四尺高十七尺渠長四千尺堤頂厚三尺底寬三十尺容水量七萬五千六百立尺可灌田六百畝墾成荒田三百餘畝築塘費二千六百餘元墾田費五千餘元三十年村民墾山葦百餘畝植木薯

縣北潭江鄉有陂窩水壩民國二十九年七月陳寅菴倡築壩長六十尺高一十七尺渠長一萬八千尺墾田一百五十畝築壩田費三千餘元

縣西環清鄉有楊文巢水壩民國二十九年八月王兆堅倡築壩長八十四尺高一十四尺渠長五千五百尺可溉田九百畝墾田五十畝惟上竣未幾旋即冲毀

縣西北小樁村有雷公塘堤一百五十五尺高二十尺渠長三千尺墾田五十畝民國二十九年十月廣東第五區行政專員劉志陸倡築

縣東潘仙鄉有鑿子下水壩長二十尺高五尺渠長三千二百尺墾田一百五十畝民國二十九年十一月鄭意誠倡築

縣南埔頭鄉民國三十年徐姓築石坑渠長二里許引坑水溉田可數百畝

縣北箭坪村沿山築渠長一千二百尺引鴨麻寮窩山泉可溉田百畝墾田三十餘畝民國二十九年七月彭佳維倡築

縣北西坑村沿山鑿渠長二千八百尺引黃花村口礮水可溉田五百畝沿渠墾一百餘畝民國二十九年

年八月朱作梅倡建

縣北三坑村修築舊渠長四千尺可溉田千畝墾田四十畝民國二十九年五月李次光倡修李春合墾田二十餘畝

縣北轉水村民國二十九年四月洪玉祝墾兜鬼窩涼亭背山田共七十畝嚴韞階墾下角山田二十餘畝

縣北湯沙村民國二十九年四月黃陰菴在高礫下墾田五十餘畝

縣北小勝鄉民國二十年四月李次光墾楊梅埔山田二十餘畝李樹南墾王瓜地山田十餘畝李昌明李郁廷墾社背田五十餘畝

縣城東郊吳柏蒼墾三板橋山葦五十畝民國二十九年三月墾植山禾

縣東潘田鄉陳淑川墾礫下角山田四十餘畝

縣西北馬圖鄉民國二十九年七月專員劉志陸縣長劉禹輪倡墾東祥崇山田二百四十畝

縣北南陽村丘祝宜築溪堤長三百餘尺墾田四十餘畝林秋光倡墾山田二十餘畝

縣北東隅鄉民國二十九年八月墾山葦七十畝范仰椿倡墾植木薯

縣北大田村民國三十年譚嵩亭墾金在岢山葦二十餘畝植木薯

縣北占頭村民國二十九年陳曉園墾上葦山埔三十餘畝植果樹木薯

豐順縣志

卷九

政治

七

汕頭鐫字局梅縣分局承印

縣南丘屋寨民國二十九年四月丘夢熊築塘墾地三十畝植山禾木薯

案縣境山重嶺複萬壑千巖凡有澗壑皆泉流涓涓自高下瀉若連山築塘沿岡鑿渠引流左右則渠下陵坡岡阜皆可墾成水田植薯蒔稻糧食可自給自足民國二十九年春五區行政專員劉志陸縣長劉禹輪倡設生產建設促進會推行築山塘墾山田種山禾山木薯僅三閱月推動工作而築塘墾田植薯者遂遍于四鄉若繼續不輟其効率必大有可觀竊願爲治者加之焉

政治四

邑人李唐介丞甫編纂

十) 防衛

通判府汛舊駐城守營千把總一員目兵二十五名崇禎初增設豐順營開縣後奉文改駐縣城未裁
豐順縣城奉文議駐城守營守備一員帶千總一員目兵一百三十五名迄未撥駐

關上嶺舊駐兵三名開縣後奉文議駐外委目兵三十名未撥駐

潘田汛駐目兵五名

白坎舖駐目兵三名

木頭凹駐目兵三名

大凹頭汛駐城守營千把總一員目兵四十六名

桔叢汛駐目兵三十名

三角地汛駐目兵五名

火燒塘汛貼防左營目兵三十名

藍屋角汛貼防中營目兵三十名

葛布塘汛駐外委目兵十名巡船一艘

豐順縣志

卷十

政治

汕頭鑄字局梅縣分局承印

隴隍汛駐城守營千把總一員目兵二十名巡船一隻

產溪塘駐兵五名

朱坑塘駐兵五名巡船一隻

轉水塘駐兵五名巡船一隻

黃竹基塘駐目兵五名巡船一隻

以上向屬城守營分防

言嶺關汛奉文議駐左營千把總一員目兵三十名未撥駐

店前汛舊駐左營把總一員目兵四十名開縣後奉文改駐言嶺關尚未裁改

逕心汛駐外委目兵三十名

以上向屬左營分防

湯坑汛駐中營千把總一員目兵四十名

貴人村汛駐中營千把總一員目兵五十名

筲箕坪汛駐中營千把總一員目兵五十名

礮下汛駐外委目兵三十名

大羅汛駐外委目兵三十名

以上原屬右營防地向係中營官兵貼防

知縣葛曙請改撥營兵詳文

爲工程告竣敬陳撥兵末議事查豐順一縣於乾隆三年奉前督憲題准添設請將駐劄嘉應州之潮州鎮標左營游擊移駐豐順嘉應州改駐平鎮營游擊平遠縣改駐守備鎮平縣改駐千總又請於海陽縣添築湖山城將潮州城守營守備移駐並於海陽之白石嶺建關撥千總帶兵五十名防守奉部復准當經前潮鎮憲范議將嘉應州城守等處左營日兵三百五十通撥豐順分駐縣城各汛又議將豐順大凹頭等汛原撥兵九十名撤回海陽隨同城守營守備移駐湖山其白石嶺原設兵二十名併議撤回豐順潘田等汛兵三十名改駐白石以足五十名之數續于乾隆六年前督憲馬奏稱豐順需兵移動四處前議原未甚妥請將潮州城守營守備改駐豐順所需兵丁附近實難抽撥應另募二百名帶領控制其海陽之湖山城改撥千把駐守部議豐順准改守備湖山准改千把至兵丁二百名不必另募徒滋餉費令于通省各標通融抽撥當經前提憲保議移黃岡協兵八十名潮陽營兵一百二十名撥歸城守營守備帶駐豐順城各汛咨明前督馬尙未咨部隨奉檄飭減造武員衙署兵房等項以省糜費遵照另估減造在案卑職遵查黃岡潮陽二營離豐順俱約三百里該兵向無田墓親屬在豐一旦挈家遠徙未免艱難况新開之邑驟增二百名新撥之兵兵與民素不相習于勢亦爲未協查原議撤回豐順汛兵九十名改撥海陽之湖山城又撤三十名添守海陽之白石嶺今湖山城現奉議

豐順縣志

卷十

政治

一一

汕頭歸字局梅縣分局承印

銷需兵無幾郡城可撥是豐順之原額兵九十名可以免撤無庸撥補又海陽之白石嶺離潮郡上四十里郡有重兵駐守該處向設兵二十名似不爲少是豐順之原額兵三十名亦可不撤補再查豐順塘通屬共有水陸二十一汛共額兵四百九十一名其中儘可酌減抽撥大凹頭桔峯三角地火燒藍屋角五汛相去不過五里十里原設千把一員帶目兵一百四十一名分守五汛似屬過多應請於大凹頭汛設千把一員帶三十名駐守其餘四汛每汛撥兵十名特角相援五汛兵共七十名足備巡守實可減冗兵七十一名再如筲箕坪貴人村二汛向各設兵五十名大羅礁下二汛向各設兵三十名亦屬過多四汛俱可各減兵十名總計議銷海陽湖山城之九十名與免增海陽白石嶺之三十名併裁減大凹頭五汛之七十一名筲箕坪四汛之四十名共得兵二百三十一名按照原題二百名額數在於豐屬抽撥綽綽有餘何必舍近求遠查黃岡潮陽之撥雖經前督提二憲會議並未咨部與題定之案有間似可通融酌議若以大凹頭筲箕坪等汛兵額久經題定恐難議減則現撥黃岡潮陽二營兵目該處亦屬從前題定今且小難減彼增此况在本邑酌盈劑虛更爲簡易兵無遠徙之煩民有相習之素實于地方有益再查揭陽分割湯坑九圖十圖一帶地方向屬右營游擊照舊管轄中營官兵貼防嘉應州分割店前建橋逕心一帶地方向係左營守備照舊管轄左營官兵分防今既將城守營守備移駐豐順縣城則通屬地方自應併歸城守營守備一人管轄以專責成公事方無貽誤至各汛所需官兵仍照舊貼防不煩更改現在工程告竣撥兵在適合將實在情形稟請憲鑒伏乞照議查

施行以上據葛志候

乾隆三年建縣原議縣城駐城守營守備一員帶千總一員目兵一百三十五名嘉慶十三年九月奉文裁去守備將該守備改移三水營僅駐千總一員目兵五十三名關上嶺汛原議駐外委目兵三十名今駐外委一員兵十五名並轄潘田汛潘田原駐兵五名今僅存三名白坡舖木頭凹二汛原駐兵各三名今既裁去仲坑山大凹頭汛原駐城守營千把總一員目兵四十六名今駐把總一員兵十五名並轄桔峯三角地二汛桔峯原駐兵三十名今駐十名三角地原駐兵五名今駐三名以上三汛俱係高山峻嶺林密無人險僻山場易藏奸宄防守最宜嚴密據許志修

案大凹頭汛即今馬圖三四地三角地汛即今寶山口頭渡水藍屋角汛即今墮下攔凹頭桔峯火燒塘二汛同爲仲坑山周圍出入路徑自元明迄清初山內開採銀鉛鑛註冊礦工多至一十三萬餘名故設五汛駐兵司彈壓卡絕走私之責康熙四十三年封禁開採礦徒仍未散盡乾隆三年建縣仲坑山內已非昔比葛令以是有裁減駐兵半數之請僅存火燒塘藍屋角二汛迨乾隆六十一年遂將藍屋角一汛目兵改歸景脚汛城守營請委汛官亦僅存其名已無汛房駐所其餘四汛亦先後裁去惟舊志未載他無可攷

墮隍汛扼水陸要衝原駐城守營千把總一員目兵二十名並轄十二塘汛今改駐把總一員目兵一十六名所有原駐葛布塘之外委目兵十名產溪朱坑轉水黃竹車四塘之目兵各五名一併裁減改爲十

豐順縣志

卷十

政治

二

汕頭鑄字局梅縣分局承印

二塘各派兵三名其從前奉撥巡船六隻每隻備兵四名駕駛會哨因年久失修船隻均已廢壞業于咸豐五年奉行停止有案

湯坑汛原駐中營千把總一員目兵四十名今駐千總一員兵二十六名大羅汛原駐外委目兵三十名今駐外委一員兵一十二名貴人村汛原駐中營千把總一員目兵五十名今駐把總一員兵二十七名礮下汛原駐外委目兵三十名今汛外委一員兵一十三名汛箕坪汛原駐中營千把總一員目兵五十名今駐把總一員兵二十八名

洞脚汛駐城守營把總一員目兵二十名並轄龍潭銀坑伯公凹三汛龍潭銀坑各駐兵五名所兼轄之藍屋角原駐目兵三十名現駐二十名

以上各汛員弁向係按年輪流更替自道光二十年至同治八年屢次奉文將弁兵裁汰三成有減無增代遠年湮卷籍遺佚以上據許志修

案洞脚汛及龍潭銀坑伯公凹三汛皆開縣時所未設藍屋角汛原在仲坑山阮通志作仲坑山汛殆改設後仍存舊名耳其設置年月葛許兩舊志俱不載通志海陽志均無可攷惟查洞脚汛距銀坑汛十里距龍潭汛十五里距城守營本營均百里內外藍屋角汛原在仲坑山距本營一百七十里乾隆六十年因暎下奸民朱亞姜拜會謀亂戕殺官兵經潮州鎮檄大軍勦滅後始于暎下附近分設洞脚龍潭銀坑伯公凹三汛伯公凹汛設于龍攪窰洞脚汛兵房及烽燧則設置暎下鄉內光緒間各汛兵

已先後裁撤留洞脚汛弁兵亦移駐田東墟每年僅來巢下鄉巡查一二次而已

光緒二十一年巡撫馬丕瑤奉諭裁減制兵經挑留精壯三成其餘老弱概行裁撤旋奉部覆裁減二成二十七年總督陶模奏准將水陸防營十成裁去二成三十一年總督岑春煊奏准再裁七成即將所省餉米移練新軍並令各州縣添募土勇其原有應解七成營米改解潘司移交陸軍糧餉局備支新軍餉糈各營兵經三次裁減所有防汛已形同虛設未幾亦陸續裁撤遂專練新軍各州縣亦改設練勇並創設巡警以代防汛矣

光緒二十七年督撫令各州縣舉辦練勇由地方官詳請給領槍枝邑屬知縣魏紹唐舉辦練勇六十名開抽柴炭竹木捐爲練費設置管帶一員率領

宣統二年知縣單夢祥奉文設立縣城巡警局置巡官一員長警十名

民國二年縣長王懋修增設湯坑陷隍黃金埠潭江各警察所分置所長各一員長警名額有差

民國十七年縣長方乃斌令各區設立警衛聯防總處編練警衛隊各一中隊七月蒞黃金埠召集二四五區聯防主任會議設立豐順縣二四五區防總辦事處另編警衛便衣隊一小隊直屬總辦事處

民國二十一年縣令張我東設縣警三中队所有槍彈餉項概令各區鄉攤繳

民國二十六年抗日戰役奉令各縣組織抗敵自衛團統率委員會設立辦事處縣長張際清委邑紳吳式均爲主任全縣編自衛團六大隊分十七中队五十七小队所有槍枝均由各鄉自備經辦事處派員

豐順縣志

卷十

政治

四

汕頭編字局梅縣分局承印

分赴四鄉點驗加以訓練每鄉均備隊員糧食一百名爲抗敵自衛之計旋奉令停辦

二十七年奉令設立國民兵團編分常備隊後備隊自衛隊縣長劉禹輪委吳柏蒼爲自衛隊大隊長編三中队徵集四鄉壯丁槍彈集中縣城實施訓練薪餉歸政府發給歷調赴潮陽前線與日寇抗戰三十年奉令將大隊縮編爲一中隊改歸縣政府兼領另編政警隊一中隊

民國二十九年三月縣長劉禹輪奉令發廣東各縣局警政實施計劃調整警察機構將湯坑警察分駐所改爲警察所縣城及陷隍原設有警察分駐所均照舊設立並將上年裁撤之潭江黃金市警察所均改爲派出所於六月間規復成立並呈准于八鄉設立警察派出所經費由縣府按月撥支湯坑警察所月支七百七十六元附城陷隍各警察所月各支四百六十三元八鄉潭江黃金市各派出所月各支一百九十一元政務警察一中隊月支一千一百一十元全年共支三萬九千二百四十二元警察服裝遵照中國警察制服條例規定改用夏黃冬黑之高邊大帽槍枝向廣東省第五區保安司令部呈借七九步槍並子彈充實備用

(二) 黨會

(甲) 黨務

中國國民黨豐順縣黨部創立於民國十四年春省黨部特派張之翰鄒寶華吳聘我馮惠我等爲籌備委員選出第一屆執委兼常委爲蔡寧王少華鄒寶華又陳晉階吳毓芬許棟臣黎鳳翔等爲執委監委

爲吳永琪彭佩衡楊立中第二屆執委兼常委爲何士賜吳昌俠張杏春又彭國傑朱頌三王梅初楊維賢等爲執委監委爲吳洞英吳志春彭佩衡第三屆執委兼常委爲鄒寶華又何士賜彭丹書爲執委監委爲李偉嵩第四屆執委兼常委爲鄒寶華又李偉嵩吳振聲等爲執委監委爲何士賜鄒大椿李偉崧第六屆執委兼常委爲吳振聲又吳昌俠鄒寶華彭丹書李偉嵩爲執委監委爲劉伯壘何士賜鄒大椿第七屆執委兼常委爲劉志達又吳昌俠鄒寶華張祖齡彭丹書爲執委監委爲劉伯壘鄒大椿第八屆執委兼常委爲吳柏蒼又陳曉垣劉志達爲執委監委爲王英才第九屆執委兼常委爲吳柏蒼又劉志達張奮飛爲執委監委爲鄭介君第十屆以後改爲特派員制省派古鼎爲特派員卸任後由李昌明繼任旋改書記長制省黨部派李昌明代理繼派鄭渭川接任

三民主義青年團揭陽籌備處主任劉竹軒派王輯生爲通訊員於民國二十九年附設豐順縣立中學校吸收團員百餘人分設二區隊三十一年王輯生辭職改派吳思存接充其總通訊員爲許學詳附設龍山中學迄未獨立設置團部

(乙) 商會

廣東省商民協會湯坑分會民國十五年十月成立至十八年二月奉命改組爲湯坑市商會選舉楊保江爲第一屆主席第二屆廿一年十月改選蔡慕陶任主席第三屆廿五年五月改選丁季彬任主席連

豐順縣志

卷十

政治

五

汕頭籌字局梅縣分局承印

任至今

隴隍市商會民國二十二年設立由七個同業公會組織第一屆選聘李介丞爲主席加入席省商聯合會爲會員旋李介丞辭去許玉如繼任遂停辦二十九年復行設立選舉陳登雲爲主席

豐順縣商會民國二十七年設立第一屆選舉吳祖理爲主席旋由劉漢秋繼任三十年第二屆選舉吳壁垣爲主席

沙田圩商業公會民國二十一年設立選舉曾仲衡爲主席近亦無形解散

(丙) 墾荒協會

沙田圩黃花村墾殖水利公會民國二十九四月設立李介丞爲主任

潭江鄉中央段墾殖水利協會民國二十九年六月設立陳寅菴爲主任

潘田鄉石坑墾荒協會民國二十九年六月設立鄭意誠爲主任

潘田鄉礮下墾荒協會民國二十九年六月設立陳淑川爲主任

小勝鄉墾殖協會民國二十九年五月設立李次光爲主任

潭江鄉湯沙墾殖協會民國二十九年五月設立黃蔭菴爲主任

環清鄉墾殖協會民國二十九年七月設立王少堅爲主任

北勝社沙田小勝潭江三鄉水利墾殖聯合會民國二十九年七月設立李介丞爲正主任洪玉祝李昌明

爲副主任

沙田西坑墾殖協會民國二十九年五月設立朱作梅爲主任

潭江鄉轉水墾殖協會民國二十九年五月設立洪玉祝嚴韞階爲正副主任

沙田鄉箭坪墾殖協會民國二十九年五月設立文奮程爲主任

沙田鄉南陽墾殖協會民國二十九年五月設立丘祝宜爲主任

馬圖鄉北斗山墾荒協會民國二十九年五月縣長劉禹輪派員設立以饒公球爲主任

潭江鄉大勝墾殖協會民國二十九年八月設立李梧生爲主任

(丁) 合作社

附松鄉設保合作社四個信用合作社八個

豐良鄉設保合作社二個信用合作社一十六個

建大鄉設合作社一個保合作社二個信用合作社八個

環清鄉設鄉合作社一個保合作社二個信用合作社四個

璜溪鄉設保合作社四個信用合作社十七個

紫湯鄉設信用合作社二個

馬圖鄉設信用合作社八個

豐順縣志

卷十

政治

六

汕頭鑄字局梅縣分局承印

潘仙鄉設保合作社九個信用合作社七個

潘田鄉設保合作社四個信用合作社十四個

產溪鄉設信用合作社二十五個

大龍鄉設信用合作社四十七個

東墘鄉設信用合作社三個

小勝鄉設信用合作社十五個

沙田鄉設信用合作社十二個

潭江鄉設保合作社八個

大同鄉設信用合作社十四個

揭嶺鄉設保合作社一個信用合作社三十七個

金鎮鄉設信用合作社一個

埔寨鄉設保合作社四個信用合作社五個

埔頭鄉設保合作社一個信用合作社四個

四美鄉設保合作社五個信用合作社四十五個

穎川鄉設保合作社一個信用合作社四個

新埔鄉設保合作社一個

共計鄉合作社二個保合作社五十個信用合作社二百九十六個均于廿九卅兩年縣長劉禹輪任內組織成立

(戊) 縣會

豐順縣教育會宣統元年設立選舉吳伯齡爲會長民國初停辦二十九年二月從新組織選舉王乃宣爲理事

豐順縣農務分會宣統二年九月設立由三十六農區農會選舉李唐爲總理呈奉農工商部剖委並給齡有案

豐順縣縣議會民國二年設立議員額二十名選舉吳少蓬爲議長譚亦凡爲副議長

豐順縣參議會第二屆縣參議會民國二十年設立議員十名互選吳式均李漢秋丁展鄭梓美劉志達五人爲常委員民國廿一年第三屆改選議員額十名互選朱遜卿爲正議長丁展李漢秋爲副議長

豐順縣財政委員會民國二十五年設立委員額五名互選吳冠球爲常委第二屆改選李介丞爲常委旋辭去由劉維嶽代第三屆改選劉維嶽爲常委第四屆改選張禮亭爲常委第五屆改選張鶴飛爲常委第六屆改選鄭渭川爲常委

豐順縣抗敵自衛團統率委員會縣長張際清奉令組織民國廿六年設立舉吳式均爲主任李介丞爲

豐順縣志

卷十

政治

七

汕頭歸字局梅縣分局承印

委員

豐順縣地方促進會民國二十九年二月兼廣東省第五區行政督察專員劉志陸縣長劉禹輪召集全縣各界組織公舉李介丞爲主任張禮亭鄭渭川吳柏蒼張鑑初四人爲委員推行築山塘墾山田種山禾山木薯等三山運動

豐順縣倉保管委員會民國廿一年設立以吳桂芳等爲委員

豐順縣立第二中學校經濟委員會縣長劉禹輪以第二中學校長李孔昭辭聯款絀將停辦聘任李介丞黃國鑑劉得升三人爲經濟委員李介丞乃將學校遷設潭江沙田小勝三鄉捐集二萬餘元從新建設並組織經濟委員會名額委員九名公推李介丞爲主任黃善居爲副主任

(己) 社團活動

社會團體之組織皆人民活動所表現爲中國社會問題中一大案例如邑屬向有學社慈善團體及三點會紅白旗會之組織雖有公開與秘密之殊文明與野蠻之別其活動力實比行政官吏爲大若不綜合記述不能顯示過去社會真相今將此事實別爲一欄名曰社會舊活動俾與現代新社會相銜接以見社會活動今昔之趨勢焉

吳氏家族文課會 咸豐間紳士吳光祖倡設吳氏本附城大族文風素盛光祖喜獎勵後進於敦倫堂設文課會每歲正春集合族屬士子考課一次評定甲乙分別給獎嗣世皆踵行之迄科舉廢始罷

北勝學社 光緒間廩生陳期昌李國楨等倡設專研求經史詞章制藝按月由縣官分生童各出題考課如書院制彙卷送縣官評定榜示前列五名以次給獎月皆百數十卷知縣王耀曾曾以創立北勝書院議爲課題並諭創建書院迄光宣之際始輟

小勝崇正社 反正伊始秩序未定盜匪竊發清諸生李輔臣等倡設崇正會揭曉止義維持治安擒治匪類地方秩序賴以維護

三鄉興學會 光緒甲乙之際科舉未廢諸生李唐倡設北勝公學屢集議未就乃聯合黃花南溪箭坪三鄉設興學會建築校舍設立自助兩等小學堂

張氏明德讀書會 民十九年邑人張道掌教本縣球山中學張氏子弟多從之遊特組織明德讀書會探討學理並刊行叢刊三種

湯田自治會 民國十六年附城吳桂芳吳芒生吳叔初吳淑晦吳永青諸紳耆設立湯田自治會時值地方變亂約束族衆自治自衛縣城四鄉得免蹂躪實該會之力也

案邑屬各鄉族多有家族自治會之設立不勝縷舉其辦理關係地方治安成績最著者

環清鄉治安會 民國十六年黨爭劇烈亂衆益滋耆宿王惠和王爵臣爲鄉人指陳利害倡設治安會厥後搶殺紛起四鄰皆糜爛獨環清一隅無恙

沙田耕牛保險會 民國五六年間地方多故盜賊猖獗竊耕牛之風極熾紳士陳翊曹李渭賓等倡

豐順縣志

卷十

政治

八

汕頭鑄字局梅縣分局承印

設沙田全鄉耕牛保險會凡繳納一決過保險會費一元者耕牛如有失盜概由會負責追還或賠償自是山僻弱小耕牛得以保全

人壽會 邑屬各鄉村所在皆有因貧民遭父母之喪爲費不貲凡會員概依會規歛錢物互助深得凡民有喪匍匐救之之道例如附松璜溪等鄉有送老會二三十個黃花村有老壽會新舊二個龍溪有人壽會會員多至百數十人專以銀米柴菜等物依會規互助會友親喪咸免破產之累亦美俗也

橋費路費渡船會 邑屬川河交錯道路多輻先民爲利濟羣衆隨處皆組合會社集合基金如造林儲備橋材每歲修路會食之類由來均久昔近多廢弛此亦民俗日偷之微惟韓江各渡船會尙維持不墮尤以潭江義渡會產爲多辦理亦較認真

秘密結社附

集夥黨 乾隆末年嶺下鄉竹頭背村亂民朱阿羌平日富而好獵有堪輿師池亨會者揭陽人謂朱所陽居風水可出帝王一日于山谷中拾得鐵劍一枝符咒一冊偵知錫坑村產錫集衆大言曰吾劍天所授入地能成五寶試之鎔土果成錫衆皆傾資入會以反清復明爲號召結盟拜會鄰近及海陽揭陽各縣鄉民爲所誘惑聚衆逾萬後聚于白芒州海陽令楊士璣督隊往查差官爲所戕殺九月十六日總兵薩突阿道合觀音保督大兵勦辦擒斬之并搜獲其會中名冊旋于該鄉要隘分設洞脚銀坑龍潭藍屋角四汛由潮州鎮派城守營把總一員率官兵分汛駐防

三合會咸豐初粵省莠民有所謂三合會者其黨分布各州縣拜會插盟圖謀不軌撰妖書造隱語傳教者曰阿媽引見者曰先生主文字者曰白扇奔走者曰草鞋各頭目曰紅棍拜會者曰登壇演戲入會曰出世每拜會阿媽裹紅幘服白衣設五色旗上書彪壽合和同字分布五方從某來者隸某旗設三重門每門二人持刀作八字形拜會者匍匐入自稱曰仔赤身披髮跪伏拜斗念三十六咒割指血盟受隱語三角符符內書參天宏化四字辮髮繫兩線辮結一圈頭目曰天牌圈正額司事曰地牌圈腦後先入會者曰人牌圈左耳入會者曰人和牌圈右耳彼此相遇問姓名各以洪對或稱三八二十一便知是會中人每入會科銀一銅錢三百六十曰祝壽錢不識其隱語暗號者即被劫掠至是嘉應人古聲揚以賣卜爲名在隴隍各處誘人入會頭目頗多如龍溪管以均白溪朱亞欄南陽林解等與海陽蘇友才揭陽林元愷紀阿鶴等勾結私相部署裹紅巾造洪順堂印設將軍元帥先鋒軍師等名號於甲寅七月在隴隍起事分路謀攻縣城迭經官軍民團堵擊始滅之

邑人李唐介丞甫編纂

職官表 文

案明洪武迄清乾隆三年縣境原設潘田司巡檢一缺隸海陽縣開縣後裁改典史產溪驛驛丞舊隸海陽縣清雍正四年裁武甯驛驛丞舊隸程鄉縣康熙三十五年裁均載舊志職官表惟列載職官姓名尙多遺漏今據通志府志海陽縣志嘉應州所載分別補入表內

明 潘田司巡檢

產溪驛驛丞

武寧驛驛丞

洪武

吳宗岳

正統

秦祖

成化

陳懋

宏治

唐亨 閩縣人

嘉 徐璣

佟錫汶 上人

戚廣

靖 黃湯 莆田人

萬曆 施秉正 浙江人

豐順縣志

卷十一

汕頭鑄字局梅縣分局承印

天啓

鄭一梅 興化人

崇 顧元顯 漳州人

林啓龍 蘇州人

鄭國賓

樂世儀 順天人

余廷璋

陶自宣

正 姚世芬 池州人

清 順 陳應龍 會稽人

穆登醴 大興人

何一臣 廬江人

貢其珍 富陽人

治 杜吉祥 彭城衛人

黃元忠 雒南人

李奇發 錢塘人

康 霍洪祿 高陽人

馬三聘 燕山衛人

沈世安 山陰人

王維世 華陰人

張國佐 封人

樊纓 祥符人

宋 祥 禹州人

王仕 宛平人

陳爲政 宛平人

樊光祖 神武左衛人

李銓 汾陽人

祝維才 河陰人

陳元震 江都人

單毅 蔚山人

張養誠 大興人

張朝鑑 玉田人

張朝鑑 五十九年任

熙 張朝鑑 五十九年任

正雍 宋肇炯 三河人 二年任

于 潢 通州人 元年任

潘 龍 孟津人 二年任

楊世倚 通州人 八年任

張維敏 大興人 十二年任

隆乾 陳 範 陝西人 元年任

清

乾隆三年開縣設知縣一員縣學訓導一員典史一員裁潘田巡檢司缺改設二十七年裁大埔烏槎司巡檢缺改設湯坑司巡檢一員嘉慶 年添設隴隍司巡檢一員裁潮州府稅課大使缺改設湯坑司署原將大埔縣烏槎司 汰估變移建題奉部覆准有案

知縣

訓導

典史

巡檢 湯坑司 隴隍司

隆乾 王如珩 宛平人貢生捐職三年 題升知縣十二月任

謝鍾興 高陽縣人貢 六年任

王 喬 鄆縣人捐吏 目七年任

張 薰 祥符人由貢保舉任揭 陽縣四年九月兼攝

王如珩 四年九月奉旨引見 六年三月回任

黃以平 鄆縣人候補知州 八年十二月署任

葛 曙 餘杭人壬戌科進士欽 點知縣八月十二月署任

江廷隆 休寧人丁酉舉人 十一年三月到任

戴以詠 德慶人 十五年任

沙立本 錢塘人 十三年任

豐順縣志

卷十一

一一

汕頭鑄字局梅縣分局承印

高 嶼 三原縣人 二十一年七月任

吳蘭澂 建德人 二十二年十一月任

鄧良圖 翁源人 二十二年任

宋騰飛 二十二年任

袁名器 寧鄉人舉人 三十一年十一月到任

鄧汝遇 澄海人 二十五年任

吳蘭澂 三十一年奉文引見 三十三年九月回任

謝 壘 三十年任

慎體升 安徽人 三十四年任

江充棟 會稽人捐職 三十五年十一月到任

史 易 承德縣人進士 三十六年五月到任

王 淮 會同人 二十八年任

王 銜 山東人 三十六年任

邵應鳳 江南人 三十七年十一月任

梁日昇 新興人 三十年任

劉昭慶 順興人二十六年 設湯坑司本年任

溫立廣 山西人 三十九年二月到任

溫光基 德慶人 三十五年任

通 恩 漢軍人 三十九年六月到任

龍廷泰 成都縣舉人 三十九年十一月到任

丁位乾 乳原人 三十九年任

周萬勝 浙江人供事 四十二年任

陳德孚 浙江人 四十九年二月到任

李宗原 四會人 四十四年任

李時雋 山東人舉人 四十九年三月到任

黃佐士 鶴山人 四十六年任

伍禮彬 四川金堂縣人捐職 四十九年八月到任

方天保 南海人 五十年任

沈治安 宛平人捐職同知 五十年十二月到任

張夢齡 鶴山拔貢 五十六年任

沈 霖 武進人舉人 五十二年八月到任

范 倉 羅定人 五十二年任

徐崇奎 安徽人 五十五年四月到任

冀元亨 山西拔貢 五十五年六月到任

胡湘蘭 江南舉人 五十六年四月到任

秦泰 金匱人捐職 五十六年十二月到任 謝東安 電白人 五十九年任

嘉慶 劉嘉穎 正黃旗漢軍舉人 三十年二月到任

秦泰 五年四月到任 馮植 樂會人 五年任

顧金聲 江南人捐職 廿年四月到任

彭之淳 南昌縣舉人 五年十二月到任

楊時行 雲南琅嶺井舉人 六年七月到任

傅孟修 福建安南縣進士 六年十一月到任 洪恩 連平人 七年任

李書吉 常熟縣人舉人 十年九月到任 金瑋 仁和人 十一年任

福蔭長 內務府正白旗進士 十二年四月到任 嵇南金 長寧人 十一年任 牛多隆 順天人 十二年任

鄭沼曾 廣西寧明州舉人 十三年七月到任

嚴暉吉 江西奉新縣進士 十五年三月到任 林蔚華 鎮平舉人 十五年任

吳昭望 大興人 十五年七月任

豐順縣志 卷十一

三

汕頭鑄字局梅縣分局承印

嚴暉吉 十五年十月到任

張大凱 六安州人舉人 十六年六月任

舒懋官 靖安縣進士 十七年八月任

彭先華 寧都人捐職 十八年七月任

孫有恆 鄧州人捐職 十八年十月任

舒懋官 十九年十一月到任

王奇雲 安福縣人捐職 二十一年三月任

袁礪金 彭澤縣人拔貢 二十一年三月任

王奇雲 二十二年七月到任

光道 方士俊 元年七月到任

王奇雲 元年八月到任 謝騰霄 番禺舉人 二年任

錢兆元 山陰人捐職 二年四月任 賴儒 三水舉人 十八年任

牛多隆 大興人捐職 二年七月任

陸瀚 桐鄉縣舉人 二年九月任

朱繡 直隸舉人 三年六月任

益謙 江蘇人 五十七年任

吳鍾玉 安陽縣人 十九年任 牛多隆 大興人 十九年任

劉煥 二十二年任 黃鼎 二十一年十一月任

張式玲 儀徵人 二十三年任 陳塘 二十四年設鹽墮司巡檢 是年三月由府稅課大使改任

吳志燾 浙江人 二十四年任 王思維 二十五年五月任

嚴自修 陽春貢生 二十三年任 鄭允升 元年任 徐秉恆 元年正月任

王奇雲 元年八月到任 謝騰霄 番禺舉人 二年任 傅耀宗 大興人 二年任

賴儒 三水舉人 十八年任 陳塘 錢塘縣人 二年任 劉祖授 海鹽人 三年正月任

顧光熊 大興人 二年任 崔檢 黃縣人 三年五月任

濮浩 山陰人 二年十二月任 聞人奎 山陰人 五年任

諸學宗 餘姚人 六年任

陸 瀚 三年十月回任

鄭步瀛 象山人 十一年正月任

嚴長官 雲都縣舉人 三年十一月任

胡三錫 山陰人 十一年三月任

劉登榜 山西平定州進士 四年二月任

章 銘 順天人 四年任

彭世鑑 廣濟人 十一年十月任

翁忠瀚 善化人舉人 五年三月任

錢伯承 山陰人十四年任
以上俱隸陞司

徐學海 五年七月任
九月卸任

吳志燾 仁和人 元年任

劉登榜 五年九月回任

鄭步瀛 象山人 五年任

鄒 亮 建昌縣人捐職 八年七月任

夏錦成 江蘇高淳人 十年任

劉登榜 七年五月回任

烏宣諭 南昌縣人 十年一月任

李 彬 山東費縣人捐職 十年七月任

胡三錫 山陰人 十年任

趙洪誥 十三年任

劉登榜 八年十月任

陳 賓 十六年任

唐 琳 湖南新會縣拔貢 十年八月任

蘇 勳 安徽石埭縣人 十七年任

丁日生 江南昭文副貢 十年九月任

陳 賓 十二年任

鄒 冕 漢陽人 十八年任

許 炳 蕭山縣進士 十三年六月任

錢伯承 山陰人 十三年任

商 澐 山陰人 十八年十一月任

何泉裕 大興人捐納 十五年七月任

蔣用中 順天人 十四年任

李毓瑞 廬黃旗漢軍人 十九年任

王榮棻 蓬萊縣人 十六年任

蔣用中 大興人 二十四年任

豐順縣志 卷十一

四

汕頭鑄字局梅縣分局承印

張式玲 儀徵人捐納 十八年七月任

張同掄 桐城人 二十四年六月任

許乃蕃 仁和縣人捐納 十八年八月任

袁潤業 昌平人 二十五年任

李廷鑾 安徽懷寧人 十八年八月任

壽長清 山陰人 二十五年任

陳發新 甘肅西寧舉人 十八年十一月任

呂國珍 歸化人 二十六年任

陳壽頤 江西玉山縣進士 十九年十月任

汪世甲 秀水人 二十八年任

李廷鑾 二十年七月回任

馮載慶 錢塘人 二十九年任

陳壽頤 二十年十月回任

段猷觀 光州人 二十九年任

裘愷齋 仁和人捐職 二十一年十一月任

陳 埤 大興人 二十三年任

孟 洙 山陰人 以上湯坑司

楊 昭 大興人 二十二年十二月任

錢 鐘 會稽人 十七年任

李廷鑾 二十二年回任

劉炳南 宛平人 十八年任

王 淮 山陰人捐納 二十五年十一月任

王 瀛 大興人 二十五年任

茹 蓮 宛平人 十九年任

張邦泰 江西泰和縣舉人 二十七年十月任

徐文元 大興人 二十八年任

盧廷揚 陽曲人 十九年任

蔣成璫 全州舉人 二十八年十一月任

陳明泰 海鹽人 二十八年任

周纘南 建安人 二十八年任

李文恒 江西德化縣舉人 二十九年七月任

馮載慶 錢塘人 二十九年任

王滌源 崇陽人 二十四年任

丁漢潭 貴州開州舉人 三十年九月任

姚廷樺 武進人 二十九年任

李振傑 普州大定舉人 三年六月任 金大鎔 婺源人 二年四月任 呂國珍 歸化人 三十年任 以上俱隸隨司

敖翊臣 四川舉人 三年六月任 王本和 榆林縣人 六年六月任 呂國珍 咸豐元年 三月回任

劉超 大興人 保舉 五年十二月任 壽長清 山陰人 七年二月任 周繼南 建寧縣人 元年四月任

喬家銑 丹徒縣舉人 九年九月任 李從吾 香山縣舉人 十年二月任 平成 山陰人 八年七月任 金大鎔 婺源人 元年四月任

倪澧 長興人 捐納 十一年二月任 秦廷榮 金匱人 九年十二月任 壽長清 五年正月回任

沈慈曾 桐鄉人 十一年十二月任 林心筠 福建長樂人 十一年正月任 徐文元 大興人 七年十月任

同治 查侃 海寧人 捐職 元年八月任 呂陳謨 南海舉人 二年九月任 林一鶴 蒼梧人 元年二月任 李鏡心 臨川人 八年十二月任

錢誦清 無錫人 附貢 四年十月任 董舉猷 三水舉人 二年九月任 鄒履亨 上杭人 元年九月任 黃應攀 漳平人 九年七月任

馮寶封 桐鄉縣人 捐納 六年八月任 李星輝 新會舉人 五年六月任 鄭錫珍 宛平人 三年十一月任 童國珍 上杭人 十年七月任

劉鳳階 蓮花廳人 八年十一月任 李柱蘭 龍門廩生 五年二月任 彭年 江西安義人 四年十二月任 林淵如 武平人 十一年五月任

張璫 甘肅古浪人 九年十一月任 李章壩 吳川附貢 六年正月任 楊華 濟源人 五年十二月任 林心筠 福建人 同治元年六月任

張振新 武陵人 保舉 十年二月任 區文龍 四會歲貢 七年四月任 孫錦文 大興人 七年九月任 余慶齡 義寧人 二年三月任

完繼美 昆明縣舉人 十一年三月任 楊儒 元十三年十一月回任 杜思聰 侯官人 九年十一月任 張燮鼎 山陰人 三年四月任

李洪毓 河陽人 捐納 十三年二月任 章宸文 烏程人 十年十二月任 黃元偕 會稽人 四年閏五月任

趙培蘭 山西崞縣舉人 二年八月任 司徒琳 開平拔貢 元年十二月兼 俞炳勳 山陰人 十二年三月任 姚壇 武進人 五年七月任

豐順縣志 卷十一 五 汕頭鑄字局梅縣分局承印

許普濟 廣州漢運進士 八年正月任 鄭元均 遂溪附貢 二年六月任 張啓年 湖南舉人 十二年十二月任 孫錦文 大興人 五年八月任

王承鑒 黃陂縣舉人 十年三月任 符緒 咸恩縣歲貢 三年九月任 戴嵩年 宛平人 十三年十一月任 桂芳 石塘人 十一年十月任

蔣定權 湖南安福人 附生 十一年七月任 司徒槐 恩平縣歲貢 六年七月任 黃頤 山陰人 元年十二月任 孫錦文 同任 十二年十一月

汪士儀 黃岡人 副榜 十二年二月任 趙樹藩 新寧舉人 七年七月任 周繼光 大興人 三年三月任 黃頤 山陰人 十三年八月任

鄧衍憲 江西武寧人 進士 十三年五月任 胡瑩 錢塘人 四年四月任 趙寶澍 山陰人 十三年十一月任

烏爾興額 滿州人 十四年七月任 俞昌齡 山陰人 四年七月任 史內榮 大興人 光緒元年任

鄧衍憲 十四年十一月回任 馮卓英 順德人 舉人 羅鑑 仁和人 五年閏三月任 夏敬賢 新建縣人 光緒二年六月任

王耀曾 候官縣進士 十八年任 陳錫光 大興人 六年四月任 顧來彰 長洲縣人 五年四月任

王壽民 浙江人 捐納 二十年七月代理 何增慶 海南舉人 劉興祥 龍南人 七年六月任 羅鑑 仁和人 六年四月任

鄧衍憲 二十年十一月回任 呂良庚 大興人 八年七月任 潘從政 饒平人 六年六月任

俞煥 二十二年四月任 冉灼文 松滋縣人 九年九月任 劉樹楠 南豐人 七年任

劉鈺德 河南拔貢 二十三年任 何錦城 蕭山人 十年十二月任 錢鐘 咸豐二年十月

林兆鏞 黃岡縣舉人 二十四年十月任 饒啓秀 同任 同繼南 三年十一月

朱益淮 蓮花廳舉人 二十七年十月任 俞文鏡 錢鐘 同任 五年十一月

萬雲翔 河南舉人 二十九年任 錢鐘 同任 五年十一月

單夢祥 山東黃縣進士
三十一年六月任

王道

程學基 南昌縣人
七年六月任

張泰 鑲向旗廣東駐防
宣統

徐璣

潘之駿 婺源人
八年八月任

單夢祥 三十四年十月回任

彭樹榮 新興人歲貢

俞文鏡

姚廷樺 九年八月回任

鄭受康 候官舉人
三年七月任

王毓蘭

俞炳勳 山陰人
十年三月任

孫澍 山陰人
十一年三月任

陳明泰 海鹽人
同治元年任

朱照 金華人
元年六月任

楊嗣昌 湖口縣人
元年十月任

楊維德 龍巖州人
二年二月任

黃應攀 漳州人
四年五月任

郭廷沛 天津人
七年十一月任

楊維德 五年十二月回任

鄭錫珍 宛平人
四年二月任

盛廷松 婁縣人
八年四月任

章宸文 烏程人
光緒元年任

豐順縣志 卷十一

六

汕頭鑄字局梅縣分局承印

羅鑑 仁和人
三年九月任

劉良輜 南豐人
四年七月任

張承先 山陰人
五年二月任

蕭廷錫 先後任十餘年

丁恩培 以上俱隸陞司光緒
迄宣統任十四年

民國

縣長

推事

檢察官

鄭受康 辛亥九月十七日反正改縣府為安民局
公推為正局長歷十日辭職

吳其瀚 南廂高田人受邑人公舉
呈奉革命軍司令部委任正局長歷十餘日辭職

丁國樑 湯坑人原任安民局副局長正局長辭職後代理
歷月餘奉廣東都督委任

張青萬 興寧人
元年任

湯池 廣州人
元年任專審員

王懋修 環清堡人
二年十月五日到任

王統 福建閩侯人
三年一月二十四日到任

劉發怡 廣西永福縣人
四年二月七日到任

陳作梅 潮安縣人
五年四月二十六日到任

岑學侶順德人 五年九月四日到任

李德益潮安縣人 六年一月一日到任

曾鴻翼 六年七月十九日到任

林熙疇曲江縣人 六年十月五日到任

沈耀堂柳州人 六年十二月六日到任

劉榮椿梅縣人 八年一月一日到任

曾仲宣梅縣人 八年九月二十九日到任

李鴻泰 九年一月六日到任

王盛昌 九年八月二十三日到任

鄧德馨大埔人 九年八月二十六日到任

張方彥興寧縣人 十年三月一日到任

朱瑞華 十年六月一日到任

張之瀚本縣人民選舉團委 十年十二月一日到任

鄭煜潮陽縣人 十二年三月九日到任

周震東 十二年四月九日到任

豐順縣志

卷十一

七

汕頭鑄字局梅縣分局承印

吳鴻湛本縣西廂人 十二年五月二十七日到任

吳尙德 十二年十月二十二日到任

潘元鐸 十三年三月一日到任

李毓藩揭陽縣人 十三年七月十三日到任

吳冠球本縣南廂人 十四年三月五日到任

王五良本縣環清人 十四年三月八日到任

杜石珊澄海縣人 十四年三月十八日到任

王五良 十四年七月七日到任

杜石珊 十四年八月一日復任

林壽荃 十四年九月一日到任

張佐君本縣人 十四年十月七日到任

陳庸本縣湯坑人 十四年十一月五日到任

郭淵谷 十四年十二月十一日到任

王正常 十五年五月十七日到任

高人森 十五年八月二十九日到任

黃偉卿 普寧縣人 十五年十一月二十五日任

羅虔英 本縣羅家約人 十六年五月十日任

李玉藻 十六年六月十一日任

林先立 澄海縣人 十七年任

張淑廉 東莞縣人 十七年七月任

馮熙周 十六年任

蔣瓊洲 廣西平樂縣人 十七年任

方乃斌 惠來縣人 十七年任

王家騏 本縣人 十八年任

何迺英 興寧縣人 十八年任

皮嗣襄 二十年一月三十一日任

陳耀寰 海豐縣人 二十年七月一日任

張我東 東莞縣人 二十年六月二十一日任

林 彬 揭陽縣人 二十二年九月十一日任
二十三年五月三十一日督修公路被匪狙擊殉職

梁國材 梅縣人 二十三年六月一日任

豐順縣志

卷十一

八

汕頭鑄字局梅縣分局承印

鄧潤康 三水人 二十四年任

張際清 五華縣人 二十五年九月任

羅克典 本縣羅家約人 二十七年十一月任

劉禹輪 大埔人 二十八年三月一日連任至今

案反正初遵照革命軍公佈軍令改縣署爲安民局設正副局長民國元年改稱縣知事十一年改稱

縣長至今仍之自十二年迄十八年爲粵省政治最紛亂時期軍人專政縣長任其更置尤以十六七

年間共匪擾亂全縣陷于無政府狀態故歷任年月無從詳攷若司法官吏因檔卷散更無可查惟元

年縣設專審員二年改爲幫審員四年改承審員十年五月設各縣分庭置推事檢察官各一員十三

年設地方巡迴推事十五年廢巡迴制改設分庭十六年改分庭爲地方法院五月仍設分庭謹裁其

沿革以備查攷

曾日揚 乾隆三年任

蔡 莒 乾隆四年任

陳 高 五年任

姚逢恩 六年任

楊 典 七年任

劉 崇 八年任

劉重任 九年任

曾 雄 十年任

邱聚彬 惠州府人 千總

鍾明亮 海陽縣人 外委

蔡 雄 海陽縣人 把總

方大科 海陽縣人 千總

劉明輝 惠州府人 千總

陳進光 海陽縣人 把總

李作霖 嘉應州人 千總

黃清榮 海陽縣人 外委

鄭福元 海陽縣人 把總

姚玉堃 海陽縣人 把總

藍國陞 海陽縣人 把總

許飛高 海陽縣人 把總

鄭英才 海陽縣人外委

羅龍光 興寧人把總

王錦陞 海陽縣人把總

邱步雲 海陽縣人把總

項林陞 海陽縣人外委

程振南 海陽縣人把總

林霽明 揭陽縣人把總

黃俊英 潮陽縣人千總

林 飽 揭陽人把總
十三年三月任

黃榮高 海陽縣人外委

許鴻謙 海陽縣人外委

林霽明 復任

蔡 菁 海陽縣人把總

黃榮光 海陽縣人把總
以下俱光緒任

吳 全 本縣人五品藍翎千總

許武昌 潮安人千總

張 橫 大埔人千總

王承恩 興寧人把總

林定國 潮安人千總

張鳳翔 大埔人千總

吳采南 本縣人把總

許武昌 潮安人

張偉臣

鄭億華 本縣人

李奮臣 梅縣人

大四頭汎城守營分防千把總

吳之淇 乾隆九年任

劉 崇 乾隆十年任

隴隍汎城守營分防千把總

邱元英 乾隆三年任

吳之淇 乾隆四年任

王 雄 五年任

陳 高 六年任

姚逢恩 七年任

楊 典 八年任

吳之淇 十年復任
十一年連任

邱雲龍 海陽縣人把總

鍾明亮 海陽人外委

廖得勝 海陽縣人把總

陳進光 海陽縣人把總

鄭英才 海陽人外委

羅龍光 興寧人外委

廖 科 海陽人外委

黃清榮 海陽人外委

林大英 海陽人外委

廖 科 回任

萬植雄 海陽人外委

蔡 菁 海陽人外委

藍國陞 海陽人外委

豐順縣志

卷十一

九

汕頭錦子局梅縣分局承印

黃清榮 復任

葉逢春 惠州府人千總

楊榮貴 嘉應人把總

林大進 海陽人外委
恩騎尉

林應高 海陽人把總

劉貽光 海陽人外委

許飛高 海陽人把總

黃榮清 再任

項林陞 海陽人外委

黃鵬高 海陽人外委

張德勝 海陽人把總

劉貽光 再任

黃鵬高 海陽人外委

李甫梅 海陽人外委

林銘勳 海陽人外委

方 乙 普寧人外委
以下俱光緒任

黃鵬高 再任

張 橫 大埔人千總

鄭億華 本縣人千總

李奮臣 本縣人把總

鄭億華 再任
本縣人

李鏡河 梅縣人千總

林失名 饒平人外委

鄭億華 本縣人三任

李 葵 大埔人外委

葉竹修

溫子庭 梅縣人

方 兌 普寧人

林定國 潮安人

店前汎左營分防千把總

李 淳 乾隆三年任

賴俊容 四年任

李 淳 五年任

薛 欽 六年任

李 淳 七年任

薛 欽 八年任

李 淳 九年任

薛 欽 十年任

湯坑汎中營貼防千把總

蔡雲龍 乾隆三年任

馮加勵 四年任

蔡雲龍 五年任

馮加勵 六年任

黃玉麟 七年任

劉 萬 八年任
九年連任

阮 宜 十年任

蔡本濤 海陽縣人外委

林增銘 海陽縣人把總

陳明泰 海陽縣人外委

李奮臣 梅縣人

貴人村汎中營貼防千把總

薛宜 乾隆三年任

劉萬 四年任

陳顯 五年任

林玉堂 六年任

阮宜 七年任

林玉堂 八年任

承鳴鼎 九年任

蔡元貴 十年任

筭箕坪汎中營貼防千把總

陳 乾隆三年任

林玉堂 四年任

阮宜 五年任

劉萬 六年任

翁振雄 七年任

蔡元貴 八年任

阮宜 九年任

林玉堂 十年任

案許志載自乾隆十年迄光緒十五年歷時已久各汛官年次多難稽攷俾就有案可查者列之當時貴人村筭箕坪大凹頭店前各汛均經先後裁撤故許志僅列縣城守及湯坑關隍二汛迨宣統三年反正城守湯隍二汛均無形廢除現已無案可稽僅就徵訪口碑所得補列關漏尙多先後任次未詳至洞脚汎設于乾隆末年朱阿羌亂後故葛志未列迄宣統三年反正始無形廢除許志亦未載職官姓名茲就徵訪所得補錄之

洞脚汎城守營分防把總

鄭億華 本縣人把總
光緒間任

李葵 大埔人外委

魏紹福 本縣人把總

吳采南 本縣人把總

鄭億華 官統間回任

張偉臣 漳多人

物產一

邑人李唐介丞甫編纂

五穀之屬

占穀種出占城故名湘山野錄宋真宗深念稼穡聞占城稻耐旱遣使以珍貨求其種得二十石此占稻入中國之始胡林翼言宋真宗求早稻入中國歲始二熟案占穀有白米赤米二種白米占又有烏早黃占白谷子三種皆早晚二熟惟早種與晚種不能互易播種又有久黃禾早季熟比較他種爲遲收赤脚早遲禾皆早造種收穫均比占種爲遲而收穫量比占種爲豐又有百日早八月黃二種收穫期比占種爲速故名青黃不接之際足以濟飢

大冬種歲一熟四月插蒔九月收穫山田最宜其收穫量可當兩造之數

山豬愁種晚造一熟其穀粒尖有刺長倍於粒山豬畏刺不吃深山多種之

埔禾畚禾種均宜旱地其米與占種同

糯穀有大糯小糯之分葛志作秬古今註稻之粘者爲秬蘇頌圖經謂秬爲粘黍案卽俗稱糯也邑人專用以釀酒製糕時地不同故異其名稱耳

紅殼糯亦名黑糯其穀米皆紅造酒不用麴邑人專用以釀酒

粟有蘆粟鴨脚粟狗尾粟三種皆以其形似名之俱種旱地說文粟稱嘉穀爾雅翼曰穀之最細而圓者

豐順縣志

卷十二

物產

一

汕頭鐫字局梅縣分局承印

爲粟 案蘆粟卽高粱粟鴨脚粟其苗似禾其穗如鴨掌其實圓而細春種夏收五十日可食爲穀類中成熟之最速者狗尾粟穗圓長如狗尾亦名黃粟珍珠船云楚人謂之稷關中謂之糜今潮俗名曰滯子

麥有大麥小麥蕎麥三種俱於冬十月收穫後種之爾雅翼所謂繼絕續乏之穀也唐時嶺南小宜麥今

邑屬所種多小麥而少大麥蕎麥有白花紅花二種紅花苗矮小白花高可二三尺葉皆三角形邑俗通稱三角麥其穗成熟皆黑色作粉餌食滑勝於粟村農歷驗者言白花種若於月初播種其下橫莖皆實中旬播種則實其半若月杪播種僅上部結實而已新墾之田尤宜種蕎麥

玉蜀黍有紅黃米二種桂省名包穀均宜旱地黃米可作飯食廣西邊關各縣多食包穀飯搗碎煮熟臘視之與米飯無異

菽俗呼曰豆種類最多曰黃豆卽大豆謝綽拾遺淮南王安傳豆腐之術於世製成方塊晒乾者名豆干曰黑豆俗呼烏豆可以製豉說文豉配鹽幽菽也言以鹽配黑豆幽於甕中其汁曰豉汁其豆曰豆豉爲調和五味之品曰綠豆本草味甘性寒服之解毒邑俗以水沃之或以砂掩數日發芽可作蔬食俗呼豆芽菜

長筴豆亦名豆角筴長尺許有紅白二色農家皆種之若蒸熟晒乾以鹽水浸之其味尤甘香其葉可食和紅莧烹食尤佳

扁豆亦名蛾眉豆形如新月可入藥除濕

刀豆俗呼刀扁豆每筴有大至一斤者醃食較佳西陽雜俎樂浪有挾劍豆筴橫生如人挾劍案卽刀豆也

樹豆木本高四五尺去筴取仁味微苦而香能解毒小兒食之可免瘡癰

荷蘭豆俗呼河南豆筴碧色味甘蔬中佳品葉鬚皆可入饌穀譜名小寒豆相傳其種來自番舶故名胡豆亦名蠶豆邑屬因提倡冬耕近年始盛行栽種其種皆購自鄰縣

慧苡亦名慧米叢生高四五尺其米服之可除濕後漢書馬援自交趾返載慧苡於後車譜者以爲明珠以其米粒圓如珠耳

芝蔴有白黑兩種俗呼蔴子炒熟尤香張騫使西域至大宛得其種植中國故原名胡蔴石勒諱胡字乃改名芝蔴

蔬菜之屬

芥菜有大葉杆植二種蠻溪叢話苗獠地方產馬王菜相傳楚王馬殷所遣桂志以爲卽大芥嶺南異物志南十芥高五六尺子大如雞卵廣州人以巨芥爲鹹菹埋地中有三十年者貴尙親賓以相餉嶺南錄異北人將蔓菁就彼種之則爲芥案此與異物志均誤以菁蕪爲芥菁蕪卽蔓菁有頭如薯取其頭以鹽醃之久藏卽今廣州市所售之芥渣頭非芥菜也嘉應州志芥菜至冬月砍取掛置數日以鹽擦

豐順縣志

卷十一

物產

一一

汕頭鑄字局梅縣分局承印

之曰水鹹菜晒乾曰乾鹹菜藏之十餘年謂之老鹹菜在廣肇間呼爲梅菜邑俗亦以芥菜醃鹽爲齏終年入饌詩曰我有旨蓄亦以御冬范仲淹讀書僧舍畫粥早晚取二塊齏數十數莖啖之齏與旨蓄均鹹芥菜之別名與異物志所稱鹹菹實同爲一物晒乾後久藏於甕卽梅菜芥渣頭之製亦同

芥藍俗呼芥蘭嶺南雜記芥藍甘辛如芥葉藍色鍊之能出鉛不宜多食

蔥有大小兩種大蔥俗稱四季蔥案卽北蔥唐本草所稱漢蔥者是小蔥亦名食蔥唐本草云凍蔥最善經冬不死氣味亦佳案卽食蔥也

韭俗呼韭菜說文一種而久者故謂之韭纂要一剪一加糞一歲不過五剪花尤佳郭林宗自冒雨剪韭是也邑俗砂地種韭歲不止五剪菜市韭花亦貴於韭葉

蒜有硬骨軟骨之別張騫使西域得之故亦名胡蒜其本白蒜頭風乾可經久以鹽或糖醃爲菹味尤佳芹古名楚葵宜水邊溫地魯頌言采其芹箋云芹水菜也故凡種於旱地者其味獨苦

莧有青色紫色二種埤雅云莧之莖葉皆高大易見故字從見有紫莧有赤莧邑人并種之以佐餐方書不宜與鼈同食以莧爲鼈之返丹云惟馬齒莧不種而蔓生於野其葉上青下紫食之可除瘡毒

蘿蔔有紅白二種紅曰菁蕪其本圓白曰蘿蔔本長者潮俗呼爲菜頭邑人所種皆白蘿蔔多切片晒乾擦鹽久藏者曰蘿蔔乾能消食諸葛武侯屯軍處卽令軍士選種亦號諸葛菜

蘿菜俗呼蕪菜有水蘿旱蘿二種遜齋閒覽蘿菜出東夷古倫國番船以蕪盛歸故名南方草木狀蘿菜

如落葵而小料冷味甘南人編葦爲筏作小孔浮水上種子於水中則如萍根浮水面及長莖葉皆出於葦筏孔中隨水上下南方之奇蔬云潮俗多蒔水蘆所蒔皆在水塘中邑俗皆種旱蔬

茼蒿俗呼茼蒿科本草綱目形氣同於蓬蒿葉似艾花如單瓣菊一花結子近百成球八九月種冬春可食

茴香有大茴小茴二種大茴高尺許小茴高二三尺皆網狀葉形小如絲開花黃色結實黑而味辛香

菘俗呼白菜通雅白菜即晚菘宜砂地易泥地多變種邑俗所種如黃芽白青葉白莖者是別有柄厚而

葉青者亦呼白菜皆菘之屬也

葵菜俗呼其頭菜其即葵之轉音其葉圓而尖其味甘滑可口

茄俗呼吊菜以其子倒吊而結也有白色紫色紺紅色之別山谷詩君家水茄白銀色即白茄也隋煬帝

稱崑崙茄即紺紅色茄也

蕪俗呼藟子形似韭而長本草蕪江南呼爲藟子藟讀翹杜詩東北青藟色員齊玉筋頭衰年關格冷服

食更無憂言其性溫也

筍有貓筍麻筍筆竹筍筠竹筍泥竹筍九筍皆屬春夏出土者尤以麻竹筍筆竹筍爲佳冬月出土者曰

冬筍惟貓竹有之世稱冬筍美味勝似閩浙所產久爲世所重案筍爾雅謂之竹萌說文謂之竹胎唐

人食筍詩稚子脫錦綳駢頭玉香滑稚子即筍吳都賦苞筍抽節劉淵註苞筍冬筍也邑屬慣於採冬

筍者視竹尾所垂方向凡地面有裂痕處掘之即得云

豐順縣志

卷十一

物產

二

汕頭鎮字局梅縣分局承印

蕪野生山谷中色多紫形如拳邑山農皆采以療飢爾雅周秦曰蕪齊魯曰繁狀如雀足之拳又如人足之蹶詩曰言采其蕪是也

菠稜俗呼菠菜亦名飛龍菜根赤色葉多凹凸唐太宗時尼波羅國獻菠稜菜莖紅藍實如蕪葵火熟之能益食味邑人稱菠菜本此

胡葵邑俗呼園香亦稱園鬚根葉柔細其根多鬚故云博物志張騫使西域得胡葵種鄴中記石勒改胡

葵爲香葵其種實出自西域

菰有雞菰香菰竹菰草菰之別皆味甘可口雞菰皆野生尤甜美草菰用稻草栽植香菰用赤園樹栽種

竹菰多生枯竹叢地面舟車聞見錄南人謂菰爲草豫章嶺南又謂之菰案木生爲草土生爲菰邑人

則統稱爲菰又有呼香菰爲香信者據樂昌縣種菰山民言凡菰初生半開即摘者爲金錢菰亦稱重

陽花菰值價最高其次曰冬菰若菰全開如傘稱香信則價最低生食較晒乾則香甜異味邑村民稱

凡菰正中起頂色白者皆可食若中窩有彩色者皆有毒誤食每致病殺人

芋有紅禾早檳榔芋雞麻芋大芋之別葉苗有大小其形皆如荷惟雞麻芋專植山峯結子纍纍故俗呼

雞麻帶子芋譜大者謂之芋頭旁生小者謂之芋嫺邑俗稱呼亦同芋嫺亦呼芋卵史記岷山之沃野

下有蹲鴟至死不飢注芋魁狀如鴟之蹲坐也屈大均新語芋大者魁小者奶奶贅魁案魁即芋頭奶

即芋卵

薯有番薯本薯白薯紅薯馬鈴薯根子薯三年薯命子薯葛薯諸種皆農村雜糧非但蔬食也番薯亦有紅白肉之別屈大均新語番薯近自呂宋來植最易生葉可肥猪根可釀酒邑農家皆歲收番薯數十担爲糧極少以釀酒者尤以環清鄉產黃瓜番薯爲最佳本薯亦有白苗紅苗之別紅苗來自南洋麻六甲結薯倍於白苗作粉可製糕餅抗戰後洋米斷絕入口邑人皆墾荒植木薯爲糧多至千萬株白紅薯以肉色爲名一株可結二三十斤根子薯味最香美凡竹山多植之馬鈴薯不畏霜雪冬耕最宜亦名荷蘭薯其種初來自荷蘭西餐多以入饌三年薯種後三年乃掘每莖有大至二三十斤者味尤香美可口命十薯同勻似荷蘭薯惟藤本蔓延莖節亦能結實而小如指可供而植之種葛薯俗稱番葛生食與熟食均宜

薑有竹薑肉薑南薑沙薑四種味皆辛辣供庖烹之用孔子所謂不撤薑食者也竹肉沙三種皆一年生植物爲利最溥故邑人有畜羊種薑利息難當之諺沙薑晒乾專運銷外洋惟湯坑產之南薑苗高二三尺種後三四年乃掘之每株可得六七斤肉黃溫胃爲用亦廣

辣椒本草謂之食茱萸其實多子詩椒聊之實蕃衍盈升是也初生色綠熟久則紅如火齊可用爲醬湘贛人尤酷嗜之庾信小園賦椒麥兩獲即此

苦瓜詩曰有敦瓜苦是也廣東新語苦瓜一名苦蓬一名君子菜其味甚苦然雜他物資之他物弗苦自苦而不苦人有君子之德焉

豐順縣志

卷十一

物產

四

汕頭鑄字局梅縣分局承印

絲瓜俗呼絮瓜因瓜瓢有絲如絮故名草木記一名大羅絮又名瓜瓜俗以瓜老取其絮布爲拭物之用呼爲絮瓜布

南瓜種出南番葉大如荷結實圓如西瓜而大倍徙老變黃色其肉亦黃身有稜經霜可久留一瓜有重至二三十斤者俗呼爲王瓜蓋瓜中之最大者疑月令王瓜卽此

田瓜俗呼節瓜五月大熟村農田圃多種之大如西瓜一株可結三四實貧家藉以充飢黃瓜俗呼吊瓜長七八寸老變黃色生熟皆可食

冬瓜青皮白肉大而長形如枕故俗呼枕頭瓜

西瓜皮青肉紅生食味甘以消暑宜魏文帝與吳季重書浮甘瓜於寒水案卽西瓜也

木瓜樹高可逾丈結實有樹纒然而味甘可入饌以鹽或糖漬之亦佳品也

瓠匏身雖長而瘦上曰瓠短頸大腹曰匏邑俗每以其老剖爲二片挖去其瓢空其中以爲取水之器莊子魏王貽我大瓠之種我樹之成而實五石剖之以爲瓠者是瓠匏皆可食孔子曰吾杞瓠瓜也哉焉能繫而不食邑人以匏爲蔬呼芋瓠則誤以瓠爲瓠矣

苦蕒香蕒格物論蒿苳菜有白苳紫苳苦苳案苳苦蕒莖有白汁如乳其味苦邑俗貧民多以代餐謂可療飢香蕒其葉淡青白紫二種卽格物論之白苳紫苳也因其味香故統呼香蕒蕒音竟邑語讀脉音其莖可高三尺許斫而漂之可作蔬食

苦菜俗呼苦栽案栽即菜之轉野生山澗中葉有凹凸莖赤色可食詩采苦采苦首陽之下注苦菜也生山田及澤中得霜甘脆而美是也

果之屬

枇杷一名盧橘邑屬隴陰產最佳獨核有密味已熟變黃冬十月開花三四月熟宋人詩摘盡枇杷一樹金清初人詩盧橘花開楓葉稀皆是也

柰邑屬隴陰產最著名羣芳譜柰與林檎一類而二種樹與葉皆似林檎而實稍大邑屬有柰而無林檎柿本草滑大腸晒乾清肺熱皆有核邑屬惟龍溪塘腹產者無核

荔枝種類頗多趙佗嘗以獻漢高稱葡萄宮錦其品甚多邑屬所產止有黑葉桂枝荷包數種而已龍眼一名荔枝似荔枝而小味亦不及邑屬隨在有之尤以隴陰爲多

梨邑產有赤沙青皮二種以青皮種爲佳大埔白侯有包生梨種出浙江實大如碗清甜而爽李愚恍移植小盤谷其味不變並贈余一株植於卷園美種也

橄欖有白欖烏欖二種白欖味先澀後甘故有諫果之稱隴陰產頗多烏欖近年始自揭陽移植數千株葡萄種出西域其實味酸邑人多種以蔽日視張裕公司廣種以釀酒者其種有別

柚有紅肉白肉之分邑人兼種之釋名櫟爾雅作柚條唐稱壺柑皮厚色香耐久可留容縣沙田柚種多經移植其味亦較尋常爲佳

豐順縣志

卷十一

物產

五

汕頭鑄字局梅縣分局承印

柑有雪柑蜜桶柑之別雪柑隨處有之蜜桶柑以隴陰產爲佳

橘有金橘珠橘公孫橘獅頭橘月橘山橘之別山橘野生山谷中俗呼山柑月橘多盆栽經年開花結實不斷獅頭橘不可食供玩賞而已

橙大如柑其香在皮蘇軾詩所謂手香新喜綠橙槎者也搗碎配糖晒而藏之謂之橙糖製糕餅加少許其味清香異常隴陰各鄉多種之

佛手柑俗呼五爪香瓣狀如人手多指而瓣紋色金黃而香可入藥物王遵坦詩斷此黃金體施於祇樹林味向駢枝悟香茫反覆尋即佛手柑也

香櫞俗呼番薯櫞皮青已熟變黃形如木瓜可漬糖作香櫞片

羊桃南方草木狀謂之五斂子南人呼稜爲斂其實出枝上味甜者少酸者多東坡詩恣傾白蜜收五稜五稜卽羊桃也

蕉俗呼牙蕉有弓蕉麥蕉龍牙蕉之別食之可免喉疾麥蕉味酸弓蕉味甜龍牙蕉惟湯坑有之其種傳自馬來島味勝弓蕉漢平南粵郊荔支宮實奇草異木有甘蕉二本蕉產南方是漢時已有之

桃李二果邑多有之桃有白飯桃烏喙桃寸桃之別李有朱李黃柑李烏李子之名各以其形色名之史記李廣傳諺曰桃李不言下自成蹊言桃李爲人所愛好也

黃皮果虞衡志謂之小蜜廣東新語狀如金彈六月熟其味酸甘似葡萄可消食順氣除暑熱與荔枝並

進荔支饗飲以黃皮解之謔曰飢食荔支飽食黃皮案南甯以果作醬名黃皮醬味佳甚著名
拔子廣州呼爲雞矢果性溫味甘小兒食之去疳止洩普通名番石榴

楊梅有紅白之別果譜謂顆大核細者爲上王維詩稚子摘楊梅李白詩楊梅爲君設其爲世所喜久矣
枳椇子俗呼吉九子其形結曲亦名萬字果本草綱目蜀人之稱桔枸滇人之稱雞橘廣人之稱結留方
言異也其性能解酒

波羅俗呼番梨其種來自馬來島故名草木叢生結實大如柚而長熟則紅赤韓江岸下游多植之馬來
半島尤盛用製罐頭運銷歐美

落花生俗呼番豆湯坑產最多用以榨油近有樹子番豆種自外洋傳來結實雖較繁香味不及蔓生舊
種屈大均贊云爰有奇寶實自沙中出以花爲媒不以花爲胎花生於蔓子結於莢香如松子一簇數
枚和中煖胃乃豆之魁

當梨野生山中三四月開花八九月熟味甜汁如血大業拾遺記廣東新語俱謂之倒捻子揭陽志名曰
逃軍娘蘇子瞻曰海漆以其得乙木之液凝而爲血可補人之血與漆同功故名邑屬古有八月半當
梨熟一半九月九當梨好做酒之謔然今無以之釀酒者

桑椹俗呼桑子樹高可二三丈結實初紅熟則黑兒童野鳥皆喜食之詩吁嗟鳩兮無食桑椹是也

羊矢鳳樹高四五丈野生森林中結實如羊矢生硬熟軟牛摘以穀壳覆之數日即熟廣東新語曰羊矢

豐順縣志

卷十一

物產

六

汕頭鑄字局梅縣分局承印

子一曰羊矢如石蓮而小色青味甘案邑屬森林中有與羊矢鳳同種類而大如橄欖者俗呼冬桃子
其色青味甘與羊矢同阮通志冬桃似橄欖而圓其味甘酸云

圓子形如石蓮而小去壳而食味甘香廣東新語名員子多生則歲歉云其樹亦野生高四五丈樹肉皆
赤色故俗呼爲赤圓樹南雄各縣種香菰者即此樹也

石榴果譜所列有數種均以多子稱惟官榴最大羣芳譜有名盒尻一種其重臺者開花而不結實案邑
學宮舊曾種此其花艷麗異常

甘蔗有竹蔗蠟蔗黑蔗三種竹蔗專以榨糖湯坑產最多蠟蔗僅可啖通雅甘蔗亦曰暑蔗黑蔗與甘蔗
同惟皮黑而已

竹節子野生山谷中阮通志雷州名山竹子形大如枇杷皮厚多脂沾物如漆味甘酸核有十字拆每字
四核即此案馬來島有山竹子大如柿去壳食仁味甘而甜故有山竹出番婦隨山碌之謔與雷州名
同而實異

木之屬

茶有黃細茶鳳凰茶山茶之別黃細茶高二三尺邑屬馬圖大田內山布心南坑各鄉產最多以大田之
鶴冠嶂產爲佳鳳凰茶亦名水仙又稱鳥喙茶樹高一二丈大者盈尺其葉大黃茶一二倍官溪鄉產
多運出口銷南洋山茶高三四尺其味苦性寒涼俱以穀雨前摘者爲良

杉常綠喬木爾雅曰披針形昂曰俗作杉塹惟木紋細密如羅有羅錦之稱邑產皆有層輪可辨其歷年之多寡大田龍華沙田產爲多惟白嬌者不及青嬌之堅實屈大均謂粵東少杉杉秧多來自豫章邑屬截取杉苗爲秧樹之即牛非難致也

松邑屬到處遍植成林松針俗呼松毛多運銷楓溪爲窰窰燃料其幹則燒成炭或砍柴運銷下游各邑爲燃料歲輸出數百萬担爲農村經濟之基本活力

檀其葉似榕常綠喬木十餘年可砍一次爲柴炭既伐復生初伐萌二三枝再伐則萌四五枝以視松木伐後必重樹者有一勞永逸之利其實亦較松爲耐燃售價亦較高詩坎坎伐檀兮置之河之干兮不啻爲邑屬現況詠也

柯常綠喬木專爲柴炭以作燃料與檀木同爲一樹之後不需再樹者惟復萌新枝不及檀木之多廣州志柯木出廣南山谷間波斯家用爲船舫者此也

樟有大葉細葉之別大葉者理紋多粗不及細葉者之縝密然皆可製器用供雕刻其枝葉根幹可製樟腦植物學所謂樟科者也

楓落葉喬木南方草木狀名楓香樹案楓脂極香俗稱爲楓樹仁草木狀云楓木久而生瘤瘿謂之楓人今楓樹高四五丈者皆多瘤瘿

苦楝樹落葉喬木種最易生二三月開花其實可食其木材可製器用東華雜錄花信風梅花風最先棟

豐順縣志

卷十一

物產

七

汕頭鑄字局梅縣分局承印

花風最後編者詩有棟花如雨落盈衣之句

烏柏落木喬木邑俗呼柏樹鄭樵通志烏柏即柅柳案柏柳同音結子可榨油製燭烏鴉最喜啄食其子故有烏柏之稱

榕常綠喬木柳亭詩話有大葉細葉二種細者着地遇水即生亦異品也南方草木狀一大株有根四五處而橫枝及鄰樹即連理云具見榕之生理豐富邑屬宮廟多植之亦夏松殷柏也

漆樹落葉喬木枝幹葉皆多汁南越志綏寧白水山多漆樹高十餘丈刻漆常上樹端鷄鳴日出之始便刻之則有所得過此時陰氣淪陽氣升則無所獲也莊子嘗爲漆園吏邑屬多野生大漆樹迄無割取之者

相思子野生森林中邑屬黃花村多有之樹高丈餘其葉似槐其實似扁豆其仁如小豆深紅色俗呼赤子案即紅豆本草綱目嶺南人以嵌首飾今村女兒亦有以線穿作女環者唐人相思子詩紅豆生南国春來發幾枝勸君休採擷此物最相思相思子爲紅豆之別名本此錢牧齋案室伴柳如是而居故名紅豆山莊亦寓長相思之意

欖常綠喬木高二三丈幹如圓柱無枝條葉似蒲葵有皮重重包裹每皮一匝爲一節農家取其皮爲雨衣謂之欖篋衣省文同棕案即植物學欖欖科掌狀葉植物也

桐有油桐沙桐之別皆落葉喬木油桐二三月開花冬十月摘其實以榨油其種有名三年桐樹之三年

後卽實經十餘年多枯若百年桐結實較遲而耐久其榨油亦比三年桐爲佳售價較高其木可作琴材炊具枚乘七發龍門之桐百尺無枝卽千年桐也沙桐開花大油桐數倍但其木生則脆乾則斧斤難入質輕異常木製箱篋門扇最佳俗呼爲沙桐石

梧邑屬閒軒別館樹之俗呼梧桐埤雅梧桐知日月正閏其樹生十二葉則知無閏生十三葉從下數起每葉爲一月視葉小者則知閏何月又金井梧桐立秋日必落一葉今似不盡然矣

木棉落葉喬木高四五丈故名英雄花正二月開花結實老而有絮如綿寰宇記一實得綿數兩冬夏花而不實邑屬一實僅得綿數分冬夏從不見花

鴨脚樹通志云出番禺新會色白性柔韌可作繖托邑屬野生極多農家采其葉作綠肥其木材多棄而不取

鐵力木俗呼鐵梨木野生爲多無栽者常綠喬木也其質堅硬多不採用嶠南瑣記鐵力木僅可百餘年案羊食其葉多腹脹而死

黃牛梨高二三丈多野生山谷中少樹之者其木理紋縝密尤勝樟木用以製牀椅不亞於舶來柚木柚木本熱帶植物編者常自日里携其子試栽小二年高已數尺其葉大七八寸長尺餘成長極速邑屬土宜可廣樹之明甚

紫椴常綠喬木清異錄名櫟木其實小如當梨熟則黑汁如血可食其木膚紋理赤色邑人多取其木作

豐順縣志

卷十一

物產

八

汕頭鑄字局梅縣分局承印

窗

櫺質甚堅

稠有大葉竹葉之別俱常綠喬木質堅強專用作船槳鋤柄入水則定而不搖濕不能滲也沙田鄉多產之

白柯槁葉大如掌高可二三丈木質類樟而香凡製桔槔車扇必取其材以其削成薄板而韌性獨強也產邑之北鄙

赤膠常綠喬木幹直葉長木理縝密而堅凡秤杆擔杆必取其材爲之產邑之北鄙

馬陸葉與臺灣相思無別常綠喬木也邑屬所在有之

苞衣常綠喬木葉似栗結子比石蓮稍大春下土卽生成長最速尤宜於石山造林根株所及皆萌發成林質不甚堅祇供伐爲薪炭而已

布驚落葉灌木邑俗每於春初摘其芽晒爲茶呼布驚茶能化氣解暑其子大如粟粒沖以代茶能止渴解暑有葉托對生之一種名雙托布驚合猪肉烹食能治偏枯病遠行足軟隨取其葉擦之卽愈貧民多採其嫩葉湯熱浸溪流去其辛味烹以代餐嶺南雜記名驚蚊樹案汕頭製塔蚊香者皆取其葉搗碎配除虫菊爲之屈大均稱爲步驚謂其花尤香步行遇之往往驚爲蘭蕙故名仙根鍾氏謂卽本草

蔓荊子

山蒼落葉樹高可丈許枝葉皆辛辣貧民多採其葉曬乾搗爲粉調餌以代餐其枝材煮水浴之可祛風濕近有取其枝葉製油者名山蒼油治風寒軟痛甚效云

帽頭青葉類布驚稍大其色青藍高四五尺貧民多取其葉代餐案邑屬山居之民每遇青黃不接皆以木葉草棉充飢木葉如山蒼布驚赤蔽帽頭青之類草根如土茯苓頭苦栽苦蕒之類皆其食糧抗戰之三載洋米斷絕入口村民亦相率入山採掘日皆荷鋤負篋而往連羣結隊以致萬山皆空凡此慘象牧民者又烏從而知之故著錄於此

泡皮樹亦稱泡樹有葉上生葉之特徵取其皮搗之有如絲麻柔韌有餘造舟者用以塞其板罅再以油灰塗之舟人亦嘗蓄之以塞漏舟獵者用火藥槍必取其皮以揉索謂之火索因拌之則火星耐燃而藥易爆發也產山谷中爲用殊廣

蔡皮樹幹直少橫枝高七八尺剝其皮括之與麻皮無異柔韌尤勝於麻農家皆取以紉索其纖維細而柔

石光常綠喬木其質堅硬異常木易生而難長凡蔗校百磨接笋之木料必取其材用製窗櫺尤佳若伐爲薪售價比檀栲皆倍之

竹之屬

貓竹俗呼貓兒竹羣芳譜謂之茅竹事物紺珠又名貓頭竹其根類貓頭又名潭竹大莖細葉邑屬有大盈

豐順縣志

卷十一

物產

九

汕頭鑄字局梅縣分局承印

尺高三四丈者用爲織罈製椅棹之良材

筆竹葉莖類貓竹而莖小高丈許其根多露地面稱露筋竹潮州府志名桂竹石介詩冷露偏留筆竹叢是桂竹不如筆竹之稱爲古也若山經註云簞竹大圍二尺邑屬有大筆竹之一種亦無此圍徑矣

石竹俗呼勁頭黃竹其質堅勁逾木中空比任何竹爲小邑人削尖以作械鬥武器以火煨其尖之一部其銳利如鐵槍俗稱爲竹篙槍南方草木狀所謂削切割象皮如刀者此也

菜竹種於山者俗稱蠟皮因其莖皮色變黃售價較高故名邑屬沿韓江十里之地山皆種竹歲輸出意溪集數分銷下游各地達六七十萬元

茭竹俗呼坭竹邑屬沿江及產溪低窪地皆植之以其不忌水浸也歲輸意溪亦十餘萬元專用以削香枝故意溪通稱爲香枝竹

青皮竹皮色深青高三丈許質最柔軟用以織燈籠篋爲最多值亦最貴以產溪出者爲良亦菜竹之一種也

烏毛竹莖葉均有毛皮色帶黑不似他竹之光澤專用以織貨筐

大簞竹葉莖與筆竹同惟質較柔韌節長亦倍之大逾三四倍高二三丈皮色青光用爲橋槓最良爲貓竹所不及

蔴竹葉大於他竹數倍有高二三丈者農家皆爲取筍而種非爲竹也歲皆施肥育之故其筍一莖有大

至六七斤者味甜美夏季之佳蔬也南方草木狀曰思摩竹阮通志本之案思摩卽麻之轉音名異而實則同若太平御覽曰沙麻竹嶺表錄異曰沙摩竹原同爲麻竹之名阮通志據此復於思摩竹之下另列舉沙麻竹一條則是以一物爲二矣皆由未習知竹類但據舊籍所云抄襲故耳抑知著者未必能習見竹之種類若但憑徵訪所得爲之記述則同一物名因方言不同自不免有思摩思麻紛岐錯出之異御覽又據南越志削以爲弓之說則相去益遠不知麻竹質最纖疎而脆爲製器者所不取烏足爲弓又廣州記石麻之竹勁而利削爲刀可切象皮明以石竹麻竹混爲一談其爲耳食而未目見可知若以一麻竹別思摩沙麻爲二物又何異以石麻混爲一物耶

笏竹枝幹每節皆有勁刺亦名棘竹大者圍徑逾尺高四五丈邑人每取以編筏爲橋多種可作圍牆嶺外代答笏竹其上生棘南人謂刺爲笏亦作籬種茂密之極久則堅甚天中記新州石城險隘宋紹興中州守黃濟植笏竹圍繞之竹有刺芒棘森然羔豚不能入案光緒初海陽之楓洋古巷二鄉械鬥十餘年中有以笏竹負固者潮鎮方耀攻之不拔乃計以銀箔作彈射擊竹圍枝葉皆白遂撤兵去圍內居利民其爲銀盡砍其竹取之既而大兵猝至大破之

鳳尾竹俗呼鸞竹大可盈尺高二三丈色黃秀美狀似貓竹凡船需風帆竹皆用其材肇慶府志鳳尾竹出封川笋大肥美爲諸笋冠案鳳尾竹筍初出土與笏竹筍無異其大不及笏竹邑屬沿韓江岸多有之其筍與笏竹笋均可食然必先熟而醃之去其苦味乃可入饌

豐順縣志

卷十一

物產

十

汕頭錫字局梅縣分局承印

高南竹高不及丈大止寸許葉生枝頭狀若成朵者秀美異常園林中多植之邑屬舊惟隴隍球山品芳園有之今畫家所繪卽此竹也

黃竹皮色深黃有青紋間之增其美觀潮州府志名界金竹卽此高丈許大二三寸供玩賞而已其材無所用小槌專員公署洋花廳前有之開平志稱爲黃皮竹

壺盧竹形似筆竹每節皆穹窿突起作壺盧形高七八尺其筍尤甘美可口邑屬惟風吹磔葦民村有之筆竹卽箭竹俗呼筆管竹邑北鄙村民砍作筆管以五百枝結束爲一球售於筆舖肇慶府志筆竹出高明新興山中輕堅不蠹勝於斑管邑屬亦產此

箬竹俗呼葉子竹野生山中高二三尺莖小而葉大邑北鄙村民終年採其葉以爲生晒乾結束成把謂之葉脯運銷潮汕爲船篷雨笠糖簍材料其利甚溥

筠竹大如指高四五尺其筍味甘可入饌俗呼筠竹筍產北溪山中

蒸子竹野生谷中高不及丈大如指邑人砍而搥破之浸久晒乾用以代明陶詩所云荆薪代明燭者今以蒸爲之

觀音竹莖小如箸高尺許盆栽以供玩賞兩航雜錄雁山五珍有觀音竹形小葉長翠潤奪目植岩石上終冬不凋者是也

簕子竹生溪澗中高五六尺葉綠莖而生無枝大者如指皮有紋脉邑人吹銅笛者所用之竹簕卽取其

莖之嫩者晒乾所製

芒竹產山谷間高三四尺葉大類箬竹惟葉托過大不及箬竹葉之適用也吐花如蘆而色褐長尺餘柔軟耐久采而爲掃供拂拭尤雅觀俗呼爲芒花掃

花之屬

蘭種類最多邑屬所種佳種爲大青蘭葉大而柔青潤異常次爲喜蘭葉比大青爲小亦柔軟花皆素心有箭蘭葉性剛而不柔草蘭生山洞中采供盆栽葉長逾尺花類墨蘭有斑點編者詩云芝蘭雖野草歲能久長高人種幽宅冷然自孤芳凡蘭皆野生移植久其種自變爲佳品

雞爪蘭叢生類茉莉葉亦似之開花疊疊如串珠其香如蘭花譜名珍珠蘭一名魚子蘭蓓蕾如珠花成穗香甚濃葉能斷腸卽此

白玉蘭樹高二三丈葉大如掌花香尤濃烈邑屬所在多植之

賀春蘭俗呼報春蘭及春開花淡紅色葉柔軟類玉簪廣州府志名賀春蘭

掛蘭葉似喜蒲而勁邑俗以鐵線筐栽之懸掛壁間或樹枝自然暢茂阮通志謂之吊蘭

倒吊蘭莖葉皆淡青色嫩而脆折取二三寸許以線繫之懸簾戶間自然生長開花故名黃通志名龍蘭

奇卉也爲取于根與芽其葉如蜷屈曲生花似蘭懸簾前迴翔風日挺然自生潮州府志揭陽大埔及

普甯豐順山中產掛蘭卽廣州風蘭云案龍蘭風蘭掛蘭卽邑俗稱爲倒吊蘭也

豐順縣志

卷十一

物產

十一

汕頭總字局梅縣分局承印

鷹爪蘭俗呼朱古蘭叢生山洞中葉大類石蒜有平行脉花長寸許五入瓣中含淡紅色花莖高二二尺

村民采供盆栽亦稱石蘭花郝迪志鷹爪蘭枝帶如鷹爪六瓣兩臺異種也潮州府志大埔及普甯豐

順山中另有籐本花其花烏爪亦呼鷹爪卽俗稱朱古蘭者是府志稱籐本殆以其莖大高誤爲籐本耳

木蘭俗呼樹蘭高七八尺葉類黃楊花如金粟香濃穠摘取晒乾搗爲粉入茶烟絲皆生香氣潮州婦女多取以戴髮楊升菴曰佛經所謂伊蘭卽此花也伊者西域尊稱以其花香無比故曰伊蘭俗呼暹羅花以來自暹羅而名之也廣州人呼爲米子蘭開平志名魚子蘭

梅花有單臺重臺之別單臺者初吐皆白將謝花心變紅色重臺者初開花心皆淡紅色屬十月陽春每

着花數點臘月乃盛開又有蠟梅本本高八九尺花瓣似梅而大倍之色黃如蠟而香蓋別爲一種也

桂有月桂季桂木樨之別常綠亞喬木也庭院多栽之月桂每月一開季桂年開四次花吐枝頭而香木

樨花纍纍滿枝倍饒香艷花有黃白二種白者名銀桂黃者名金桂皆香氣濃厚

菊有黃紅白朱紫五色種類最多邑屬所種五色皆有大祇九十月開花以黃色鷹爪者爲上品月令菊

有黃華又有野菊花隨路野生深秋開黃花如菊而小嶺南雜記草菊生叢草中狀若茶菊有紅紫藍

白四色味甘如杭菊案邑俗稱花層臺者爲野菊若紅背子黃花密藍荊俱以野草開花目之

杏花有紫杏緋杏銀杏三色俱重臺花類桃皆自潮安金石宮移植當春花發濃艷燦爛令人心醉

蓮花有白紅二色莖皆有刺白蓮尤雅王漁洋詩門外野風開白蓮其清趣可想爾雅名荷又名芙渠其花菡萏其實蓮其根藕是蓮爲芙渠之實非芙渠之花矣邑俗通稱之曰蓮花

山茶有紅白宮粉金邊六角之異紅粉緋紅紫紅二色白山茶邑屬傳自浙江石門縣原止茅坪一株近移植頗廣吳六奇少師府舊有緋紅金邊六角瓣茶花大埔李愚恍小盤谷自某古寺傳有五色茶花贈編者一株據稱此花原單紅色有不速之客來寺看花謂此花不大艷以手畫之後遂開花五色云芍藥羣芳譜芍藥譜所載種類花名不勝縷舉邑屬止有紅白二種春夏皆有花合璧所謂婪尾春之說今非事實矣

木芙蓉高丈餘白花者單臺紅花則重臺秋日盛開紅艷類牡丹惟不耐數日看古詩艷艷芙蓉花半長之江之湄是也

木槿高五六尺邑屬有紅白二種花朵重臺類芙蓉而紅爲淺殆朱槿也朝開暮萎可入饌揭陽志稱紅花補血於婦科尤宜

葵獨莖直上高四五尺枝頭作花有大如盤者花瓣黃色中結子可食花隨日影轉移昔人詩惟有葵花向日傾信不誣也

薔薇花紅類重臺芙蓉開四時不斷其莖多刺儲光義詩云高處紅鬚欲就手低邊綠刺已牽衣

茉莉香濃而烈有藤本木本二種藤本者單臺木本重臺花較大亦稱獅頭種又曰番茉莉植初學多栽

豐順縣志

卷十一

物產

十二

汕頭歸字局梅縣分局承印

茉莉當於冬月折枝埋土中春時發芽移植之經如法試驗多條無一生者

玉簪花葉似報春蘭花白如玉簪孤莖直上夏秋始花經冬雖含蕊不開

雞冠花有紅黃白三種花狀類雞冠佛書謂之波羅奢有高二三尺枝葉扶疎一株開數百數十朵中一

朵獨高俗呼百鳥朝王矮者謂之七寸錦蘇子由詩注謂即玉樹移庭花

鳳仙花有紅白朱藍四色紅朱二種高七八寸花重臺簇簇滿枝開落相續結子動之即爆裂故名急性

子花可染指故又名指甲花

大紅花高者逾丈花葉均類朱槿春夏秋作花相續不斷亦有單臺者另有花瓣如剪綵花鬚下垂寸許

復開瓣者俗稱爲西藏紅花所未詳矣

杜鵑花野生山中二三月花紅似錦有移以盆栽者花開於杜鵑啼時故名宋芷灣詩云舉頭看杜鵑低

頭聽杜鵑杜鵑時節愁人天即此花開鳥啼時節也

繡球蔓生成叢花如繡玉簇合成球故名初開白花欲謝變藍色羣芳譜百花成朵團團如球張昞詩飛

來蝴蝶忽成團以花瓣似蝴蝶也

百日紅草本科蔓生花紅色狀類楊梅開枝頭最耐久故名

剪春羅草本科蔓生高不及尺莖有節花大如錢深紅色花瓣如剪羣芳譜一名剪紅羅花六出周圍如

剪昔人詩誰把風刀剪薄羅極知造化著功多

海棠羣芳譜海棠有四種曰貼梗曰垂絲曰南海曰紫綿海棠譜惟紫綿色者謂之海棠餘皆棠梨花耳
邑屬止有垂絲貼梗南海三種垂絲花黃貼梗砌紅南海種枝多屈曲有刺如杜梨俗俱稱為海棠花
又有木本高丈寸葉圓如錢其花重臺深冬耐久俗呼為秋海棠傳自海外亦名番海棠案李德裕花
木記凡花木名海者皆從海外來如海棠之類是也揭陽志云草木生於花下者曰秋海棠所未詳矣
吊鐘花野生山中花瓣似鐘簇聚枝頭有一枝九鐘者最佳為新春陳設品邑屬沙田鄉攀凹龍溪深坑
爐皆產之

酒娘花野生山中高可丈許花開滿山皆香百步內可聞產黃花村

串炮花叢生溪澗中葉類筴竹桃高尺許花朵聯結三四寸長如鞭炮故名春初盛開花瓣類吊鐘色白
而香產邑屬韓江東岸馬頭山溪間

草之屬

芝俗呼靈芝產邑之黃花村森林中大者如盤其面及莖皆光滑黑如漆背赤周邊隆起有作鳥獸形
者其質富韌性折之不斷楚辭采三秀於山間注芝草也格物論芝瑞草一名菌蠢續古今注一名壽
潛一名希夷

還魂草或曰卽草黃連產邑屬銅鼓嶂石壁不畏旱高二三寸葉長寸許由綠葉體分子無數密合而成
勻細類絲織小瓣叢綴於莖異常秀美若采其根莖葉全部曬乾之再投水中卽復生蒼翠如初故名
豐順縣志 卷十二 十三 汕頭韓字局梅縣分局承印

邑人多盆栽之惟易生而難長亦奇卉也

仙人草一名涼粉草曬乾熬汁加以薯粉漿則凝凍如板俗稱旱板夏日用以止渴解暑廣東新語涼粉
草莖葉秀麗香猶藿檀以汁和米粉煮之止飢名仙人凍山人種之連畝富暑售之邑屬北溪山村產
最富視他處產爲良歲運銷南洋各島

烟草卽製烟絲之草俗呼烟葉廣韻訓爲臭草其味辛辣殺虫農家取其製絲之莖薑田西人稱爲淡芭
菰南洋日里專種烟草之園口五百餘俱招華工種植多至廿萬餘人邑屬亦多種此

蓆草用以織蓆故名邑屬陷隍村民多種之連畝其莖長六七尺西陽雜俎蓆其一名蓆盧可爲簾案卽
蓆草也

龍鬚草長四五寸色綠而性柔韌花圓間階多種之秀美可愛山海經注龍鬚草長可織蓆與韓偓詩云
八尺龍鬚方錦褥者別爲一種草也

含羞草野生田園高三四寸葉類合歡而小手觸之則葉縮爲一片俗呼羞尾草
醉魚草俗呼魚籐本草性有毒漁者採其根搗爛投諸溪流魚吸水味卽浮如醉臥狀從而捕之凡皮膚
生癩者取其根搗爛合醋擦之卽愈

斷腸草俗呼狗悶籐野生山間廣東新語曰苦藥亦曰胡蔓花黃色其葉入口血潰百竅腸斷而死高雷
人呼爲妖草陶貞白云其花美好名芙蓉花大白詩昔作芙蓉花今爲斷腸草匹夫匹婦自殺者服之

惟熊胆鵝血羊血能解其毒

長命草葉柔軟似蘭叢生亦似之花淡紫色小如穀粒成串邑俗婚嫁必取草一束配禮物蓋取其長命之名也

萬年青水生植物終歲不凋故名俗以花瓶供養之花類芋花農圃六書名千年葛

葛蒲埤雅曰水草也俗呼石葛蒲其味辛而香羣芳譜名堯韭一名水劍草呂氏春秋冬至後五旬七日

葛蒲始生百草之先生者也乃始耕邑俗端午日人家皆采葛蒲合楓葉熬水以浴謂可去病延年

蒲草長寸許葉類葛蒲而小邑人多盆栽之鮮雅可愛

艾俗稱大艾邑俗多和米粉作飯謂之艾飯能祛風濕端節人家皆采艾插於門亦荆楚歲時記門懸艾虎之遺也

蘿俗呼蘿網藤莖小緣物蔓生隱花植物也詩薦與女羅施于松柏故名松蘿案古俗以菟絲爲女蘿菟絲爲顯花植物二者特殊爾雅義疏辨之詳矣

薛荔蔓生草離騷貫薛荔之落蕊注香草也緣木而生蕊花萼粉紫然者也柳宗元詩密雨斜侵薛荔牆案邑屬荒野間藥藥於斷垣茅屋叢草上莖皆黃色無葉而鬚蔓延者即此物也

案辭源云薛荔爲灌木莖長數尺葉橢圓花細隱於托中又云薛即當歸引爾雅薛山薪爲証余見村人所種當歸其狀類是然非蔓生疑辭源誤解蓋薛荔爲蔓生植物狀類蘿無葉而色黃其莖甚細引

豐順縣志

卷十二

物產

十四

汕頭鎮字局梅縣分局承印

蔓如黃絲殆即菟絲也杜詩菟絲附蓬麻引蔓故不長即前述引蔓茅屋草叢之狀態可見九歌披薛荔兮帶女蘿具見薛荔與女蘿爲二物之明証蘿薛合稱本於楚辭殆以其同類耳晉書謝安傳論暨于穢薛蘿而襲朱紫薛蘿爲阮者之服以此益証辭源之誤矣

萱俗呼溪冬花以經冬盛開故名生溪澗中瓣類百合花而小黃色其葉似韭花晒乾即金針菜村人多移植園圃作蔬食說文萱忘憂草也博物志中慈養性萱草忘憂羣芳譜一名宜男草風土記花曰宜

男姪婦佩之女牛男

萍俗呼漂子浮水面而生有細根浸水中初生皆青久變紅色不作花隨風飄轉邑俗多采以飼家豚晒乾可焚之以殺蚊能使蚊脚脫去韓詩外傳浮者曰漂郭璞云江東謂之漂月令藻始生是也詩于以采蘋朱註水上浮萍也案萍蘋同義

藻俗呼出碧葉生田中一莖開四葉皆貼水面其根深入污泥中開白花小如穀粒根際結如箸之小簪案本草蘋一名茨菜一名四葉菜又名田字菜一名破銅錢四葉合成中折十字攢簇如萍云實即藻也韓詩外傳沉者曰蘋郭璞云江東謂之藻五月作花故又謂白蘋亦有圓葉之一種葉大如茶杯狀如貼水之荷錢其作花結簪與藻同詩于以采藻是也

苔其類不一緣生水底石間狀如髮而青者俗呼柳苔案即莊子所謂白蘋之衣郭象注水苔也一名石髮許氏說文苔水衣者是也錢生崖石上微有葉與鬚其色青褐者案即陶宏景所謂石湍一名烏韭

者是也貼生石壁形橢圓或長或方狀如木皮成塊作淡青色俗呼石花案即清異錄所謂地錢又名綠衣元寶任昉錄異記名重錢崔約古今注名綠蘚綠錢者皆是也

鳳尾草羽狀葉叢生田坎土壁色青而紫秀美異常邑俗多取其葉治痢疾

粘入草即牛筋草本草名鬼針草着人衣如針一名鬼釵石寇一徵名鬼茅針

茅俗呼蘇茅可用以縛入簞其根有節本草性涼能解熱易繫傳曰茅之爲薄而重可用也

芒俗呼猴芒爾雅芒杜榮郭璞注草似茅皮可爲繩索邑人多用以蓋屋謂之茅屋亦用作掃帚其質柔

而解

油草生田溝中高一二寸一莖四五葉性柔軟其綠如油故名邑農家假此以占一年晴雨自冬十月初

一日起每晨察其葉上有無露珠或多少有主雨多主大雨無主晴旱連察驗十二晨即知來歲之某

月晴某月雨極爲見驗俗稱之曰看油托

茅苜俗呼車前草本草車前利水邑人多用以治暑熱詩采采芣苢車前也大葉長穗好生道旁

苳俗呼燈心草生卑濕荒田中狀類蕭草剝去皮即燈心也用以燃燈

鬼筆牛卑濕穢地高二三寸中空色白其上端尖如筆着淡紅色越日而萎死

藥之屬

本草載藥三百六十五種屬於草木者什居七八傳爲神農所作實始於後漢其所載多漢時地名唐

豐順縣志

卷十二

物產

十五

汕頭鑄字局梅縣分局承印

初修改至四百餘種明李時珍著本草綱目刪繁訂補爲五十二卷所有草木藥性枝葉狀態皆條註

詳晰茲錄邑屬所產者僅列舉其名目以七音俗名溝通本草介紹于邑人備欲知物產土宜者之攷

求則采藥種藥亦吾民生產之大利所在也因藥性已有專書故不贅徵引以省篇帙

土茯苓俗呼硬飯頭

益母草俗呼臭艾

蕲艾俗呼大艾

芭戟俗呼鷄腸根

天冬俗呼天門冬

淡竹俗呼山鷄米之枝葉

梔子俗呼山黃枝

茅根俗呼蘇茅

佛耳草俗呼狗點耳

金櫻子俗呼糖罌子

香附俗呼雷公頭

紫蘇俗呼香蘇

杜仲俗呼杜根皮

葛根俗呼黃葛頭亦名豪猪葛

黃連木本者俗呼樹子黃連草本者俗呼還魂草

金銀花俗呼早轉藤

陳皮俗呼柑子皮

木賊俗呼駁節草

五味子俗呼鹽冬樹子

小茴俗呼茴香子

鉤藤俗呼倒吊笏

淮山俗呼茅薯

穀精俗呼簪頭草

春筋產鶴冠嶂

香菇產三十六峯

山豆根俗呼野仙豆

薏米俗呼肺珠粟

白頭翁俗呼白頭公

華菱俗呼必發草

穿山甲俗呼連鯉亮

半夏俗呼臭尾草

瓜蒌俗呼鴨屎卵瓜仁

茯苓俗呼松薯

青蒿俗呼大餅藤

萵蒲俗呼石香蒲

草薺俗呼卑麻子

蔓荊俗呼布驚樹

車前子

使君子俗呼司荊子

大茴俗呼八角百合

枸杞俗呼枸杞樹子

當歸產於四川

桑白皮即桑樹皮

桑葉即桑子樹葉

枳桔俗呼吉九子

枇杷即枇杷樹葉

花粉俗呼鴨屎卵薯

碎補俗呼雞麻藪

桑枝

薄荷

石斛產銅鼓嶂

薑俗呼薑麻

明砂即蝙蝠屎

靈仙俗呼老虎鬚

貫仲俗呼赤蕨頭

蟬脫即蟬壳

鼈甲即團魚壳

皂刺產大槎尾各處

縑子俗呼苦棟樹子

山渣俗呼山糖梨

王不流行俗呼挨礮知都

畧舉數十種皆邑屬野生藥材隨地可採者爲利甚溥坐令貨棄於地大爲可惜值抗戰期間凡百藥物比前增值數十倍若能提倡采藥種藥實可爲地方開一利源也其關係貧民生計豈淺鮮哉

物產二

邑人李唐介丞甫編纂

羽之屬

阿鵲俗呼長尾鵲羽有白色亦稱花鵲歲有大風則巢低枝若巢高枝之上必無烈風農家以占風甚驗
禽經鵲俯鳴則陰仰鳴則晴人聞其聲則喜故稱喜鵲

山鵲俗呼長尾鵲讀如晉狀類阿鵲紅喙羽毛及尾皆花色爾雅鵲山鵲注似鵲而有文彩長尾喙脚赤
案卽山鵲也

鴉俗呼老鴉多黑色惟頸毛獨白俗以鴉鳴音促主凶案禽經純黑而反哺者謂之慈烏腹白不反哺者
謂之鴉俗稱烏鴉實則二物也

雉俗呼雉雞亦稱山雞長尾多白斑毛有彩色易離爲雉疏云離爲文明雉有文章故云莊子雉十步一
啄百步一飲不斲畜乎樊中注山雞也

鳩俗呼僕鳩其啼聲曰僕咕咕亦名斑鳩日人柳澤健原詩小鳩栖葉處咕咕在悲啼邑有養鳩者朝放
暮歸甚馴惟羊牯爪花開時則一去不歸殆春心動耳禽經拙莫如鳩鄭箋鳥之謹慤者一意於所宿
之林故稱宿鳥詩維鵲有巢惟鳩居之似又非拙矣

燕廣雅元鳥燕也月令仲春元鳥至說文元鳥燕也關口布翅歧尾象形詩燕燕于飛差池其羽博物志

豐順縣志

卷十三

物產

汕頭鑄字局梅縣分局承印

燕戔已日不銜泥塗巢此非才智自然得之

鶯俗呼黃鸝鳥黑眉身黃色羽及尾有黑毛相間格物論三四月鳴聲音圓滑一名倉庚詩倉庚喈喈是
也一名黃鶯唐人詩打起黃鶯兒是也詩交交黃鳥義疏黃鳥黃鸝也自關而東謂之倉庚又名商庚
自關而西謂之黃鸝

鷓鴣屬近河有之色白形比海鷓爲小相鷓經鷓爲羽族之長風土記鷓性警八月白露降流於草上有
聲卽高鳴相警移徙所宿處慮有變害云庚信小園賦黃鸝戒露案鷓嘗夜鳴者以此

畫眉兩眉有白痕如畫以鶯而小黃褐色善鳴好鬥故易爲人所羅獲邑有飼媒者置諸叢草中張機四
圍媒鳴則四山同羣卽飛至尋門每被獲之

竹雞毛羽褐色多斑點赤紋呼聲曰泥滑滑詩人禽言多以泥滑滑爲題詞譜爲詩好食蟻故諺曰家有
竹雞啼白蟻化爲泥

鷓鴣比竹鷄爲大羽毛有白斑頭有紫赤浪文啼聲行不得也哥哥邑屬多飼爲媒者以其獨栖一山不
許同羣侵入故易爲羅者所獲南越志其飛鳴必向南雖自東迴翔而開翅之始必先南翥異物志其
志懷南不思北徂南人聞之則思家鄭谷詩座中亦有江南客莫問春風唱鷓鴣

杜鵑一名子規邑山中隨處有之博物志杜鵑生子寄他巢百鳥飼之成都記杜宇死其魂化爲鳥名曰
杜鵑亦曰子規禽經杜宇啼苦則自懸於樹自呼名曰謝豹其聲曰不如歸去一名怨鳥

秦吉了俗呼鳥了哥丹喙鳥毛兩翼有白羽頭有黃肉冠飛輒成羣傳言剪其舌使圓能作人言余見能言者蓋別爲一種本草綱目鳥了有三種眼黃者金了爲上眼白者銀了次之眼黑者鐵了爲下產瓊州邑產多屬鐵了負暄雜錄南唐李後主名煜改鷓鴣爲了哥是了哥之名有由來矣

翡翠俗呼鷓鴣子讀如罪爾雅翡翠鷓鴣也雄赤爲翡雌綠爲翠羽翼碧色喙長三四分故能於水中取魚鷓鴣俗呼鷓鴣頭鳥頭似鷓鴣身尾俱短毛羽褐色足似鷹其鳴聲曰吼正字通謂卽鷓鴣雞俎以爲臯鷹俗呼角鷹形似鷓鴣而小羽毛俱褐色有文能自高空飛下所家雉如刀砍流血攫而食之左氏傳如鷹鷂之逐鳥雀是也

鷓鴣俗呼鷓鴣婆攫雞鳩以食吳曾漫錄所謂必提之而飛是也俗傳鷓鴣亦鷓鴣所產其毛羽喙爪則同只大小異耳

雀俗呼瓦雀栖宿簷瓦間馴近階除色褐有文浪昔人詩雙雙瓦雀行書案又得食階除鳥雀馴是也曹植賦頭如顆蒜目如雙椒躍而不步一名嘉賓

鷓鴣鳥類之最小者俗呼茅枝嘆以其常栖息茅草小枝而唱嘆也全身灰色以黃草葉毛毳爲巢於枝上其巢成團旁開一小穴通出入能避風雨甚精緻莊子所謂鷓鴣巢林不過一枝者也

禾畢亦小鳥稻熟時羣集穗上啄穀食每至畢盡故名亦害鳥也狀類白燕全身灰色喙人故俗呼大唾畢邑有以樊籠畜之者其馴放之輒自歸有用以占卦者使自啄卦以下吉凶謂之畢子卦

豐順縣志

卷十二

物產

二

仙鶴詩字品梅詩分同承印

青歌俗亦呼青球子比鷓鴣尤小毛羽皆淡青色常於庭園花枝上其音鳴聲啾啾有小鳥依人之意鷓鴣詩作脊令爾雅作鷓鴣俗呼鷓鴣底鷓鴣形似燕飛時作波狀行止皆搖動其尾栖息水邊食害虫亦益鳥也頰下白色全身白黑相間

百勞俗亦呼百勞形似畫眉惟頸鬚長全身黃灰色平時少見夏六月最多山谷間到處皆鳴聲嘈雜諺云六月六百勞食哀肉言六月鷓鴣子出卵爭噪其母求食也古詩百勞東去燕西飛卽此鳥也

布穀俗呼布規緣因其鳴聲而名之也立春始鳴亦名春鳥其聲可聞數里腹白羽毛黃灰色俗謂其喙脚紅色好食毛虫有益於森林爲益鳥農家聞鳴聲始耕故曰布穀催耕東坡詩布穀何勞也勸耕風車鳥鳴聲絕類風車攪谷之音故名多栖息溪林中春夏月始聞其鳴聲

啄木鳥俗呼啄樹鳥喙長寸許故善穿木食蠹虫凡大樹被啄者穴深二三寸亦害鳥也爾雅曰鴝博物志啄木鳥以喙畫字令虫自出頭上有赤毛呼爲火老鴝能食炭云王元之詩淮南啄木大如鴝頂似仙鶴惟丹砂

提壺鳥俗呼茅婆形似雉羽尾皆赤色身毛色黑其骨肉浸酒可祛風濕產婦食之最宜鳴聲曰提壺提壺昔人詩喜聞春鳥勸提壺詩家多以提壺二字作禽言詩

紅鳥形小如白燕文鳥全身毛羽皆深色產黃花村森林中然不常見之

鳧俗稱鳧鴨形類小鴨比澄海產爲小豐溪韓江山塘皆有之能高飛詩弋鳧與雁是也

赤鳥俗呼赤哨哥形類鶴而小全身毛羽皆赤色夏月栖息田間啄食魚類其肉食之能治鼻血

獸之屬

野猪俗呼山猪大者牙長五六寸利如刀善害田野山麓農產物兇猛如虎力大如牛善走如馬一夕能犁泥中薯芋十餘畝漢景帝遊上林野蔬入廁卽此物也

豪豬形似小豚而身短其足類犬有五爪善掘田叢薯芋以食扁身皆刺大如箸而勁獵犬不敢近山海經狀似豚而項脊有棘鬣棘長近尺粗如箸白本而黑端能振發射人者是

黃麋形似鹿大如羊全身毛黃色故名有硬角軟角之異其蹄奇臭足跡經過獵犬跟而逐之入草只藏其頭而露其尾肉味醃而脆山海經尸山多麋注似鹿而小是也

狐狸有五段狸白面狸貓狸菓子狸四種其肉以菓子狸爲上品專食山菓故能補益人身五段白面以毛色各異而名其尾下奇臭俗謂之狐狸躡過處皆有臭味善竊雞鴨以食貓狸較小色黃肉不可食

陶隱居云江東無狐皆出北方邑俗並稱狐狸

雞豹形似狸全身皮毛有黃白斑如豹竊食雞鴨比狸尤凶俗呼鷄豹子

虎俗呼老虎善食人畜邑有業射虎者察其出入常經之路以毒藥敷箭鏃藏弩於路旁草叢張機以待虎過一觸卽發不移時而斃歲獲巨利

豹小於虎身毛皆有白斑俗呼金錢豹食人畜如虎本草文如錢曰金錢豹是也

豐順縣志

卷十三

物產

三

汕頭鑄字局梅縣分局承印

豺俗呼豺哥大如狗惟足獨長出必成羣專食牛血及腸牛大而豺小則一豺先踞牛頭以爪掩其兩

一騎牛背拖其尾餘則挖牛糞門抽其腸而食或則啖牛之血飽之則去疾走如飛

狼俗呼海狗比豺爲大全身黃褐色捕食犬豕比豺爲凶惡漢張綱所謂豺狼當道是也

獺其大類貓全身毛黑褐色頭扁如魚首喙尖善捕魚能知水味凡水上游有魚池卽尋源而至月令正

月獺祭魚謂捕魚而陳之如陳物而祭也

鼠有飛鼠田鼠芒命鼠水老鼠之別飛鼠尾扁大有赤紋三條栖息森林上緣木跳躍如飛故名田鼠窟

宅田間樹下月令田鼠化爲鴛鴦異於室鼠也芒命鼠食芒筍蘆茅而肥其身大如小狗腹毛皆白色

俗稱肥美曰命案字書凡物之渾圓者曰命殆東坡所謂竹鼪之類也水鼠栖息流澌水涯比田鼠爲

小而身短鼻似猪目深而細毛絨密如獺入水不濡惟出旱地若悵悵無所之

田螺狗狀如狗而足較短小如狸專向田中攫食田螺故名

兔有野兔畜兔之別形狀毛色皆同前肢長於後肢善跳躍皆同惟野兔稍大畜兔閱月一生子故名月

兔俱善掘穴自藏戰國策馮煖所謂狡兔有三窟者也

核豺形似貓狸其小如貓全身毛黃灰色常闖入人家屋後攫食小雞其肉腥而臭邑人多取以浸油可

治畜疫

山狗俗呼赤狗形類象犬毛色皆赤故名善攫食雞鴨多窟宅石窠中

捫蠧猪俗亦呼捫蠧狸形似狸而小鼻喙如猪專捫食田間紅蠧故名正韻蚯蚓吳楚呼爲寒蠧邑語稱蠧本此

山羊體大如牛其形及角似羊足亦長於牛善走能越峭壁邑人往往獵得之杉坑有李葛者執長矛刺山羊飲其生血曾獲紅頭壽考今銅鼓嶂南之寶古山多野羊則爲山民所牧遺失野生者其種與山羊特殊

鱗之屬

鯉有青紅赤三色口角有肉鬚二條紅色俗呼紅金鯉赤色即塘雅所謂賴鯉青鯉有赤尾者風詩所謂賴尾是也

鮑俗呼草魚以其食草故名本草鮑似鯉生江湖間胆至苦邑俗尚魚膽魚生必取鮑魚養魚經亦稱草魚邑人養者皆以草飼之其種向購自九江惠溪近亦有育鮑種者春三月於河中取卵移水塘飼以麵粉雞蛋白俟其成尾始售之

鯪其形相似大小亦如之惟鯪魚其頭部較大俗呼爲大頭鯪即鯪也皆細鱗扁腹其肉比鯉鮑爲粗澀

烏魚形似鮑惟頭較圓色較烏故名俗呼烏流魚潮語呼烏魚其肉比鮑尤香滑

鯽有大小兩種大者可三四指重至四五兩小者俗呼月鯽子本草鯽喜假泥不食雜物故能補胃冬月

豐順縣志

卷十二

物產

四

汕頭縣字局梅縣分局承印

肉厚子多塘雅此魚旅行吹沫如星以相即也故謂之鯽魚

鯪俗呼鯪王廣州人名土鯪魚嶺表錄異鯪魚如白魚而良短尾不偃清遠江多此魚原產於海也邑屬多於塘中養之溪間亦多

鱖魚俗呼黃鱖形類小鰻而無耳處污泥中山堂肆攷鱖一名鱖一名鰻又俗呼黃鱖云

鰻俗呼湖鰻生湖洋田中邑人呼水田爲湖洋田故名長二三寸大者如指亦名泥鰻同鱖莊子民濕寢則腰疾偏死鱖然乎哉注鱖音秋司馬云魚名案即處濕泥之鰻

鮎俗呼黃鮎讀黏說文鮎鰾也爾雅釋魚鮎注別名鰾大口大腹有鬚生流水則色白清生止水色赤黃

案邑俗曰白鮎黃鮎又統稱滑哥皆同此一物也

鰻有溪鰻海鰻之別均生兩耳海鰻有大逾百斤者溪鰻能上山覓食蘆芽草根陸行如蛇塘雅謂之鰻鱧魚似鱖而腹大無鱗色黑腹白有脂膏於天北風時最多

黃鰻俗呼同似鮎而身較扁大色黃無鱗正字通身尾似鮎腹黃背青腮下兩橫骨兩鬚羣游作聲軋軋然一名黃鰻又名黃鰻黃鰻者黃鰻之變名也案河水黃生河中者其身全黃生清溪中者背較青也

石鮎俗呼石鰻產溪石中形似鮎小如尾指無鱗全身黑色有斑點山溪最多味甘香

石斑俗呼石鰻頭小而形長大不過二指全身有青色橫紋多產溪中非海產之所謂石斑也

鱖魚俗呼棚庇鱖生田塘中吹沫成團如蓋而居兒童多取而養之以葉爲蓋有絲線尾葵扇尾之名以

領下色黑者爲善門謂之鐵領棠苑詳註門魚大如指長二三寸身有花紋紅綠相間尾鮮紅有黃點者善門兒童輩多盆養俗呼爲花魚云

赤眼魚俗呼赤眼子有鱗狀類鮐魚而腹較小兩眼紅赤露出故名大者三四指山溪多有之

堅魚形似烏魚而鱗較大頭短身圓大可數斤其肉滑而味香其頭骨脆可食似海產之白魚頭本河魚溯流入內溪而生者然其肉味比河生者尤美

介之屬

鯢鯢即穿山甲身長可二三尺披角質鱗甲四足前肢短後肢長尾亦皆甲見人則捲縮如球善穿地取

白蟻以食故名穿山甲異物志鯢鯢吐舌蟻附之因吞之又開鱗甲誘蟻入其中乃奮逼而舐取之

龜爬虫也腹背皆甲僅有頭尾四足出入孔表面有紋片邑屬黃花村爐下溪產金錢龜小如碟卜者取

焉惟古則灼龜甲以下非今之以卦文實甲中也戴記謂四靈之一家語稱介虫之長故晴天將雨龜

必引頸伸首不已至龜且驗其大者俗呼爲黃泥龜亦有食蛇之一種形較大有喙俗呼之爲打蛇龜

鼈俗呼團魚有肉鼈駝背鼈二種肉鼈可入饌以兩裙爲美僧謙光所謂鼈兩裙足矣駝背鼈於小肉鼈

背中隆起俗傳養之缸中取水煮飯可治勞瘵鼈有羣歲必一集會當聚百數十頭結疊成塔必有一

駝背者作合尖邑屬山民嘗有見者

蚌俗呼蠔蛸產水塘湖田中大者如碗其肉可食爾雅蚌含漿注即蜃也案蜃大者如趾而已形半圓蚌

豐順縣志

卷十三

物產

五

汕頭鑄字局梅縣分局承印

則扁而長其甲壳絕殊故俗呼之爲牛屎蚌

蜆小如指畧似蜃而小壳黑產沙灘中邑人多爬取之供食品

螺有塘螺田螺溪螺之別田螺產水田中大者如趾塘螺產水塘較小其壳尾如虫蠹食多小孔石螺產

山溪石間壳黑如漆長寸許大者如指截其尾部以汾酒加鹽醃之五日而熟其肉爽而脆甘香可口

爲下酒佳品

蝦大者如指俗呼蝦公小者曰蝦子頭有鬚有鉗色淡白與海蝦異侯鯖錄苗蝦狀蜈蚣而擁盾者曰蝦

公今並稱爲蝦公殆以其鬚而公之也

蟹有田蟹石蟹形同而色質皆異田蟹生水田中甲壳脆而黃大僅如趾石蟹生山溪中色黑而甲壳堅

肉味亦較香俱不類江海所產之大

山蟻爬形似田蟹而身輕長甲殼皆淡紅色兩鉗及爪皆軟味較甜產黃花村蒲竹頭山澗中

蝸牛俗呼天螺網大者如杯其甲殼似螺即蝸舍李義山詩所謂自喜蝸牛舍也其頭有肉鬚二伸張如

角能伸縮莊子所謂蝸角者也人指觸其角則生肉疔奇癢

昆虫之屬

山蠶俗呼蠶蛾以蠶能變蛾故混而名之即生烏柏之天蠶也大如指全身綠色尾部兩邊皆有紅圈紋

老作繭大如趾其蛹化蛾如蝴蝶有五彩紋邑人有取蠶腹中腸作琴線者浸以醋晒乾引而長之較

買品爲耐久而無取其繭抽絲者聞蠶於柞樹者尤佳

蝴蝶俗呼鷗葉子有白色五彩各種大小異形俗概而稱之莊子烏足之根爲鱗蝮其葉爲蝴蝶司馬注云草化爲虫是蝴蝶本葉所化其鱗蝮如葉邑俗稱謂殆有改本矣

蟬有青蟬玄蟬二種皆以胸鳴其胸腹交界處有發聲器具小薄膜透明如鏡收縮振動則發高聲青蟬小如尾指玄蟬大倍之俗呼馬古蟬其聲噲噲洪然而長殊青蟬之噤噤也方言楚謂蟬曰螻蛄風土記七月螻蛄鳴於朝寒蟬鳴於夕注螻蛄朝蟬寒蟬夜蟬爾雅名蜩蜋蜩蜋寒蜩注皆分五方之語而名不同也

蟋蟀俗呼草唧公以其鳴聲唧唧在草間從而名之也或謂即促織之轉潛確類書幽州人謂蟋蟀爲促織言促婦織也里諺促織鳴懶婦驚墀雅蟋蟀似蝗而小善跳其鳴在股名吟蛩方言楚謂之蛩又謂之王孫

蝙蝠俗呼拚婆子以其拚飛之象名之也爲翼手類之乳哺動物自手足至體之後端有薄膜連之故能飛翻空中雲不能視故夜出韓愈詩所謂黃昏到寺蝙蝠飛者也

蚯蚓俗呼紅蠟其色紅故名正韻吳楚呼爲寒蠟月令孟夏蚯蚓出冬至蚯蚓結一名土龍一名曲蟮蠕形動物穿地爲穴能伸地中穴氣流通植物易長蓋益虫也

螟蛉青虫也俗呼牽牛賊捕青虫柳之爲子詩螟蛉有子蜾蠃負之箋蒲盧取桑虫負持而去煦養之以

豐順縣志

卷十三

物產

六

汕頭歸字局梅縣分局承印

成其子案蜾蠃亦名蒲盧俗亦稱泥蜂子以泥作巢抽青虫實其中塞之日禦其巢上鳴曰似我似我釋虫小記謂非以螟蛉爲子非是

蜘蛛節足動物種類極多以能結網者爲著故曰蛛網添絲關尹子曰聖人師蜘蛛立網罟是也餘則大別爲草蜘蛛金絲蜘蛛長脚蜘蛛三類邑俗混稱之爲羅蠸

蜻蜓俗呼囊尼說文名桑根案囊尼即桑根之轉爾雅謂之虹蜺善食蚊蝗等害虫亦益虫也

螳螂俗呼老虎哥頭爲三角形腹部肥大前肢有刺棘善捕虫以食亦農事益虫也秋季產卵簇聚成房堅着樹枝謂之螳螂莊子一蟬得美蔭螳螂執翳而捕之月令仲夏螳螂生是也

蜈蚣俗呼同音義亦名虞蚣虫以能咬人可虞蜈蚣同音節足動物以扁平環節合成二十四節每節有足一對能注射毒液于地捕食諸虫

蟾蜍俗呼同音義亦呼蟾蜍婆體肥行緩故以婆稱皮有疣無數其疣能分泌白色毒液孩兒觸之輒腫爾雅謂之鼃鼃亦名癩蝦蟆

蛙俗呼曰拐廣東新語拐即蟬蟬月令蟬蟬鳴是也邑語讀拐即蟬之轉蟬類不一產田間作唧唧聲可以入饌者曰田蟬亦稱田雞其小如指其聲閣閣者曰蟬子產山溪澗中大如田雞胸部有肉刺簇出身黑色能食虫鳥其鳴作都都聲曰石蟬即游官紀聞所稱爲石撞者是其捕食鳥類每於石上仰臥鳥啄其肉刺則舉其四足抱持之翻入水中故俗有石拐蟬伯勞之語又背有青紋喙尖身小者曰青

竹蠅頭尖身小色褐在水塘其鳴曰郭曰博者謂之犁頭蠅又兩眼突出身黃黑色雨夜鳴聲動地噲噲然者謂之地牛皆蠅類也

螻蛄俗呼土狗與通雅所謂土狗音義同生田園土穴中體長及寸褐色前肢甚強利於掘土善躍能飛爲莢麥之害虫爾雅疏名蛄鼠荀子梧鼠五技而窮皆是物也

螢俗呼火螢虫以其有光似火故名格物論螢爲腐草及爛竹根所化生月令腐草化爲螢古今注名夜照一名燿燿詩燿燿宵行車武子囊螢照讀邑兒童多以紙囊貯之爲玩物

蠅俗呼烏蠅以其形色烏故名其大而青色者呼蒼蠅亦稱屎烏蠅以其由屎虫所化生也埤雅青蠅首赤如火背若黃金又廣要蠅喜煖惡寒遇冰則側翅遠引所謂夏虫不可以語冰也其翼能敗物又有浮水面行者其體小而長俗呼水烏蠅

蚊說文長喙如針生草中吻尤利亦作蠅從蟲以昏時出也秦晉謂之蚋楚謂之蚊邑俗亦呼蚊善吸人血孟郊詩但將膏血求豈覺性命輕是也

蛾俗呼飛蛾體青色亦名青蛾子喜撲燈火故諺曰飛蛾赴火古今注蛾似蒼蠅而小其眉勾曲故諺曰蛾眉又曰青蛾記曰蛾子時稱之俗名本此

守宮俗呼簪蛇子大如尾指四足飛走簪壁間說文在壁曰蜺在草曰蜺蜺在草曰蜺蜺而統名守宮博物志以器養之食以硃砂體赤所食滿七斤治搏萬杵點女人肢體終年不滅惟房室事則滅案守宮名本此

豐順縣志

卷十二

物產

七

仙霞路字間編分后承印

蟻有黃白黑三種皆善嚙物黃色者俗呼黃蟻子色白者俗呼白蟻生土穴中能食蠶生羽而飛則爲蟬俗呼大水蟻蟬必有大水也詩蟬之羽是也邑之養蠶者取舊草鋪地蓋以草皮以米汁或米湯澆之三日即化生白蟻雖食之易長色烏體小者有臭味俗呼臭蟻大者俗呼蛇蟻公咬人如蜂蜚凡蟻皆羣居有王其覓食有護必負歸或獨力不能負不能盡者必呼同羣而趨故蟻字從義言其知義也

蜂種類最多以色別名色黃者俗呼黃蜂黑者曰烏蜂雜色者曰花蜂以營巢之形名其大如籠圓如斗者俗呼雞籠蜂圓長如火筒者曰火筒蜂穴壁而巢者曰壁蜂以泥爲巢者曰泥蜂皆能針人尤以雞籠蜂爲凶又身長小如蠶尼者曰囊泥蜂能釀蜜者曰糖蜂亦名蜜蜂蜂類雖多要以蜜蜂爲著關尹子曰聖人師蜂立君臣編虫書者此也又蜜蜂穴居者曰野蜂山蜂人家養者曰家蜂邑有李華者專尋野蜂爲生其見解至精密詳雜錄門

蜂體大如指色黃而甲壳堅硬其喙堅利專飛而嚙竹笋既嚙則注射其卵於笋內五六日後其卵成虫笋即脫節墮地其虫復穴入地心作蛹至明年夏新笋出地時其蛹皆變爲蜂而羣飛竹林亦害虫也邑屬近韓江十里之山農家皆於山中種竹爲生歲輸出竹捆值百餘萬元故竹農於笋出地時皆忙于捉蜂見笋有被嚙者則砍其端而取虫皆大如指其成長至速蜂與虫炒熟可作食品味勝於蔗

蛇種類最多俗稱謂有一字名者如黑蛇螭蛇南蛇泥蛇是有二字名者如兩頭蛇青竹蛇竹節蛇水腹蛇草花蛇狗麻蛇是有三字名者如烏羅漢鐵箕甲花楸柄過山龍布驚根芋毫乾等是凡一字者性較馴良少毒黑蛇尤能化流水毒質二字者以青竹蛇最毒三字者皆毒甚如烏羅漢見人則昂首以呵尤爲兇惡至謂見兩頭蛇者必死孫叔敖注而埋之者妄也惟見人則倒橫而走故俗謂之橫子蛇橫仄聲蛇能集會羣聚數百條種類大小不一竟日始散邑屬羅坵田山溪近年曾一見之

水蛭俗呼湖蜆以其生湖洋田也體黑褐色兩邊有黃紋身長寸許斷之碎片二投水即活善吸食牛畜人血本草名水蛭一名馬蜆亦名馬蟻爾雅疏蛭水中虫善入人肉江東呼爲蠃

斑貓俗呼花羅虫多寄生豈瓜葉上翼甲有黃色斑紋故名有毒緣人肉輒浮腫如苦瓜皮發癢而痛踰娘俗呼黃基賊狀類龍虱能飛遍體皆黃色善緣壁入廚簾嚙食產卵如黑豆而長卵壳內部如蜜蜂房多子

蠅俗呼狗蠅亦作虱多生狗身故名口突出善吸人血與蚊同尤善跳古名琵琶虫以形似琵琶也王猛捫蠅談當世之務所捫即此物也

蠅俗呼蠅虫體小色白無足之多也生書冊中蠅蝕書卷爲害殘酷爾雅謂之白魚注衣書中虫一名蛭魚又有六足有尾似燕一種亦色白有粉如浮塵善蠅蝕書籍俗呼之爲剪刀玃

蛭蛭俗呼持蠅公遇人畜輒推轉成丸故名莊子蛭蛭之知在於轉丸是也亦名蛭娘有中壳甚硬色

豐順縣志

卷十三

物產

八

汕頭鑄字局梅縣分局承印

黑如漆本草名鐵甲將軍又名推車客頭部平扁如犁能穿地成穴

打鐵古黑色形似金龜子有鬚善跳奮頭作響聲甚大博物志有小虫至微而響甚大有兩角白色名竊虫振其翅有聲孟康作賦比之鬼魅與蘇軾所稱爲響虫者同是物也

礦之屬

金礦產八鄉小溪火灘光緒一十四年英國教士紀多納測勘面積一方里未採

銅礦產八鄉火灘附近光緒二十四年英國紀牧師往採爲當地阻止

銀礦一產葉華員子嶺歧峯光緒間縣訓導何增慶試採中止一產仰坑山員子嶺經元明開採有礦洞數十以大興水徑二洞獲利最優礦工註冊者十三萬餘人清初普甯何錫呈奉部准年納稅五萬兩復採雍正間經御史景日珍奏參中止

鉛礦一產馬圖中坑光緒間何增慶測探未採一產產溪芹菜洋未測蓋星鉛也

錫礦一產湯坑埔頭鄉吊鐘山經前明開採一產九河鄉羊蹄礫經前明開採一產龍溪大嶺背又溪尾辣梨嶺均經前明開採一產湯坑銅盤山礦藏最富本採一產沙田鄉南坑子口未採案周禮攷工記粵之錫則粵錫著稱久矣潮州府志潮陽普甯豐順大埔皆有錫礦而出於湯坑者比洋錫尤勝色白如銀扣之其聲如編磬案即吊鐘山已往所採而言今銅盤山錫礦即吊鐘下游之山脉也其實之優

良可知

鎬礦產檀溪鄉南坑山屬散苗近年曾經開採中止

銀礦產埔頭鄉之梅子壩曾有人試採而止

鉛礦產沙田鄉之南陽水口山邇年曾經試採苗藏甚富以資乏中止又龍溪深坑曾有零星發見

鐵礦一產沙田鄉之高山祖及溪下山經前明開採一產八鄉貴人山十字爐清末有人盜採中止

硫磺礦產八鄉管箕坪清末有人盜採藏量極富礦質尤佳云

煤礦一產湯坑赤草洋面積約一方里未採一產銅鼓嶂砵礪岩清末梅人江柏軒試採中止一產黃金

埠上游之潭角面未採案此煤爲褐色殆褐煤也

水晶礦所在多有以產深坑巢鯉魚石磨石窩三處爲多

瓷土礦東北諸山隨地皆是現有窯窰九十餘所採用尙不及百分之五

案邑屬礦產宋代已經開採文獻通攷高宗建炎二年錫礦有潮州循州宋史食貨志政和元年廣東

漕司奏銀坑有潮州豐政都等凡十六場並請如舊明史食貨志萬曆間獻礦峒者日至於是中使四

出廣東則李敬攷仲坑吊鐘羊蹄礫銀錫礦俱屬豐政都鹿洲集載潮州鎮總兵薛受益妾盧氏事畧

云時仲坑山開礦鎮轅月有陋規每至盈千數百元據潮州府志職官表薛受益康熙二十八年任又

府志三十九年曾甯人何錫具呈內務府准開採仲坑山排圓墩二處銀鉛以二十年爲期進銀壹百

萬兩後經御史景日珍奏參迄四十三年始行封禁清戶部則例載乾隆十一年廣東等處銀鑛豐順

豐順縣志

卷十三

物產

九

汕頭鑄字局梅縣分局承印

李樹灣東角邊每銀一兩均抽正課銀四錢五分公費銀一錢又開山取鑛煽生鐵名曰大爐豐順

大爐稅銀向歸落地什稅由地方官征解藩庫今查占頭溪下深坑西坑黃花村三十六峯等處舊皆

開爐冶鐵故老傳言仲坑山嘉興隆採獲銀牛淹斃鑛官海陽志載故事自明迄滿康熙間仲坑山四

週設置大四頭三角地藍屋角汛房三所駐劄千總一員彈壓官兵一百五十餘名俱不出二十里礦

工十三萬餘人蘇窩街衢三條店址數百間之舊跡大可想見當時鑛務情形之盛况誠如葛志原序

所云大寶仲坑雙髻諸山出產銀鉛鑛徒聚伏者也今各鑛山在處皆嶙峋如蜂窩多童禿不生草木

皆當時採掘遺跡顧蘊其璞而未之鑿者爲數尙多尤以金銀銅鐵錫爲可貴則天然之利正有待於

開發者在也

貨材之屬

夏布湯坑產爲良阮通志新會亭布甲於天下其色如玉其縷如絲湯坑夏布有長袍一襲輕十兩者其

精細可見

波布俗稱羅麻取波羅織維織布亦有以苧爲經以麻爲緯織之者謂之苧織布尤爲光澤耐久俱產湯

坑

麻布九河櫟溪產密者用以裁帳粗者用爲喪服禮所謂緦麻之服卽此布爲之

草蓆俗呼墮蓆嶺南雜記流黃蓆出潮州流黃鎮與虎丘蓆相似而柔細過之佳者每一蓆值一金阮

通志同案流黃即隴隍同音隴隍席多運銷外洋

盤產潭江鄉陶土爲盤有葵斗卜古各種運銷佛山南洋若加拓充改良則瓷土隨地皆是其利無量
缸鉢產縣城東江坑九河邑屬用器皆取諸此惜未能拓充耳

磚瓦四鄉皆產之足供境內之用而已無運出口者

竹器如籬筐之類產產溪鄉專運銷潮汕漳椅凳之類產黃磜足供本邑之用

糖湯坑產最豐隴隍次之下湯較少實則種蔗製糖邑屬無地不宜

油有花生油茶油桐油三種湯坑多產花生油龍溪沙田產茶桐油邑屬土地最宜種桐下種一年可長三尺餘

香粉用以製香有木粉灰粉二種木粉採香皮樹製粉大田龍溪產其木隨處皆有灰粉多產沙田鄉
鍋舊有朱坑湯坑宮下埠三廠鼓鑄現僅存湯坑廠出品亦著

線衫僅湯坑有織造廠一所出品無多開辦未久也

鞋縣市沙田小勝各鄉均有製出售邑屬之鞋均購自潮梅興揭鞋業未興而牛皮則運銷各縣

爆竹產隴隍爲多縣城亦有造者邑境什九皆自松口採辦

木炭邑屬四鄉皆有出產歲運出口百餘萬担產大龍華沙田湯坑布心潘田各鄉爲多

木柴有合柴散柴松毛三種韓江沿岸各鄉及產溪一水出產最多歲運銷潮州下游值百餘萬元

豐順縣志

卷十三

物產

十

汕頭鑄字局梅縣分局承印

杉木及杉板大龍華沙田馬圖各鄉產最多四鄉次之均運銷梅埔潮澄揭各縣

棺木產沙田鄉爲多專運銷黃岡東隴集散地

糕隴隍產最著名歲運銷安南暹羅中秋節多銷潮汕

樓簍產沙田鄉之箭坪村

木屐烟絲各地皆產均供當地之用惟烟葉均採購外縣

茶有二種邑屬白芒社產之鳳凰茶多銷南洋馬圖布心產黃茶多銷梅縣湯坑南坑茶銷邑內茶經年
南方嘉木自一尺二尺至數十尺其名一曰茶二曰檳三曰護四曰茗五曰殊案邑產黃茶即茶鳳凰

茶即實也名野生山茶實殊耳今俗概名之曰茶

麻隴隍產多運銷各地四鄉俱有出產僅供自用隨地可種而不知廣植可慨也

葉脯產沙田龍溪二鄉運銷潮汕爲造船篷雨笠糖製之用詳竹類

仙草北溪產最著名銷梅縣轉運南洋各埠

薯蓣產龍溪沙田潭江小勝各鄉轉運潮汕爲染魚網原料日本多向採辦

沙薑產湯坑俱晒脯銷外洋爲多

筆管產沙田鄉內山銷潮州筆鋪

果實產隴隍各村有枇杷柰波羅橄欖橙柑龍眼之屬多銷潮州

軍總指揮部建

蜜糖邑屬山村所在皆產各藥肆集散轉運潮州梅縣銷售

凍石產湯坑高沙嶺爲印章酒杯玩具之用楊泉物理論土精爲石故石有肌理甚細者揭陽之湯坑嶺取其石製酒器文玩人物無不畢肖四方購之案即凍石其著稱於世者久矣

案邑屬貨材僅此數十種均墨守百數十年前之舊轍坐困窮荒至堪嘆惜願人有遺力地有遺利隨事可見若能依現有之貨材生產加以推廣或改良便可增加倍徙之產量全縣六千餘方里人口僅二十三萬餘而天然富源如此其厚彼擁有賞金富有能力者絕不知利用貧民之力開發此天然富源以爲利大可惜也竊願爲治者有以改造而整飭之

勝蹟一

邑人李唐介丞甫編纂

(一) 金石

宋朱子書落漢鳴泉四字存

縣南飛泉嶺瀑布巖石上刻落漢鳴泉四字徑尺許巖側舊有挾勝亭藍田書莊宋進士鄭國翰講學處朱子訪國翰書四字勝諸亭並刻石上通志

宋五顯崇華光廟鐘款文存

元祐五年置 匠人隆真

餘未具錄

案鐘高二尺五寸徑二尺二寸高懸廟樑徵訪員張硯澄未及摹出款文姑闕之

宋南山寺鐘款文存

謹籌衆信惠州人弟子各捨施金錢注造大鐘一口本院永作供養仗此良圖各資般若○○勸首弟子吳佑陳玉黃元品黃直石豐吳進李旺鐘立胡日江行李賢○明余友丹何○盧有珪高運登李一胡仲延胡仲添易舊並鑄新蘇炎蘇真立

時在宋

豐順縣志

卷十四

勝蹟

一

汕頭鐫字局梅縣分局承印

元祐八年癸酉歲三月朔勸首住持向空童行顯璋及鑄新匠人林旺置

元清水寺鐘款文存

潮州路海陽縣容田保住信士劉○彪黃晚成朱德利毛天祥黃文清曾堂全尤真信女范○○○迄六十五○各人施捨鈔二十兩鑄造大洪鐘一口入于清水庵永遠供養祈保福壽康寧子孫榮顯恭請三寶記明先天印可至元三年十月吉日山門題勸緣鄒明達住山僧正崇朱瑞鵬

案葛志淨水寺舊爲茅庵有飛來鐘者卽此考寺在仲坑山產銀鑛宋政和間開採建庵當在宋代鐘鑄自元初款文甚明且舊名淨水庵可証飛來之不足信也

元白土庵鐘款文存

大元國潮州路海陽縣豐政里容田保產溪魏鬱洞住人奉佛弟子○文顯全妻十五黃氏喜供洪鐘一口○子白土庵永充供養祈求子孫遠者匠人黃有德至元陸年六月吉日立

案鐘今存白土村植福寺傳聞明代有劉重施者度地建屋掘得此鐘遂棄去清初因就鐘所在地建植福寺非元代白土庵也

明積慶寺鐘款文存

潮州府海陽縣豐政都北溪村沙田積慶寺住持僧真亮募化十方合鄉衆信施鐘一座送入積慶寺萬代應用大吉之兆國泰民安萬民樂業爐商林源泉林福吾各出銀五錢爐商陳材興洪仁廖福魁廖福

莊張寧謝部五谷豐登余明吾施心哲鐘時福黎文達巫○科李思貴蔡萬成匠人永定金曹歧領張汝壽萬曆丙辰年春季月

案積慶寺原址在細圍背庵子場順治十二年參軍楊貞移建沙田墟名沙出寺後復舊名尚於近沙田鄉內高山祖多採鑛窿附近地名同稱為爐下者凡六處皆冶鉄遺址其採冶年代迄無可稽攷今以鐘款文多爐商姓名証之其在明萬曆間可知

漢壽亭侯環印畫像石刻存

漢壽亭侯之印弘治三年十月十八日揚州淘河獲之環印共重二斤四兩其文曰漢壽亭侯之印崇禎丙子張

文乾

漢壽亭侯像 微胆當存義終身思報恩威風齊日月名譽振乾坤忠勇高三國英雄陷七屯至今千載

下軍旅振英靈黃輝之印

清皇乙巳余承乏潤州公余金山之遊見帝斯刻因虔刷重勒于吾鄉帝廟以廣聖蹟云里人吳標薰

沐謹識

關壯穆詩竹遺墨石刻存

不謝東君意丹青獨立名莫嫌孤葉淡終久不凋零

天地不蹶日月不育億兆不滅無他全恃忠孝信弟仁義禮智而已矣默貫忠孝信弟仁義禮智之中者

豐順縣志

卷十四

勝蹟

一一

汕頭鑄字局梅縣分局承印

實惟大節爲之曾子曰臨大節而不可奪也乃知節能冒天下之道爲士之貫於五行卽五行中之節也爲仁之貫於四端仁卽四端中之節也非擅大節者亦安能贊大地光日月而救億兆之顛危乎哉關帝君手扶炎祚日逐金戈鉄馬中復以其餘寄興于筆墨作竹一幅雜以五言於其間詩中有畫畫中有詩久刻于晉陵精骸噴壁今復勒之金山以廣其傳蓋此畫寫自帝心非筆也非墨也發其忠精神勇之氣而吐其奇節大義之光帝詩之終久不凋零政天地之終不蹶日月之終不育億兆之終不滅也若蘇子瞻題竹云羣居不倚獨立不懼竹實有之是以似之得此畫而其節更標千古而不朽皇明都給事中瀨江後學陳獻策謹撰并書時崇禎己卯季冬之朔有拾日

皇清乙巳余承乏潤卅公餘金山之游見帝斯刻因虔刷重勒於吾鄉帝廟以廣聖蹟云里人吳標薰

沐謹識

案一石刻嵌城內關帝廟壁高三尺六寸廣二尺前一石環印下有漢壽亭侯橫刀躍馬肖像後一名有竹二株以詩四句畫作竹葉生年盎然石黑質堅刻工精緻拓本流播正盛

明武甯驛三字石刻近佚

吳六奇公東關記碑近佚

吳六奇書金湯鞏固四大字石刻存

案石爲舊嵌東關門額民國二十年毀築豐隆公路棄置路旁現移至民教館

清聖祖敕建加贈少師兼太子大師廣東饒平總兵官佐都督諡順恪吳六奇碑序

稽古建業驅策羣力不吝爵賞以勸有功昭示後世用垂不朽所以勵忠蓋甚備也爾吳六奇識時知命率衆來歸秉義懷忠宣力戎伍至于郝尙久叛踞潮州爾能奮勇勦滅賊寇蒞任巖疆厥有助勞忽聞長逝其悼朕懷特賜諡曰順恪勒諸貞珉光及泉壤國典臣誼庶幾昭垂毋斃哉

康熙五年九月七日

廣東巡按御史楊甸瑛撰吳順恪公墓誌碑銘

余蚤歲當明季之末則已聞粵之潮郡有葛如吳少師公其人者慷慨有大節推誠下士能以除暴救時爲地方所倚重者若而年余心其儀之迨辛卯冬奉璽按粵則復聞公以前排印宮銜挈一方士宇以上我朝而且効力征勦屢建異績天子加悅公之忠誠勞勩恩典優渥易曰在師三錫何以加焉今日者台灣餘孽尙煩掃淨勢必以三省會勦公方將豎偉烈于海表建鴻名于麟閣以仰答我皇上寵異勦勞之至意乃積瘁臥疴大星告殞天子動容嗟嗟優卹備至凡我東南人士無不推爲鞠躬盡瘁死而後已其吳公之謂矣日者公之子總戎君千里馳函謂余實按粵目擊公之忠悃與馳驅建公之狀甚悉今秋將奉觴以藏焉其能無一言以永貞珉余不敏謹無所辭謹按狀公諱六奇字鑑伯葛如其別號也先代以延陵派分閩汀復創居於潮之湯田鄉高曾以來隱德具成至公之尊人贈公尤能承詩書之傳而燕翼之公生而負異姿讀書穎敏胸有雄畧不屑爲閭里落落者等蓋當少年而人咸知其有匡世之器矣迨

豐順縣志

卷十四

勝蹟

二

汕頭鎮字局梅縣分局承印

及壯歲丁明紛擾之際潮郡大盜迭起滋蔓難圖公發憤爲鄉閭計偕其弟參戎君歲集精銳厲師以向蟻逆討叛遂爲一時長城當事者因畀公以豐順之任前後討平亂首爲鍾凌秀葉澳婆張文斌林參寰彭士炳劉良機等皆所計擒而誅鋤之者也滄桑告變澄冠黃海如九軍劉公顯及江龍等濤張于潮郡而陷揭陽陷大埔破程鄉以及三河者在在見告公糾合熊龍提義勇之衆以搗之立解郡城之圍復三河大埔盡殲程平九軍之賊於焉舉錦江上游數百里地寓兵於農設團練以訓習鄉衆地方晏然以其時本朝大兵未至人情思亂設非公綏靖而預防之幾何不桑麻而陸沉家室而塗炭也哉戊子歲大兵既至兩藩宣布德威公遂領人衆傾心歸附而爲王師前驅進徑削平之舉連年竭蹶靡懈矣潮將郝尙久據潮以叛靖藩統帥致討公爲潮疆協鎮躬督精兵數萬前行人人効死用命無不一當百諸凡縹緲芻蕘之運火藥炮器之需罔不備周用佐一鼓恢克之力城下之日渠魁既殲其脅從者力爲請命所有活士民不可計數繼而湯坑藍林九軍餘黨復嘯聚負固大爲潮郡貽患公則自統師直搗其穴破馬頭寨而盡掃之潮疆既平余時負斧于粵會撫運以密疏上其事著時亦有投誠在粵者握兵自恣密疏之發一以彰公之勞復將以懲諸弁之縱也世祖章皇帝嘉公忠勤懋著屢建大勳特賜饒平之府畀以專敕方印俾嚴鎮守而援勦之權則無分疆界公受事未幾逆艘大舉入寇連陷揭陽普澄三邑公疾提官鄉兵會兩藩諸鎮之師戮力恢勦枕戈疆場者八閱月乃克奏膚三城既復即連冠之橫據黃岡者亦已誘而就執爰遣裨將汛守俾片帆不敢歸犯焉惟是海島餘魂憑海爲患公奉旨造船會勦廈門之役立

治數十巨艦又募習水師將士以行年來所捐累數萬金不計也鷺島既克復奉詔往諭南澳公宣揚天子威命於是識時者幡然輸誠恐後舉全澳之將士黎庶及銅陵諸嶼聞風向化梯帆而踵至者其麗不億公悉給贖精以寧幹止厥費亦復不貲繼而又有木害之賊處大埔和平之間公往勸擒渠底定更無有跳梁草澤聞者而山海皆告敕寧矣至公之自固圉也築饒平城垣建饒平大埔學宮及郡學之明倫堂十類噴噴又修建黃岡城築西林營寨頻年經營拮据次第告成所捐各數千金古稱公爾忘私國爾忘家者公何歎焉蒙睿命之隆三晉宮銜兩膺欽賚一品榮封上及四代恩廕隆典下逮後人朝廷之以待勲勞者焜耀一時公素以忠孝自勉又歷荷寵錫隕越足懼緣奉旨會議封疆之事益夙夜綢繆罔懈雖至勞瘁之積繁劇必親及沉疴日甚度不能起乃自草遺疏暨具啓事誠可謂克盡職場大臣之誼者矣若夫公生平至性莫大于孝以友于兄弟其祇事二人也夔養志備極承歡歿而廬墳思慕無日不嗟呖帖之篇者迨終身焉其於弟也怡怡之愛日取策功揚名致耳竭力之事以相勉勵推而至睦族施予必降又復誘勸子弟朝夕考課以期振家聲而至待友下賢則爲篤篤管鮑之交厚金石之信其於文士尤深愛慕適館授餐如曾君省陳君本一游君定海饒君寵偉皆拔譽序以次擢科名者其他所品藻造就尤未易更僕救故景慕風聲過都越邑而至者無不謂吳公實肝膈我且能生我也又推而鄉黨之排難卹貧日有厚誼遐邇爲傾心焉公德性溫恭臨事敬慎待物以誠遇下以恩綜理之勤自朝至日中晷不遑暇食者數十年迨公餘則好與紳儒及諸門人稽古論文諮諏時務至疾革而調將領誠子弟惟

豐順縣志

卷十四

勝蹟

四

仙頭鎮字局梅縣分局承印

諄諄然以忠孝爲囑嗚呼若公者真天地之完人又不徒以智勇大將爲名者耳公旣以遺疏上聞天子重加憫念贈少師特進榮祿大夫賜諡順恪遣官祭葬欽奉御製碑文又破例特典以饒重地兵馬夙練敕總戎君統轄嗣守先職仲子啓爵承恩禁掖卹忠之典未有盛於斯時者也公尊人諱廷符以公貴誥贈光祿大夫左都督知子官大母胡氏誥封一品大夫人公兄弟二人公居長弟標分守鎮江參將公生于明萬曆丁未年七月十二日寅時卒于大清康熙己巳年五月初三日辰時享陽年五十有九歲舉丈夫子十有一後蓋未有及云今奉敕造塋擇大埔縣清遠都之湖寮鄉龍爲嶺山之秀穴負于掛丙欽依御賜一品典式營造以六年七月十四日安厝焉爰爲銘曰

嶺峯者山鬱蒼蒼者林忠孝大德山高水深幼負才略匡濟宅心梓里干城式靖蜩螗傾心歸命寵錫榮昌天子曰都匪予特揚矢忠報國護我粵東粵東悉寧積累戰功枕戈夙夜瘁厥躬聿殲巨寇復撫鯨居鐘朦備飭鷺島坵圩肅將威德暇暢無餘彤弓斯脫錫命愍勲焜耀寰宇竭蹶彌殷致身後已卹典軼羣嗟公之德如圭如璧嗟公之功銅柱竹帛潮疆永賴燕翼流澤煌煌御製華表萬年鬼神呵護馬鬣雲天爰卜熾昌衍慶其延

馬跡石刻海豐交界四大字

嶺下鄉黃沙田伯公凹巖石上有馬跡二深入石內上刻海豐交界四大字旁刻乾隆三年立五小字相傳建縣勘界時所刻

新建安敦書院記碑佚

士習者民風之倡學校者教化所繫是以天子自首善而外凡郡邑莫不建學而大小吏推廣作人至意復增義學慎選師儒由來尙矣豐順潮之新造邑也溯自唐時韓昌黎爲刺史舉趙德爲師韓公以聖賢之道倡化趙子卽以公之教教其民而習俗翕然丕變延及於今潮郡人文甲子東粵豐之民僻處山谷見聞稍陋不無樸樸之處然尙固嘗被化於昌黎者也且我皇德教覃敷無遠不屆特開新邑立學宮凡所以訓誨而勵迪之者無一不備則澤以討書文以禮樂非守土是責而誰責哉余不敏承乏茲邑竊見大憲殷殷圖治者首重教民粵秀端溪兩書院延四方碩學爲之掌教廣羅英俊肄業其中四時考課至詳且密潮之韓山書院亦體此意以樂育莫不爭自濯磨郁郁彬彬念我豐人離省郡遼遠可不近爲措置以承流宣化哉初祇任一切工程嚴逼未遑他及歲試見童子來赴者千六百有奇雖鈍敏異材咸欣欣有向風慕道志小子有造進而教之藉於師儒之砥礪矣爰與邑之紳士謀建書院而難其地一日登安敦嶺縈青繚白陂陀平衍前俯豐溪溪上古榕數株圍抱殷茂不知何年代物游魚飛鳥熙熙然遨遊於上下乃嘆風塵俗吏終日案牘向之艱於擇地者今乃於斯乎得之也遂捐俸爲紳士倡構書院其上於乙丑冬經始于丙寅春落成卽名曰安敦欲其顧名思義也特事芳草創膏火尙虛後之君子以漸拓充諒有同心由是選擇名儒勤加鼓勵庶向風慕道之徒盡去其樸樸上接昌黎之傳以副聖天子暨各憲作人至意以爲邦家光豈非豐之幸而余之大願也夫因爲之記

豐順縣志

卷十四

勝蹟

五

汕頭鑄字局梅縣分局承印

乾隆十一年丙寅閏三月朔賜進士出身知豐順縣事葛曙撰

案碑舊嵌院壁民國廿二年張令我東曳碑磨去記文改刻和平紀念碑樹于普濟橋畔昔浯溪新志以祁陽令鐫去山谷書碑一角刻詩載爲災異本志大事記亦援例書之歐陽詹予九江驛碑材文云美玉抵禽高冠藉足與有道而黥無罪而劓投諸四裔魑魅何以別耶石不能言豈其無冤今豐順考棚碑記竟毀作行櫓真所謂高冠藉足者矣附誌于此庶幾邑人對千金石文字知所寶貴焉

鵬湖書院四大字石刻存

案安敦書院乾隆五十七年金匱秦泰知縣事改名鵬湖書院鐫石額院門光緒二十六年改建學堂拆去院門石刻棄置叢草中

聶翠二字石刻存

潘田驛站旁巨石峻削名石古硃金匱秦泰過此書聶翠二字大徑尺許磨崖際許志

周勝萬詩石刻存

縣西蔣坑鋪巨石嵯峨乾隆間典史周勝萬離任刻詩十石云謝却風塵二十年鄉關望斷子規天周旋久夢蘭爲友勸勉還將石作屐無屈十分書忍字得閒一刻種心田情深最是臨歧際回首豐城月

滿川許志

路開禾熟四字石刻存

縣北部小勝鄉有印石方正似印大如倉廩亦名禾倉石上刻路開禾熟四字不著年月日姓氏

參許志修

德政祠記碑佚

德政祠何記實緒昭公道即去思之意也縣治設自乾隆三年戊午至道光元年辛巳垂八十餘年考棚適成僉議立祠于內取開治來列賢侯之之有循聲與牌位之散設各處者迎而合祀之悉已協輿情矣夫無所爲而爲善者賢守上之心也有所感而不忘者鄉人士之志也嘗見世之喜逢迎者於長官履任卽鑲屏製錦立碑鐫額實於去思之義不符且以合邑昭德報功之舉反爲奔競者希榮附勢之媒更屬卑鄙僉議嗣後賢侯果有德政可入此祠者不必大急務於去任後爲之庶幾官之實績民之公道尤足珍重云

文廟考棚記碑存

天下崇祀文昌帝君由來久矣豐邑始建于橋頭年久傾圮嗣移於安敦書院即于嶺上建立魁文閣以昭祀事今國家文教昌明改文昌祠爲文廟春秋兩祭崇祀先代飭府州縣擇地爲廟宇前後殿廡與聖廟等而地利未得每見紳士嘗以上安神靈下與文運殷殷相商查城內有裁去守備舊署一所屋宇無存地勢爽塹廣衰合度基址寬廠擬構兩廡以作考棚俾應試者永無租借棹椅之費似一舉兩得爰捐薄俸爲倡各紳士欣然樂助斯固時至事起賴神之靈抑亦邑之文風日上膠庠中將有應運而興者乎是役也始嘉慶乙卯二月起一歲告成董事者舉人即用教諭李維彬歲貢何器璉監生吳泰盛分日課

豐順縣志

卷十四

勝蹟

六

汕頭鎮字局梅縣分局承印

丁者貢生黃振春附貢生吳捷陸監生吳世文樂輸辦理妥協各鄉首者與有力焉例得并書是爲記

道光元年季春吉旦特授豐順縣知事王奇雲撰

右碑舊嵌考棚民國初擴建學校折鋪檐路今抄記補錄之

翰墨題名四字石

沙田圩水口有石長二丈端正如墨橫亘溪流上刻翰墨題名四字傳爲仙蹟許志

曹山寶林寺記碑佚

豐順西南三十里許有曹山山形低小而奇峯怪石古坳幽泉靡不畢具其地靜而深廓乎有容元時建刹寶林歷今年遠鞠爲茂草康熙癸巳上人守白見而掛瓢焉長源吳君爲之充拓得山若干畝重建佛寺朔佛像而潛修其中山上有潭既潔且冽樹石陰翳如峨嵋積雪經夏不消守白名之曰初有下復有潭四相離而遞續其聲潺潺瀉乎寺之左右冷人心意堂前水流屈曲圍繞引入茶灶之旁清澈而甘名曰一線泉寺有鐘僉云飛來居人誌之大與峽山寺相類寺左遠望有峯尖聳雲層嵐霧浮凝晨青夕紫不減舒州景况擬曰擲錫峯右石或三或五羅列門側如禮拜狀則曰聞經石小溪自山入村植桃其上落葉柚枝天容水影禽鳥之嘯吟烟雲之淡蕩則惟諸佛受之而守白有之至若日色在天風光在野塵想遙飛虛空寂靜見而不見情而無情得入斯門類皆瞻仰守白優游獨處耕石鋤雲開經示偈洵足樂也山中多藥不種而生有病者服之即療人病有盡我藥無窮寺外田禾出無量米作無遮食香遍十方

及於法界聞之得飽蓄不待琉璃玻璃碑礫礫之屬一寶林矣噫何地無山何山無寺何寺無境何境無人成之者天得之者人境自境也人還自人人境之中因有是記

右碑嵌寺內不知何時佚去記爲鄭耕撰今從葛志抄補

吏部員外郎羅萬傑墓銘并序

先生遭明季鼎革棄家爲僧自卜壽藏於岐山之龍湫潭題其碑明龍山樵夫羅公之墓先生不但隱其身而且晦其名殆雪菴靖節之流亞歟僅述其概以銘諸石

岐山之陽洛水之傍瘞玉佳城遺蛻仙藏高節峯峙貞名流長樵夫姓字千載有光

舉人天津道參議王宗昌撰

林公紀念碑石刻浩氣長存四字

豐順縣長鄧潤康紀念林前縣長彬鐫石

石湖溫泉亭碑記

李郁焜

豐邑石湖之畔有溫泉焉環而居者朝夕取求踵相接蓋不假薪火賴天地自然之利以足由來久矣余於三十年春遷署于斯地因民之所利而竊有感焉夫天地無言而能利吾民若是之便且廣余奉國府命來督是區治斯民而食于民雖不啻與天地爭治容不思所以利民之道者乎解而改築濬溫泉之石湖鄉道並設示範農場推行保造產周行其野每見泉源必沸汨汨其清以汲之者衆朝夕病不

豐順縣志

卷十四

勝蹟

七

汕頭錦字局梅縣分局承印

足長曰則有餘其流于池以浴之浣之者衆則又病其混濁是皆人力未能補天地之憾也爰集父老謀有以改造之僉曰善乃遣技士羅毅傑與鄉長陳臨之董其役就其源築湯井一沿其流築浴池洗衣池各一伐石爲填周以蜃灰瀦其所有餘澄清之復構一亭于井上使汲者浴者浣者遇風雨烈日皆有所庇不二月而告成焉于是民益利其利而更有樂其樂者且爲之歌曰汲井泉兮溫且漣浴而浣兮池澄鮮誰利我民兮使君賢繼有以其歌詞相告者余以吾民之易與樂成也故爲之記

中華民國三十一年六月之吉廣東省第五區行政督察專員兼保安司令李郁焜撰并書

中山紀念亭記

豐城一隅羣山巖鬱曲水縈迴風景佳絕中山公園位於城北安敦嶺登臨俛覽無遺頗佔勝概惟設備未施園中一片荒蕪四圍叢莽故遊人裹足焉余攝篆是邦從政之暇出視市郊見斯園名存實廢乃決計整理之以爲民衆業餘遊息之所但因地方貧瘠又不欲多糜公帑則出囚犯并稍僱工蠲其榛蕪葺其垣墉蒔花植樹而園乃煥然改觀時適邑人張鑑初先生歸自暹見山巔平衍宜築亭乃謀于余曰鑑初當辛亥首義即參加華僑北伐炸彈隊曾充先總理護衛寢饋於總理教訓者久且篤擬輪金獨建中山紀念亭于山巔以垂紀念可乎余曰善爰於民國廿六年六月鳩工興築逾月而亭落成四望平曠烟靄遠岫雲飛繚白縈青羅于眼底彌足增斯園之勝於其成乃爲之記至張鑑初先生在暹彭世絡省經商甘飭載熱心社會事業曾手創學校報社義山等及維持地方治安有功受暹國男爵之褒

其於國內則以致力革命敘勳授簡任職蓋其爲人洵有足多者因附識焉

中華民國二十六年七月吉日

豐順縣長張濟清撰

(二) 古蹟

藍田隘一名石磴飛泉徑在今礮下鄉離縣九十里

大清一統志藍田隘在揭陽縣北舊爲戍守處通志同

方輿紀要徑通惠州長樂縣爲惠潮之關隘或以此爲揭陽嶺通志同

揭陽縣志石磴飛泉徑在藍田都古置石馬營今廢潮州府志同

案方輿紀要秦本紀始皇伐百越令史祿轉餉留家揭陽嶺南史蕭道成之子頤爲贛令江州刺史王子勛反避難揭陽山水道提綱揭陽山又東稍北爲飛泉嶺其東南爲貴人山斐淵廣州記秦守五嶺其一揭陽具徵藍田隘爲秦漢六朝南北交通道要隘故有石馬營之建置殆爲秦戍守揭陽嶺最南之關隘也迨唐宋瘦牛嶺一路開通與潘田武寧驛官路銜接而藍田隘古道遂廢

貴人村貴人山 在縣南八鄉一百三十里隋義安郡丞陳洪留居於此洪子政以低格印武功著政子

元光鎮撫漳潮贈右豹衛衛大將軍鄉人以陳氏累世貴顯因名其村曰貴人村山曰貴人山廣東名勝志

黃通志潮州府志葛志俱同詳陳洪本傳

豐順縣志

卷十四

勝蹟

八

汕頭鑄字局梅縣分局承印

網鱷溪 在隴隍江溪東柵外口碑相傳宋代網得鱷魚于此後築柵于溪口防之故名

潮州府志北宋咸平間隴隍江中有鱷魚爲民物害村民張章年十六偕其母灌于江溪爲鱷魚所食潮

州通判陳堯佐督吏操網捕得之載返潮州城戮于市作鱷魚文阮通志同文見文徵類

宋史陳堯佐傳堯佐通判潮州作韓吏部祠以風示潮州人氏有張氏子與其母灌于江鱷魚尾以食之母弗能救堯佐聞而傷之命二吏挈小舟操網往捕鱷至暴非可網得至是鱷弭耳受網作文示諸市而烹之人皆驚異卽其地也

藍田書莊攬勝亭 宋鄭國翰讀書處在飛泉嶺朱子嘗書落漢鳴泉四字并題絕句今詩字磨滅書莊亭址俱不可考府志葛志同

澹軒 在藍田飛泉嶺宋兵部郎中鄭國翰講學處國翰與朱晦庵爲同榜進士手書落漢鳴泉四字榜諸亭郡通志

朱子詩梯雲石磴羊腸遠轉壑飛泉碧玉斜一路風烟春淡蕩數聲鷄犬野人家

明順德黎偉光孝廉登飛泉嶺訪朱夫子遺蹟詩五嶺東南障飛泉號揭陽輿形通地險成壘入秦荒路訪天台似仙疑鶴嶠藏捫蘿緣鳥道理策繞羊腸古木盤千曲幽巖漱百芳我來尋篆蹟磨石認靈光

案藍田書莊在礮下鄉瀑布巖側廣東名勝志所謂有飛空而下如瀑布者也編者曾于光緒己酉夏

便道往訪見莽荒山一派荆棘蒙茸莊亭故址已無從識別非瀑布巖礫有朱子栗主及爐杯殆後人所崇祀者詢當地故老以朱子磨崖四大字據云在巖巔石壁上已爲藤蘿所擁蔽昔曾有人遠來搜尋幾經剪徑攀捫始覓得之具徵朱子遺墨尙存也

瘦牛嶺 方輿紀要瘦牛嶺在潮州府西北五十里一名雲落山爲往來通道卽揭陽山之南麓也

山 輿地紀勝潮州景物下有瘦牛山注引潮陽圖經云雲落一山有銅鐵佛像寶貝之異或謂今之瘦牛山

黃通志雲落山一名瘦牛嶺在揭陽縣西一百里高二百丈周圍三十餘里廣東輿圖舊傳有銅鐵佛像寶貝之異

按縣西南五十里斗牛鄉有小牛山卽瘦牛嶺省道豐湯道段路線所經兵營子下山嶺是也宋楊誠齋黃公度俱有過瘦牛嶺詩詳寓賢傳

七娘灘 在八鄉小灘明隆慶三年總鎮郭誠松督師辦賊至小灘前遇七婦人渡水語以賊巢所在并進勦日期後如其言果平賊爲立廟于湯坑鄧屋寨山名七聖廟其下溪灘亦名七娘灘旁有溫泉風景絕佳明羅文節與雪樵上人嘗游于此 案葛志郭誠作郭誠松今攷通志府志職官表及本傳皆名郭誠從之

豐順縣志

卷十四

勝蹟

九

汕頭鎮字局梅縣分局承印

開雨映疎籬花的礫烟生野徑石爛斑坐聽僧梵歸來晚展齒銜泥趁濕還

羅沼哲上巳後一日重遊七娘灘詩重到灘邊去良遊豈易常風前人跡靜雨後水聲涼山竹添朝綠野花隔宿香石頭常坐處昨日記飛觴

羅萬善七娘灘溫泉詩一灣徹底清萬點如煎沸不火自然溫春冬騰煖氣（中畧）茲泉產向窮山裏牧豎樵夫日至止濯足潑水戲歸時猿猴來飲躡水涯（下畧）

釣台 明隱士羅紅隱居垂釣處在藍田上陽卽今羅家約龍溪之陰叢石嵯峨下流水有臨泉之勝水口有巨石曰望牛石紅隱居躬耕嘗牧牛于此故名府志

揭陽縣志望牛石在上陽山下紅徜徉山水間輟耕吟咏時撫之而盤桓石因以名紅有和人歸田百詠詩知縣陶植見而愛之因造其廬相與登釣台憑眺舊址今猶存邑中詩人往遊多留題其上

羅基恆望牛石釣台詩石畔望牛處十家釣竿曾掛夕陽斜不將斤壑易軒冕留取高風伴落霞

社宮碣 在沙田鄉南溪寧尾頭一在箭坪村口明隆慶間社官巫萬一於六月六日單騎過南溪至寧尾頭爲賊狙殺頭墮地身猶騎馬背馬逸至箭坪村口有見之者呼曰騎馬人無頭身遂墮下後知爲丞社官鄉人各於其身首墮地處立短碣歲時弔祭之迄今兩地村民咸以六月六日陳牲供案不替稱之爲社官爺寧尾頭碣清季增建一椽之宮故老皆言其生爲民衛以死勤事者

案隆慶天啓間巨寇鍾靈秀廖欽輝金德光諸渠皆以南溪庵子場箭坪揭陽碣爲巢穴旋嘯聚銅鼓

嶂山寺檢及閩粵贛三省蔓延數千里經三省督撫兩次會勘追至南溪擒斬之巫社官殉難適在其時其地鄉人哀思不墮洵有由也參建通志阮通志嘉應州志修

曹山六景 在縣西環清元曹山寶林寺清康熙間舉人吳啓晉爲守白上人重修之鄭耕作記立碑山有擲錫峯飛來鐘初有潭一線泉桃花溪聞經石六景葛志

吳啓晉寶林寺詩野客漫行蕭寺前老僧隨喜覺殷然臨淵潛出聽經鯉履徑遙聞說法仙月映禪林山水秀雲橫梵宇地天連重遊此景知何日淡看黃花度小年

林作棟詩曲水回流靜室前潺湲入耳轉蕭然晨鐘罷後聞啼鳥暮鼓殘時有嘯仙石勢低昂同起伏峯巒斷續總相連上方自是無塵近面壁何須待九年

釋真樸遊初有譚詩清景闌幽崖寂寞不可扣寥寥蒼松雲千古迷昏畫烟扁朝已啓竹石生左右一徑入蒙龍幽泉消寒溜迺窮空潭險林薦席繡濛濛疊巒濤蕭蕭風雨門下囑已澄瑩白光射潛竇清見而柯烏靜落攀藤欹回環遠峯攬百靈何時守則是混沌天開闢有先後三秋瘴癘鄉茲遊迺奇邁不知炎伏間誰能私枕漱

釋性曉寶林寺六景詩

曾聞大冶出胞胎蔕地洪音震雷喚起定中霜夜夢却疑獅子復飛來飛來鐘
何年潭水潑林間今有清光見此山一任風來波不起潭心可似老僧閒初有潭

豐順縣志

卷十四

勝蹟

十

汕頭鎮字局轉縣分局承印

泉與曹溪一樣深紆迴一線出幽林世人不解清清意拋却源頭向外尋一線泉

清閒未許住深山手種桃花溪幾灣回顧落花紅片片不隨流水到人間桃花溪

無論晨鐘午磬時堂前惟恐聽經遲世間那有痴如石住在深山已不痴聞經石

曹山萬仞翠龍蟠再進竿頭路可通昔日隱峯何處去空留一錫白雲中擲錫峯

歸來亭 在城南佛泉寺下黔嶺吳嶺豐嶺里後構日與友隳石溪游衍其間臨流觀魚亭下卽佛子潭

聚魚千頭寺僧臨橋飼之隨聲躍起以爲常遊客投以雜物輒吐桑如受佛戒康熙四十一年四月晦日溪水暴漲亭燬已卯秋菴僧融改作木勝曰悠然後亦毀今泉已潰決不復聚魚矣參通志葛志修

霜山草堂 在大田社坵塘明進士謝元洪講學處有霜山草堂集詳見流寓本傳霜山吟予卜居大田

自癸巳今庚子夏自羊城歸七月至十月卒病偶一日循陸行鄰犬有見而吠者感而贈之七祀空山客如蠶不出筐一慚寧不忍羣吠亦何妨將勿怪頭換幸非同穀亡灶廬存記載終老白雲鄉

又余別珠江 霜山母舅陳十勗以詩見訊中及靈運開山事依韻戲答七載風烟隊裏過栖栖車馬問如何焚將臘屐存冰卷幼出家山學蠶蛾但說青蚨裝陸賈寧知白鶴瘦東坡勿矜名下人爭襲丘

壑胸勝事多

扁山砦 在九河鄉四面險峻惟南北二徑可通曰南劍門北劍門明諸生鄭善哉讀書潮州知大亂將起歸而自廢田租數百石於扁山之巔築砦開路鑿井明季亂起遠近依而安者數百人鄭氏家譜鄭善哉傳

案明季潮州忠逸傳隆武乙酉黃海如攻潮州海陽陳衍虞吳元昌率鄉兵諸名流皆避地于扁山紫衍處至善義館之山陬茅屋中二榻其一榻先有人呻吟臥衍處就之則吳元昌也自是聯榻旬餘陳衍虞蓮山集有次韻辜小願四首其一云走敵挑刀記逐忙驚魂猶在水雲鄉踰踰雨夜荆榛路信宿蝸廬瘁嶺陽搔首雲天近尺移樽月下露盈觴不堪痛定思追憶回首新亭淚萬行自注乙酉同小願避亂九河幾爲山寇所得奔至紫巖東方已白矣

金鎖寨 在縣南湯坑寨今爲金鎖鄉舊原培塿溫泉山其左明吏部員外郎羅萬傑自燕京陷歸而夷山築寨列肆招商資其租稅以集兵與郭之奇何仕家等結陶社謀匡復永曆間與李士諄謝元汴諸人各起兵響應郝尙久後乃盡散諸勇健痛哭入山其寄部屬詩有破釜昔曾聞項藉携鎗今竊効陳搏之句旋築室於降烟寨之旁單衣蔬食以奇其黍離麥秀之悲三十年足不入城市雪樵上人題逸老庵三字名其室清朝屢徵不仕疾革命題其榻曰龍山樵夫之墓著有瞻穴堂集沈德潛題曰高風亮節宛在堂集贈六堂集明季潮州忠逸傳

朱麻祀石洞 一稱三十六灶在東嶺鄉朱麻祀山腰石洞深十丈許洞外斜坦富水泉周遭懸崖峭壁僅東南一路可通明季隆武殉國武南公馮玉成馮亞六等據險集兵編分三十六灶謀匡復遺跡猶存葛志嶺東山誌記

黃竹磴 在環清堡高四百丈山頂平坦可居數百家有清水二穴名曰金井銀井明王柏泉素習兵法豐順縣志 卷十四 勝蹟 十一 汕頭鎮字局梅縣分局承印

衆親族避亂其中屋舍爐灶遺址猶存葛志通志府志俱同

案黃竹磴今屬建大鄉境即楊門巢山北

出米巖 在仲坑山淨水寺相傳巖中小穴舊日出米日可供數人食後寺僧貪多鑿之遂絕潮州府志

齋公田 在韓山麓地平坦廣三里許中低窪泉流汨汨似池非池出澗潺潺有聲池上元明間有庵僧衆百餘皆挾奇技異術將爲亂經當道擒滅庵遂廢圯同治八年建復近亦廢許志

烽燧 在韓江朱坑塘西岸三座矗立明清二代均設置朱坑塘汛舊有烽燧營房巡船駐防巡哨咸豐五年裁廢惟烽燧今存民國初韓江治河處於烽燧旁建立水準石

環翠亭 在建橋堡西門外亭有明代古榕一株大可十圍森蔭蔽許故名亭側有呂文宗閣里人張聯吉獨資建亭臨大溪長橋前橫頗繞風景每花晨月夕遊人如鯽里人嘗于亭中宴會惠潮嘉道輒超過建橋寄輿詩林巒四面翠光融路入平原似掌中千頃繡分田上下雙流鏡隔水西東樓台深處堪留月烟火濃時不散風應是坤靈饒結構至今佳氣鬱葱葱

東巖 在大田社長嶺口負山臨水雙溪交流巖石峻聳中廠爲屋茂林修竹夾蔭左右葉上林孝廉建修禊亭于巖下通志許志同

仙踪石 在沙田鄉占頭村九礮口有巨石方廣逾丈中巨人足跡一雙長三四尺深入石紋寸宛然足跡查非人工所鑿前有石窻面積二三尺許水積經冬不涸相傳有飛仙下此而渡所致故名許志

(三) 署宅

通判府城明隆慶初築城湯田崇禎初復設豐順營乾隆三年建豐順縣重修舊城加開東門知縣葛曙於四門刻石嵌其額東曰迎暉西曰攬秀南曰熙和北曰阜成民國十九年拆城改築馬路石刻遂佚今城牆僅存縣署右便一段

通判府署在城內明隆慶初建後廢爲民房許志

產溪驛在韓江西岸站口雍正四年裁通志

明郭千章宿產溪驛詩產水驛前洄瀾陸路已開海雲孤浪捲竹月破窓來猿鶴時相狎鱸鯨不用猜

秋聲飄嶺樹夢繞故鄉台

案驛署久廢夷爲耕地葛志產溪驛地租額征一兩二錢一分九厘今亦失其租地以郭詩產水驛前洄瀾証之驛址當在站口之文祠右埔地

武寧驛在逕心堡離縣五十里雍正八年裁通志嘉應州志同

案葛志武寧驛載後改爲逕心公館原有武寧驛三字碑建縣時僅存字三間許志載武寧驛地租額征二兩八錢八分六厘今租已失武寧驛碑亦佚攷係民國初爲佔地減租佃戶所燬

北關鎮在縣東南六十里清初改設本頭凹訊詳見關隘類

盛宮保故宅在隴隍軍塘之北山麓明禮部尙書太子少保盛榮蘭公建嘉靖末因倭寇擾亂避居于此

豐順縣志

卷十四

勝蹟

十一

汕頭鐫字局梅縣分局承印

多年宅內舊有宮保栗主清末尙存今廢案宮保有祖墓在東北洞黃洞三穴今存其久居此地可見明衛所屯倉在隴隍慈祥庵上昨乾隆七年知縣王如珩就故址建倉咸豐四年土匪古聲揚倡亂被焚劫倉燬光緒元年知縣李洪毓建復改名潘隴產葛屯倉因四社屯戶捐設故名民國九年廣東產處盡將屯田變賣倉宇亦拍賣今清華醫院及曠地卽其遺址

守備署在城內東北隅開縣初增建嘉慶間改建文昌廟考棚光緒間改學校

大平公館在城北門外西偏吳少師八奇建館前臨鵬湖有水樓乾隆九年建移北門外東偏就原址改建學宮道光間東偏館址又改建善慶祠

文昌廟在北門外橋頭因年久傾圮吳六奇少師移建安敦嶺乾隆十一年知縣葛曙於廟後拓建安敦書院五十七年知縣秦泰改建爲魁星閣閱三載始落成高閣三層巍然傑構以邑舊有鵬湖之稱改名鵬湖書院光緒三十年改書院爲學堂以閣久壞拆毀爲廳今忠烈祠外門卽其遺址參葛志許志修

安敦書院知縣葛曙建有碑記詳見金石類知縣秦泰增建房舍改名鵬湖書院今廢

案許志邑舊稱鵬湖語焉不詳攷縣署花廳葛曙刻舊水榜聯有鵬湖風月足生平之句詢諸故老云大平公館前昔有水樓在鵬湖中知葛令建學宮時鵬湖尙存故有風月之勝今彭家祠至天褒完壁石坊下地皆低窪久雨卽成澤國當時受東南來壑之水瀦而成湖証以隴隍之軍塘惠州之西湖灼然可見葛志有軍塘渡蓋在昔由隴隍至西北洞必喚舟而濟今塘米成田惟積雨江漲行路淹沒始

以舟渡凡天下之湖皆昔廣而今狹昔深而今淤皆居民與水爭地廢湖爲田廬所改鴨湖自不能例外疑鵬湖卽沿鴨湖改稱所未詳也

抱山堂在縣署花廳左便後傾圮光緒間知縣鄧衍憲改建爲惺惺無華齋一廳一房

典史署在縣署右偏乾隆六年知縣王如珩建今改爲監獄工作場

兵房在城東門內建縣初黃令以弁建三十六間乾隆十年葛令曙添建二十七間今俱廢爲民房許志

訓導署在縣學宮右偏置縣初建民國改建縣立中學校鐘樓

萬壽宮在安敦嶺康熙四年掛印總兵官吳啓豐建光緒元年知縣李洪毓添建東華門西華門兩座

葛志 民國改建中山公園

少師府在城內吳少師六奇建有龍棟獸環之飾

城隍廟在西門內建縣初建前軒一間十一年增建前後殿民國廢爲縣參議會所旋改爲縣黨部

龍王宮在安敦嶺南麓乾隆二十年江會廷建今廢

敕書樓在金甌寨內山半明天啓舉人兵部主事楊世喬建清道光間燬于火舊藏湮滅今寨內寶堂卽

其遺址

忠義孝弟祠在北門外有祠堂門亭各三間左右牌坊各一座乾隆十一年知縣葛曙建民國二十年廢

爲縣立中學操場

豐順縣志

卷十四

勝蹟

十三

汕頭錦宇局梅縣分局承印

演武亭在城西北校場乾隆十年知縣葛曙建今廢爲園地

約亭在北門外忠義節孝祠左乾隆十年知縣葛曙建今廢

城守署在西門內今何家祠卽其遺址

八角亭在縣學宮門外騰蛟亭左傑閣三層亦名魁星樓同治九年建今廢

考棚在城內文昌廟兩廡有坐位一千三百餘號嘉慶二十四年知縣王奇雲倡邑紳吳亦材等建光緒

三十一年改爲縣立小學校舍

雙忠廟在城北門內上下兩堂一橫屋道光間官紳倡建今廢爲法院

養濟院在南門內城隍廟右五間乾隆八年知縣黃以弁建今廢爲民房

栖流所在養濟院右二間爲奉發流徙人犯所栖葛曙建今廢

火藥局二間在東門北畔葛曙建

箭道亭在縣署右馬王廟又在亭右葛曙建今俱廢

潘田公館在潘田明代舊館廢址乾隆二年總督鄂彌達巡邊臨潮令海陽等縣建復葛志

卡房在韓江西岸童子拜石下跌牛磯頭光緒二十二年知縣鄧衍憲奉文諭邑紳陳期昌建駐把總一

員兵三十名巡船一艘旋裁廢